

瓊州府志

瓊州海口海南書局印行



瓊州府志卷之十七上

經政志十三兵制

漢

置合浦郡治朱盧始設兵防後遣舟師數萬以黎獠難諭盡焚樓船而去

唐

五州各有戍兵武后時五州首領相掠嶺南採訪使宋慶禮罷五州戍兵各一千後控兵十萬以四將統之黎兵無額勤連鎮亦

有屯兵置都督府及五州招討使以領之

宋

軍制曰澄海軍以戍海曰清化軍以戍黎俱建隆時設曰清江軍天聖後增置皆諸州戍兵崇寧間廣南西路經界司請效閱刀牌手於桂州分

戍諸州嘉定間桂州解嚴戍瓊山後三軍額通改清化統以指揮屬廣西路曰土軍瓊屬儋弁置翼設官一員領之以罪人充配曰

黎兵無額曰蛋兵以蛋民為之至道間嘗令輦糧於海北諸鎮寨皆有守兵雖有營兵及延德通遠二寨并招軍士習武藝政和間罷

都督府陞瓊州府為靖海軍置節度使宣和後復罷軍額置安撫都監以統之

瓊州共置柵二寨八鎮一

通感柵

英田柵

俱在瓊山

西峯寨

在澄邁

定南寨

在臨高

大寧寨

南營寨

俱在樂會

昌化寨

在本縣

延德寨

通遠寨

俱在甌州

陵水寨

在本縣

臨川鎮

籐橋鎮

俱在陽吉

元

海南兵額有曰湖廣戍兵輪委管軍萬戶一員統之三年而代

湖廣省於平陽保定冠州等翼共調漢軍一千鎮守海南萬安諸處

皆有守兵以百戶一員領之兼統土軍後乃置翼

其新附土軍分隸砲手所轄冠州許州冷水河翼衙門建於城內

土漢軍營屯於城外西隅曰靖海營白沙水軍南蕃兵設官管領

收宋末祥興敗兵置鎮設官管領防海又籍占城降

人為兵立其首麻林為總管降四品印信世襲後俱為蛋人

至正七年安撫使陳仲達以黎兵千七百餘助征交阯十一年又以民兵萬四千助官軍

征黎皆未有額至三十年閩里吉思平黎乃議僉土人為黎兵奏立五原仁政遵化義

豐潭攬文昌昌化會同臨高澄邁永興樂會十二翼千百戶所以統領之大德二年罷

以其軍入瓊州路軍民安撫五年始以都元帥府長二人領軍務分按海南

天歷元年瓊山主簿譚汝楫請于大府陳鄉兵五千人用以破賊

元統二年增置萬安翼為十三所置黎兵萬戶府萬戶三員正三品千戶所十三處正五

品每所領百戶所八處正七品兼用土人為之

瓊州共置營二鎮一寨四

靖海營 在郡城外西隅

南蕃營 在海口浦

水軍鎮 在白沙

永靖寨 在澄邁西南七十里曾家都

保義寨 在澄邁新安都

八角寨 在文昌八角嶺下

萬全寨 在樂會

明

洪武二年設海南分司鎮兵一千餘名仍隸廣西省 八月以兵部侍郎孫安授廣西指揮僉事率千戶周旺百戶吳成等部張氏散軍朱小八等前

來鎮禦開設海南分司

三年立東西二所軍千餘名改隸廣東省

時州人林炯建言准元末黎兵附有司為民以征北潰亡陳州各處元氏舊軍節次到衛

者添撥以立所

五年改分司為衛六年改東西為左右所七年添置中前後三所軍三千名隨

撥前後所於儋萬二州鎮守 先是遷配者接踵而至土寇陷儋州指揮張榮建議立所以鎮之准奏詢福建賴正孫收集陳有定軍三千添置開鎮

十年又設

中左所 以獲罪官吏調撥

十七年加設崖州守禦所

十五年有制以置安官吏戶丁充軍起發崖州置守禦所至十七年始開設

二十年指揮

桑昭請添後所改中左所為前所僮萬所為守禦所自是勾捕幼小長成堪應役者取千五百餘名二十四年指揮

桑昭復以軍數目奏置清瀾昌化守禦所二十八年都指揮花茂議立南山守禦所安

陸侯吳傑築海口城撥後所於海口守禦

萬歷二十八年平黎按察副使林如楚築水會所城調後所千戶劉國祖清瀾所百戶黃

允成撥內四所及清萬僮軍三百於水會所守禦四十二年平抱由黎改樂定營調興

長兵三百九十六名防守議設守備一員以南山所千戶龍兆熙為之改樂活為樂安

調廣西樂弩手三百名屯守統以把總

衛所旗軍

海南衛轄內外十一所共額設旗軍一萬五千九百二十七名每軍十名立一小旗五小旗立一總旗為百戶所共旗軍一百一十

二名領以百戶一員十百戶所為千戶所共旗軍一千一百二十名謂之正卒

前所旗軍二百六十二名

後所旗軍二百六十二名

中所旗軍二百七十五名

左所旗軍二百九十八名

右所旗軍二百五十名

儋州守禦所旗軍四百八十名

萬州守禦所旗軍四百六十九名

昌化守禦所旗軍四百一十八名

清瀾守禦所旗軍四百八十七名

南山守禦所旗軍二百一十五名

水會守禦所旗軍三百名

指揮一員就近調度謂之督倭又有通督兩路者謂之提督成化十五年改兩路提督為

總督以指揮石英充之其路分有急在衛及兩路軍互調幫守隨時地為增減若巡捕

守備守禦不論指揮千百戶皆得充委其所委地有廣狹不等有單倭一所者洪武十九年指揮徐

茂守昌化二十四年百戶林茂守醴州永樂三十年有統軍巡捕者洪武二十年指揮程明有通捕三

指揮徐正巡捕清瀾景泰七年指揮周元守備醴州所者永樂十八年左所百戶王圮巡捕西路有調崖清南二所軍合守萬州者成化二十年指揮石英立牛嶺磨石

賴嶺黎亭五堡撥三所軍每堡五十

名防 有以衛軍守備南山復調清昌軍幫守者 正德三年副使王倬委千戶王詔領附衛軍一百名及清昌各一百名守備南山 有以衛

軍並儋昌軍把守崖堡者 宏治八年副使陳英委指揮王潔調衛軍及儋軍各百名昌化軍五十名防守縣州落基三堡 有哨守臨高者 成化十五年

嘉靖二十九年千戶崇昇哨守馬鼻 有劄守文昌舖前木欄地方者 嘉靖三十三年副使龔維屏委百戶王忠義立營防守 有哨守瓊澄定

三縣黎村者 宏治十五年僉事方良永委千戶王昇領軍餘民壯於三縣地方營守 隨帶旗軍多至六百名少亦不下百名惟西

路自副使王倬提兵深入後稍就安輯衛軍及東路各軍不入其境督備指揮只帶隨

捕衛軍五十名

水陸募兵

白沙寨額官兵一千八百二十二員名 隆慶元年設 後存官兵一千六百二十三員名其制有

本寨及前左右司兵船共六十三隻例設捕盜三十六名舵工八十三名斗練棍招手

五十九名兵夫一千三百八十八名

揚威前官兵五百二十八員名

揚威後官兵三百二十三員名

揚威左官兵四百四十一員名

揚威右官兵三百九十一員名

水蕉大會營官兵四百七十九員名

太平營官兵一百七十員名又黎糧目兵七十一員名

南峇營官兵一百七十九員名

日南營官兵一百一十八員名

長沙營官兵一百五員名

樂平營官兵九十員名

樂安營官兵三百九十六員名

樂安營善後廣西藥弩手屯兵三百員名

巡司弓兵

府屬原額設弓兵共四百五十名正統年裁減後巡司十二司弓兵共一百三十三名

定安縣青寧巡司弓兵八名

文昌縣青藍巡司弓兵十名

舖前巡司弓兵十名

臨高縣川牌巡司弓兵十名

臨高縣博舖巡司弓兵十名

澄邁縣森山巡司弓兵十名

陵水縣牛嶺巡司弓兵二十八名

儋州安海巡司弓兵一十三名

鎮南巡司弓兵十一名

崖州通遠巡司弓兵八名

籐橋巡司弓兵八名

抱歲巡司弓兵八名

民壯機兵

洪武三年設民兵萬戶府

正統十四年始令招募民壯

就令本地官率
練遇警調用

天順元年令官給鞍馬器械免其丁糧民壯一名免其戶內二丁糧五石以資贍納其物故者免勾有私役者與軍

餘同律

宏治二年立教場設都長以統之三年副使陳英復革都長省民壯另僉千百長名色如

千百戶所之例五年罷民壯為機兵亦曰快手又名機快十年御史王哲革千百長為機快聽捕官

操用十七年副使王機始行丁編法始革千百長明奏民戶至三十丁僉民壯一名以丁多者為正戶餘為帖戶定通府民壯二千

一百九十五名

嘉靖十六年御史戴璟復行糧編法募驍勇以充之定為民壯一千六百八十三名二十

一年陸續議抽民壯四百一十六名放班充餉

隆慶元年立白沙寨抽充水兵七百名六年裁扣濟邊三百八十一名因立六營悉扣充

餉於是哨守未足督府殷正茂乃議增兵守城每二名加編一名共增九百五十二名

半並舊額民壯二十四名止瓊山一縣俱扣給陸兵惟存防守城池庫獄民壯八百名萬歷

四年後停止增編仍存瓊山三十七名統為防守別將撥補防守民壯四十九名扣充

兵餉十五年奉勘合免扣濟邊並豁額編以甦民困十九年議裁防守民壯二十五名

半惟存七百三十六名半并扣充餉共僉民壯一千五百三十名爲額
土舍黎兵

永樂初瓊州府設土舍四十有一所轄黎兵多寡不等遇有調撥隨軍征進專爲前鋒無
事則派守各營聽管營官調度

瓊山土舍三

東黎土舍一黎兵五十四名西黎土舍二黎兵共百八十名兵以糧編糧四石三斗出兵一名當募者月支錢七百五十文

澄邁縣土舍三

黎兵每舍五十名

臨高縣土舍四

黎兵共三百名

定安縣土舍四

黎兵共二百名

文昌縣土舍一

黎兵五十名

樂會縣土舍二

黎兵共一百名

儋州土舍七

黎兵共二百四十名

昌化縣土舍二

黎兵共一百名

萬州土舍三黎兵共二百八十名

陵水縣土舍一黎兵五十名

峴州土舍九本州黎兵遠不調發故無名數可稽

感恩縣土舍二黎兵共一百名

保甲鄉兵

隆慶元年操鄉兵同知陳夢雷親詣各部僉選鄉兵每圖立督長一名團長二人以時操練頗得其用後廢

萬曆五年兵巡舒大猷令各州縣各立鄉兵復遣同知楊繼文等分行查點合屬鄉勇一

萬零四百八十名精兵三千四百七十一名

九年陵水知縣吳道亨立土哨製衣甲以練鄉兵每兵製甲一副以時操練皆得其用巨寇林道乾駕百餘艘突至陵水七賊先登取水道亨率

鄉兵直擒一賊道乾駕船遂遁

十八年兩院奏行挑選鄉勇給糧操練擇其智勇出衆者立爲哨官免本身雜派差役統束鄉勇諭丁口以法令每兵日給銀一分以資養贍後廢

營寨烽墩

瓊山縣

遷戍營

民壯營

揚威營

振武營以上四營俱廢

張隘山營在射銀地方

黃嶺營

大定營

大會營

紅花堡

籐寨堡

望樓堡在瓊定縣分界

白沙寨

海口烽墩

小英烽墩

白廟烽墩

豐盈烽墩以上俱西路

白沙烽墩

麻錫烽墩在白沙車

芒芋烽墩在博茂

東瀛烽墩

北林烽墩在小挺都

澄邁縣

永靖縣西南曾家都

保義縣南新安都

分哨後營在海防

籐謹營在黎南

籐藏

判壅俱西黎

東水烽墩

石礮烽墩

臨高縣

分哨後營在海防

那零在綿舖

屯建在居律村

南峇南定地方

獨水 縣南望

羅壯 在康麻都

平郎 即本村二營俱廢

黃龍

石碑

馬裊

烏石

博白

博舖

博頓 俱烽墩

定安縣

鹿窟 即巡崖嶺東

留平 在南雷三

南斗 在南雷一

黃竹 在會同分界

太平 即大坡頭營

五嶺 在太平左

石盤 在太平

南倫

坡田

南閣 俱廢

文昌縣

白延架 在白延都

烏欖坎 在賓宰驛西

赤岫

木欄

銅鼓

港門

揚威左營 在南碗都陳家村

教場分營 在縣北一里

舖前港

楊橋堡

七星 以下俱烽墩

抱陵

村門

舖前

白石

潮灘

抱虎

沙魚

會同縣

清平營 在定安分界

馬家堡 在太平都

赤石

歐村

望白

港門 俱烽墩

業會縣

猪母嶺 在縣北五十里

博敖

汀洲

七星嶺 俱烽墩

儋州

歸姜 在州東南黎界

田頭

保吉

七坊

那大

樂化

清寧

新英

白馬

南壯

永村

大村

馬山

細村

昌化縣

烏坭營 在城二里

吉家

魚麟洲

小洲塘

新港以下烽堠

大員

萬州

張牙市

貢田

太平

五香

南頭

滿苧

長沙

烏石

南港

蓮塘

新潭

楊調以上俱烽堠

陵水縣

軍堡在黎羅村

葫蘆門

鴨塘

茅營

牛嶺

水口

港門

高沙

南山

猪仔

淺水

石賴俱烽堠

崖州

三亞分寨

蓮珠寨

樂羅

抱活

迴風嶺

籐橋

樂安營

樂安藥弩營

樂平營

高嶺東

高嶺西

迴風門

甘露

黃流

望樓

佛老以上俱烽墩

感恩縣

分哨右營

莪茶

陀輿

南北溝

白沙溝

深田俱堡

嶺頭

縣門

浦麻

古奔

魚鱗

紅勁俱烽墩

瓊州府教場在城北二里

民教場在郡城西南

水師教場在海口三亞墩

清瀾所演武亭青藍都

文昌教場在縣北門外

舖前演武亭

萬州演武亭在州西門外

南山所演武亭 陵水馬鞍山北

儋州演武亭 州治東南郊

昌化所演武亭 在左東郊烏坭港東方

崖州演武亭 州治西郊

澄邁教場 縣西一里

臨高演武亭 縣東五里

定安演武亭 縣西南二里

會同演武亭 縣西南二里

樂會教場 王中珠鄉黎盤山

感恩教場 縣西南

國朝

瓊州鎮總兵官一員 統屬陸路本標左右兩營 萬州營 儋州營 駐州協水陸二營 海口水師營 廉州龍門協水師二營 雷州海安水師營

統轄瓊州府水陸共七營除龍門協海安營不計外大小官計一百三十員馬步守兵共五千三百七十

名

鎮標左營陸路額設大小官十八員兵丁八百二十名內存城兵五百六十三名

中軍兼管左營事遊擊一員駐節郡城

守備一員駐劄郡城

千總二員

抱總四員

外委五員

額外五員千把以下派防各台汛水陸各營同

馬兵三十九名除外委額外十名外實馬戰兵二十九名

步兵一百六十六名守兵五百九十五名共七百六十一名內弓箭兵一百七十六名挑刀兵四十名大砲兵六十

五名鳥鎗兵四百零九名籐牌兵七十一名

字識二十名

戰馬四十匹

本營分防四汛

每汛派撥千把外委二員一為專防一為協防以下水陸各營台汛俱同

定安汛防兵四十八名駐劄定安縣屬

文昌汛防兵四十五名駐劄文昌縣屬

太平汛防兵一百二十三名駐劄定安縣屬

赤草汛防兵四十一名駐劄瓊山縣屬

塘舖二十所

黎村塘

抱隆塘

東敖塘

那蛋塘

石瀝水塘

巡崖塘

梁沙塘

屬赤草汛

新橋塘

大冲塘

屬文昌汛

樂會河塘

居丁塘

周公塘

黃竹塘

屬定安汛

楓木塘

南閩塘

嶺寨塘

大路坡塘

木頭河塘

南狗塘

封溝塘

屬太平汛

右營陸路額設大小官十七名兵丁八百三十二名內存城兵五百七十五名

都司一員 駐箭郡城

守備一員 駐箭郡城

千總二員

把總三員

外委六員

額外四員

馬兵三十九名 除外委額外十名外
實馬戰兵二十九名

步兵一百六十九名守兵六百零四名共七百七十三名內 弓箭兵一百七十八名 鳥鎗兵
四百一十六名 挑刀兵四十名

藤牌兵七十三名
大砲兵六十六名

字識二十名

戰馬三十九匹

分防三汛

澄邁汛防兵四十八名駐筭澄邁縣城

會同汛防兵五十六名駐筭會同縣城

水尾汛防兵一百五十三名駐筭瓊山縣屬水尾司地方

塘舖一十五所

西門塘

葉卑塘

石山塘

瓊山西路

乾橋塘

那柚塘

嶺山南路

屯昌塘

烏掛塘

屬水尾汛

縣東門塘

多峰塘

那黎水塘

森山塘

屬澄邁汛

嘉積塘

白鶴塘

大路塘

清平塘

屬會同汛

儋州陸路營額設大小官十二員兵丁五百三十九名存城兵三百三十六名

遊擊一員

守備一員

千總二員

把總二員

外委三員

額外三員

馬兵三十九名內

外委額外六名馬
戰兵三十三名

步兵六十八名守兵四百三十二名共五百名內

弓箭兵一百四十一名
簾牌兵五十三名

鳥鎗兵四百零八名
挑刀兵三十九名
大

砲兵六十一名
連字識在內

戰馬四十二匹

砲台一座

石碑砲臺分防把總一員兵三十名

分防六汛

臨高汛防兵八十一名駐筭臨高縣屬

薄沙汛防兵九十六名駐筭儋州屬

南定汛防兵三十一名駐筭臨高縣屬

昌化汛防兵五十九名駐筭昌化縣屬

那大汛防兵六十六名駐筭儋州屬

將軍汛防兵十五名駐筭儋州屬

塘舖二十四所

東十一塘

東塘門

松林塘

榕橋塘

將軍塘

那騫塘

那棉塘

美珠塘

縣前塘臨高地

二舖塘

下水塘

木棉塘

西十二塘

南門塘

頭囉塘

南庄塘

沙溝塘

新洋塘

那跪塘

安海塘

永安塘

新港塘

小員塘

縣前塘昌化縣

羅員塘

北黎塘

沿邊墩臺二十七所

南羅臺

富豐墩

青嶺臺

英潮墩

馬嶺墩

馬裊三家墩

郎舖臺

硃碌墩

洋甘臺

博舖墩

烏石港墩

博從墩

頭洋臺

博述墩

黃龍墩

博頓墩

里赤臺

清豪臺

陳桶墩

港坊臺

新坊墩

鹽丁墩

于桶臺

新英港臺

符村墩

沙溝臺

木萬墩

儋州水師營額設大小官十名兵丁三百一十名

千總一員

把總二員

外委五員

額外二員

步戰兵九十三名步守兵二百一十七名

字識在內

分防砲臺二座

新英南砲臺

新英北砲臺

分防二汛

海頭汛
原名博頓

英潮汛

萬州營額設大小官十八員兵丁七百四十四名內存城兵五百二十七名

遊擊一員
駐札州城

守備一員
駐札州城

千總二員

把總四員

外委六員

額外四員

馬兵四十二名除外委額外十名外
實馬戰兵三十二名

步兵一百二十一名守兵五百六十九名共七百九十名內弓箭兵一百五十七名
鳥鎗兵三百八十九名
籐牌兵六十五

名挑刀兵三十一名
大炮兵六十名

字識五十名

戰馬四十二匹

本營分防三汛

寶停汛防兵九十九名駐筍萬州屬

樂會汛防兵四十一名駐筍樂會縣屬

陵水汛防兵四十二名駐筍陵水縣屬

沿邊墩臺十一所

博敖墩

港北臺

東澳墩

青山墩

烏塲墩

加攝墩

牛嶺臺

新潭墩

黎菴墩

椰子墩

土堀墩

崖州協陸路營額設大小官二十員兵丁八百九十七名內存城兵一百五十四名

副將一員駐札州城

都司一員駐札州城

千總二員

把總五員

外委七員

額外六員

馬兵三十八名除外委額外十三員外實馬戰兵二十五員

步兵二百三十名守兵六百一十五名共八百四十五名內弓箭兵一百五十七名鳥鎗兵五百三十一名藤牌兵八十六

名挑刀兵二十三名大砲兵四十八名

字識十四名

戰馬三十八匹

本營分防二十一汛

新設 深溝營汛防兵二十名

新設 下馬嶺汛防兵二十五名

三亞汛防兵三十二名

小橋汛防兵二十五名

新設 舊營汛防兵二十名

籐橋汛防兵三十五名

新設 沙埋汛防兵二十名

新設 酸梅汛防兵二十名

黃流汛防兵二十九名

感恩汛防兵六十名

嶺頭汛防兵二十名

北黎汛防兵二十七名

新設 溝口汛防兵三十名

新設土壇頭汛防兵二十名

新設榕尾汛防兵三十名

新設抱輿汛防兵二十名

樂安汛防兵六十名

樂平汛防兵三十名

抱蘊汛防兵三十名

柚柑坡汛防兵三十名

新設深溝汛防兵二十名

舖二十一所

三亞汛

小橋汛

籐橋汛

東門塘

小橋塘

籐橋塘

深溝塘

下馬嶺塘

荔枝塘

舊營汛

迴風嶺塘

以上俱東路

黃流汛

嶺頭汛

感恩縣汛

北黎汛

黎人田塘

酸梅塘

拘陀塘

望樓塘

密竈塘

白沙塘

嶺頭塘

十所塘

感恩縣塘

北黎塘

西門塘

樂安汛

樂平汛

抱蘊塘

九所塘

以上俱北路

沿邊墩臺十七所

嶺頭墩

踏田墩

九龍墩

十所臺

北黎臺

保平臺

酸梅臺

羅馬墩

樂羅墩

蕃人塘墩

赤嶺臺

南港墩

榆林港墩

三亞臺

多岸墩

下海灣墩

大蛋臺

協標水師營額設大小官一十一員兵丁二百六十六名內存城兵一百二十二名

巡洋師船

詳見海黎志

守備一員

駐札州城

千總一員

把總二員

外委三員

額外四員

步戰兵一百零一名步守兵一百六十五名內字識三名共二百六十六名除外委額外七名外並無馬兵

本營分防砲臺七座

赤嶺砲臺防兵一十一名

保平砲臺防兵一十三名

三亞砲臺防兵二十九名

桐棲砲臺防兵三十五名

大蛋砲臺防兵四十四名

榆林砲臺防兵十三名

望樓砲臺防兵五十名

海口水師營額設大小官二十三員兵丁九百六十二名內存守城兵三百一十八名

巡洋師船
詳海黎志

參將一員 駐札海口所城

守備一員 駐札海口所城

千總二員

把總四員

外委九員

額外六員

外委額外一十五名

步戰兵二百零九名步守兵六百七十八名共八百七十七名 內字識四十名

本營分防砲臺九座

東路砲臺五座

海口東砲臺防兵三十名

牛始砲臺防兵十五名

舖前砲臺防兵三十名

清瀾砲臺防兵三十名

潭門砲臺防兵十五名

西路砲臺四座

海口西砲臺防兵三十名

東水炮臺防兵十五名

石礮砲臺防兵十五名

馬鼻砲臺防兵三十名

沿邊墩臺八所

白沙墩

北港墩以上屬左營

沙上墩

鹽灶沙上墩

大林墩

小英墩

北洋墩

白廟墩以上屬右營俱瓊山地

經政志十四 郵政

瓊州府

京師至廣東省城八千零一十五里由省城至瓊州府瓊山縣瓊臺驛陸路一千三百一十里又水路三百九十里共水陸計程一千七百里

瓊州府派征驛傳銀一百四十兩零八錢五分一釐遇閏加銀七錢零九釐

瓊州鎮總兵官例給火牌七張如遇緊急公務許用勘合其尋常齎奏止用火牌每年由按察司糧驛道詳請咨部頒發歲底彙冊奏銷康熙十一年題准瓊州鎮本章限四十四日到京又瓊州府距省遠隔重洋遞送文冊往來例准展限一個月

康熙五十七年題准廣東俱係水驛並無馬匹

雍正十年議准督撫會審查勘等事在該管境內行走不由部給發勘合者所需夫役臨時酌用不許過六十名道府及直隸州下縣盤察及各官奉督撫差盤察者酌用夫役不許過三十名

瓊臺驛 在府西
北今廢

雷瓊道衙門額設舖兵二名

瓊山縣

額設舖兵二十七名府前塘舖縣前塘舖 每處舖兵各三名 東十五里至張吳塘舖又十二里至

黎村塘舖又十五里至抱隆塘舖 以上三舖又舖兵一名 又十五里至黎村塘舖 舖兵二名 由縣前塘舖

南二十里至彈壓塘舖又二十里至挺村塘舖又二十里至邁豐塘舖又二十里至博

門塘舖 以上每舖設舖兵二名 又十五里至定安縣界由縣前塘舖西二十里至二水塘舖又二十

里至業里塘舖又二十里至伍原塘舖又二十里至石山塘舖 以上每塘舖兵二名 又十三里至澄

邁縣七里舖交界縣前舖北至海口塘舖十里 舖兵二名

澄邁縣

額設舖兵十七名由縣前舖 舖兵一名 西七里至七里舖 舖兵二名 又十三里至瓊山縣石山舖交

界縣前舖十里至顏村舖又十里至多峰舖又十里至朝陽舖又十里至那黎舖又十

里至虎門舖又十里至森山舖又十里至木棉舖 以上每舖舖兵二名

定安縣

額設舖兵七名由縣前舖

舖兵一名

三十里至梁沙塘舖

舖兵二名

又二十里至樂會河舖羅文

舖羅文舖二十里至居丁舖又二十里至周公舖又十五里至黃竹舖

以上每舖舖兵一名

文昌縣

額設舖兵十二名由瓦窰舖二十里至羅文舖

二舖每舖兵二名

又十六里至那丹舖

舖兵一名

又二

十里至赤草舖又二十里至赤岸舖

二舖每舖兵二名

又十八里至邁號舖又十六里至長安舖

又十六里至石瀝舖交界舖

以上每舖兵二名

會同縣

額設舖兵七名由縣前舖

舖兵二名

二十里至白鶴舖又二十里至黃籐舖又二十里至青

坪舖

以上每舖兵二名

縣前舖十里至新安舖又十里至平安舖

二舖每舖兵一名

樂會縣

額設舖兵六名由縣前舖十里至頓興舖又十里至溫泉舖

每舖兵二名

臨高縣

額設舖兵十八名由縣前舖二十里至官榮舖又二十里至朝陽舖又二十里至長川舖又二十里至稼瑞舖又二十里至育賢舖又二十里至新興舖又二十里至槐陰舖又二十里至羅賢舖每舖兵一名

儋州

額設舖兵三十四名由州前舖十里至十里舖又十里至松林舖又十里至榕橋舖又十里至司徒舖又十里至那簡舖又十里至那騫舖又十里至那簡舖以上每舖兵二名那簡舖似與上重考州前舖十里至頓橋舖又十里至頭羅舖又十里至南莊舖又十里至田頭舖又二十里至沙溝舖又二十里至煎茶舖又二十里至永村舖又二十里至大村舖又二十里至永安舖又二十里至新港舖自頓橋至新港每舖兵二名

昌化縣

額設舖兵十名由縣前舖三十五里至小員舖又十五里至樹林舖又十五里至羅員舖又十五里至馬嶺舖每舖兵二名

萬州

額設舖兵二十二名由州前舖二十里至星馳舖又二十里至合嶺舖又二十里至田頭舖又二十里至勒賽舖又二十里至蓮塘舖又二十里至馮吳舖又二十里至周村舖州前舖二十里至踢踏舖又二十里至青籐舖又二十里至籬邕舖每舖兵二名陵水縣

額設舖兵六名由縣前舖三十里至南峒舖又二十里至楊梅舖又三十里至萬陵舖縣前舖五十里至九所舖又三十里至膺秋舖每舖兵一名

崖州

額設舖兵九名由東路下馬嶺舖四十里至三亞舖又二十里至荔枝舖又四十里至籐橋舖西路抱臘舖二十五里至酸梅舖又二十五里至抱陀舖又二十里至望樓舖又三十里至窰竈舖每舖兵一名

感恩縣

額設舖兵十三名由縣前舖舖兵一名三十五里至通天塘舖又二十五里至十所塘舖又三十五里至北黎塘舖以上每舖兵一名縣前舖三十五里至南港塘舖又二十里至嶺頭塘舖又二十里至白沙塘舖南港至白沙每舖兵二名

瓊州府志卷之十七下

經政志十五 船政

明成化辛卯百戶林富往省打造戰船駕回備倭

萬歷丁巳道府會同叅將詳議奉院批允以後年例打造兵船於白沙寨立廠取材於本處地方或轉運於附近吳川等地方以專其責府爲監督而委官分理至於價值又不必妄希節省拘執成例估計大小船號通融增補務在足敷材料工匠諸費期於造作堅厚可爲兵家戰守之利而已蓋監視在府則官無浮尅工無隋窳打造於近地則人免跋涉船免駕回而查點之規膠舟之虞自不致於貽戾也

國朝康熙三十九年十一月工部郎中紀賽議奏嗣後各省修理戰船停其交與州縣官修理該督撫揀選賢能道府等官於左近地方堅固監修如修造不堅未至應修年分損壞者該督撫查叅到日除責令賠修外仍交與該部嚴加議處其營弁將各自船隻不行敬謹看守以致損壞者該督撫將軍提鎮等查叅到日亦交該部嚴加議處奏部議

准通行

四十年正月布政司議詳嗣後瓊州各水師營戰船令瓊州府監修奉兩院批准遵行以上

瓊山
縣志

廣東省原設外海戰船一百三十七隻內繒船十八隻艍船六十三隻拖風船三十五隻艍仔船十七隻烏舫船一隻哨船三隻先於雍正三年議定分作河南菴埠海口芷茅四廠修造乾隆二年復行定議將芷茅廠承修龍門協戰船於龍門地方另設子廠專管修造又於乾隆十八年議准將海安營雷州協戰船折造大小修理通歸瓊州海口廠吳川電白瓊洲三營戰船更造歸於省城河南廠惟大小修理仍歸芷茅廠辦理統於工竣之後該督撫遴委道府叅遊等官確查具結詳報其各項船隻屆應折造大小修之期遵照乾隆二十六年

上諭於修造之先委員實力查勘分別改修緩修及應行修造項下節省銀兩核實奏報在於動支部價津貼銀內扣除再查該省外海繒艍拖風船隻木樁向設二門者於雍正十年議准增設一門以爲停泊時挽繫船隻之用所需纜索用棕成造間有用籐成造者

辦理未能畫一嗣於乾隆三年由該督題准原用棕纜一條者添用棕纜二條原用籐纜二條者將籐纜改換棕纜外添棕纜一條其添設梘纜工料銀兩彙入船工案內一體報銷不在題定部價之內亦不另加律貼銀兩

船政則例

乾隆二十四年議准修造船隻需用工料銀兩有部價協貼之分部價係動支司庫正項

錢糧協貼在於各州縣耗羨銀內派撥

同上

五十九年奏准營船追捕不如民船米艇便捷文職正印各官借支養廉照米艇之式添

造九十三隻分撥各營應用

通志

嘉慶四年奏准額設繪船八十二隻船身笨重不如民船米船迅捷酌留三十五隻其餘四十七隻仿照民船米艇式樣將繪船改爲大號米艇船改爲中號米艇共改造米船四十七隻

五年奏准添造米艇二十隻拖風船八隻在運庫閒歇動支

十二年奏准新舊米艇共一百三十五隻以一百二十隻分爲四幫東中西分三路巡緝其餘一幫往來策應以十五隻爲輪換替修之用照現存隻數作爲定額其額設繪船

拖風等船共一百三十五隻必需留防巡哨者祇五十一隻其餘暫停修造其節省之修費即可移爲修理米艇之用

十四年奏准原估登花船二十隻難於購料成造改設大中小米艇四十號以便水師兵弁習慣駕駛

十五年奏准現設巡船一百四十號係於新造舊存收繳各米艇挑備堅固倘有損壞隨時更換修補又於存船內挑貯三十號以備替用其舊存應行折修及投誠各船不堪應用者均行變價

十八年題准出洋各項師船均自十六年正月以後仍遵定例大小修折造年限辦理不得援引十五年以前之案隨損隨修一律報銷運廠承修者則由運司飭委丞倅牧令等員會同承修廠員之廣糧通判確驗辦理廣州府廠則由藩司飭委丞倅牧令等員會同廣州府確驗至瓊州潮州高州各廠則由該管巡道選委委員會同廠員確驗造冊估報咨部修竣一同出結需用工料銀數查照內河額設櫓槳船則例內新會縣額設第一號六櫓船成例辦理大船折造照新造價值給工料銀四千三百七十八兩六

錢五分五釐大修照給工料銀三千二百八十三兩九錢九分一釐小修照給工料銀一千九百二十六兩六錢零八釐中船折造照新造價值給工料銀三千六百二十七錢六分五釐大修給工料銀一千七百十五兩五錢七分三釐小修給工料銀一千五百九十三兩一錢三分六釐小船折造照新造價值給工料銀二千六百七十七兩八錢七分三釐大修給工料銀二千八兩四錢四釐小修給工料銀一千一百七十八兩二錢六分四釐撈繪船折造照新造價值給工料銀一千六百四十五兩七錢五分二釐大修給工料銀一千二百三十四兩三錢一分四釐小修給工料銀七百二十四兩一錢三分一釐

二十年奏巡洋中小米艇淺水處所駕駛不靈裁中小米艇二十號酌改撈繪船三十四隻

嘉慶二十年兩廣總督蔣攸銛等奏酌減粵東巡洋中小號米艇分別裁改撈繪船隻以資內洋緝捕畧曰粵東海面遼闊港汊紛歧先嘉慶十五年大幫洋匪平靖之後經前督臣百齡奏准酌留米艇及投誠船額設大中小號米艇一百四十分隻配各營常用

巡緝並經議定各船大小修年限及需用工料銀數造冊咨部在案茲據水師提督臣童鎮陞往來洋面體察情形所有大號米艇仍應照舊派巡以期有備無患其中小船敲駛折創不甚得力應量爲裁改以期實用而節糜費巨等伏查粵東洋面靜謐而內洋以及沿海港口間有奸漁窮蟹乘間爲匪亟須隨時偵緝庶不致萌蘗復滋其米艇原係在於外洋聯幫緝捕攻擊盜船若至淺水處所駕駛不靈自應量爲變通俾外洋內洋均收實效查米艇一項從前係照民船成造今查有撈繪船一項係漁民聚族而居出海採捕之船無論外洋淺水沿海港口均能駕駛足可配兵緝捕較之米艇追逐靈便查外洋水師各鎮協營撥兵管駕米艇一百四十隻另額設繪艇船十九隻內河舫船快馬槳巡各船六十二隻今議裁中小米艇二十號快馬船九隻內河巡船十五隻仍留米艇一百二十號繪艇船十九隻內河槳巡各船三十八隻並將所裁中小米艇酌改撈繪船三十四隻卽以各案遭風應行補造及折造未經領項之龍門協八號碣石鎮左營三號達濠營一號南澳鎮右營五號海門營三號澄海協右營二號東山營一號陽江鎮左營七號龍門協原編廣字十九號中米艇九隻達濠營

二號海門營七號澄海協左營五號水師提標右營五號崖州營原編南字八號海安營原編碣石五號及屆應折造之平海營第五號龍門協第十號小米艇八隻共船十七隻陸續裁改撈繪船以資內洋緝捕至酌改撈繪船隻除將前項應改米艇十七隻外尚應裁改三隻俟將來遇有應補造折造中小船隻再行裁改又中號米艇折造每需工料銀三千六百二十兩七錢六分零小號米艇折造每需工料銀二千六百七十七兩八錢七分零計折造中小米艇各十隻共需銀六萬二千九百八十六兩三錢八分以之勻造撈繪船三十四隻每隻約需工料銀一千六百餘兩共計可節省六七千兩自造竣之日起仍照米艇章程三年准其小修再三年大修再三年折造亦歸核實如有被風等事仍照定例隨時奏請辦理又中米艇每隻遞年原額燂修蓬索銀九十兩又加增燂修銀二十五兩小號每隻遞年原額燂修銀四十二兩又加增燂修銀二十兩計中小米艇各十隻共需燂修銀一千三百五十兩今改撈繪船勻算每隻每年應給燂修銀二十八兩又加增銀十四兩統計酌裁中小米艇二十隻改撈繪船三十四隻每年支用經費亦屬相仿又議裁快馬船九隻內河巡船十五隻請俟造竣領回撈

繪時若業已壞爛者停其修補將舊料變價完固者另行撥用均奉部議准行

又奉部覆准大米艇每隻例給燂洗篷索銀九十兩加增銀六十兩中米艇每隻七十五

兩加銀五十兩小米艇每隻六十兩加銀四十兩

粵東省出海緝捕額設米艇一百四十隻係派在中西東各路巡緝如遇年限屆修損壞

等項先經分定運廣潮瓊高五廠就近承修以專責成內運廠派定應修二十五隻廣

州府廠派定應修四十五隻潮州府廠派定應修三十隻瓊州府廠派定應修三十隻

高州府廠派定應修十隻其派定廠分承修數目已編號分晰列冊詳請咨部

二十一年咨准撈繪艇每隻例給燂洗銀二十八兩加增銀十四兩續增銀二十四兩一

錢七分六釐俱同上

按瓊郡各標營額設內河外海師巡各船歷奉裁改增撥俱查明本案詳載但原文

不專指瓊州多連及他郡章程不能摘錄恐文義割裂轉致不明故悉錄全文以存

原委其各標營現額師船數目另列於後

瓊州水師各營師船實存數目

崖州協 原額拖風船三隻哨船三隻嘉慶四年奏准以米艇撥抵裁哨船二隻十一年裁拖風船二隻哨船一隻道光十六年裁大米艇一隻改造快船二隻

現存小米艇一隻 每隻配兵三十名 撈繪船二隻 每隻配兵二十七名 快船二隻 配兵無定數以上大小師船共五隻俱瓊州府廠承修

海口營 原額左右兩營趕繪船二隻船船四隻拖風船六隻嘉慶四年奏准裁繪船一隻十一年裁變繪船一隻船船三隻十五年裁拖風船六隻均以米艇撈繪船撥抵道光十六年裁撈繪船一隻撥入儋州營

又舖前清瀾二港舊置拖風船二隻專巡內港道光十六年護道張靖春詳准海口營每年再捐僱拖風船二隻共四隻其出洋弁兵行糧即於本營弁兵內勻給

現存大米艇四隻中米艇三隻 每隻配兵四十名 撈繪船四隻 每隻配兵二十七名 又捐僱拖風船四隻 每隻配兵二十四名

以上大小師船共十隻俱瓊州府廠承修

儋州營 乾隆十八年奉撥海口左右兩營快哨船各一隻歸儋州萬州兩營配兵巡防十六年又添海口海安二營快槳船二隻歸儋州萬州兩營巡查至三十二年奉文裁去道光十六年添設本營水師始抽龍

門左右二營海口海安兩營各撈繪船一隻撥歸儋州營配兵巡緝

現存撈繪船四隻 瓊州府廠承修

原設海安所班渡船三隻 乾隆二十九年奉裁二隻 嘉慶二十一年奉裁一隻

海口所班渡船三隻 乾隆二十九年奉裁二隻嘉慶二十一年奉裁一隻以上班渡船隻現在並非官設民間自置渡船往來報地方官查考

兵船附

唐嶺南節度使杜佑造水戰船闊狹長短隨用大小乘人多少皆以米爲率一人重米二石其檝棹篙櫓帆席組索沈石調度與常船不殊又分爲六等一曰樓船二曰蒙衝三曰鬪艦四曰走舸五曰遊艇六曰海鷗黃通志

明御史戴璟看得廣東舊設各路備倭官及兵船莫若倣南直隸操江事體令各備倭官將各路兵船編號定甲凡長兵短兵弓射弩射不時海上操練凡使船水手教之以接潮迎風之法而使之出沒往來如神海道官不時出巡嚴加比練以行賞罰何患兵之不精乎昔朱買臣治樓船楊僕發水軍曹成王大選江州能者教之步艦皆素習水戰而率以成功是知兵不可不素練也至於用槽船亦須造作得法按史古人用兵黃天蕩舟中實土厓山舟前大木塗泥及戈船匿港神臂交射之計皆可採用戴璟議

鄧鍾曰廣東船制兩旁設架便於搖櫓廣東自出五虎門上及大鵬下及北律以西俱有海嶼或斷或續聯絡於外商船來往多從裏海且風氣和柔全仗搖櫓此廣船所由製

也海防纂要

廣船視福船尤大其堅緻亦遠過之蓋廣船乃鐵力木所造福船不過松杉之類而已二

船在海若相衝擊福船即碎不能當鐵力之堅也倭夷造船亦用松杉之類不敢與廣船相衝但廣船難調不如調福船為便易廣船若壞須用鉄力木修理難乎其繼且其制下窄上寬狀若兩翼在內海則穩在外洋則動搖此廣船之利弊也廣東大戰艦用火器於濤浪中起伏蕩漾未必能中賊即使中矣亦無幾何但可假此以褫敵人之心膽耳所恃者有發鑛佛郎機是惟不中中則無船不粉一也以火毬累於船頭相遇之時從高擲下火發而賊船即焚二也大福船亦然廣船造船之費倍於福船而其耐久亦過之蓋福船俱松杉木蚨虫易食常要燒洗過八九次後難堪風濤矣廣船鉄力木堅蚨虫縱食之亦難壞也

阮通志

廣海船

即前廣船

開浪船

明參將戚繼光云開浪以其頭尖名噴水三四尺四槳一槳其形如飛內可容三五十人

一拘匪潮順逆者也

蒼山船

蒼山船首尾皆闊帆

機兼用風順則揚帆風息則盪櫓其機設於船之兩傍腰半以後每傍五枝每枝二跳每跳二人方櫓之未用也以板闌於跳上常露跳頭於外其制以板隔為二層下層鎖之以石上一層為戰場中一層穴梯而下臥榻在焉其張帆下旋皆在戰場之處船之兩傍俱飾以粉蓋

八槳船 八槳船但可供哨 漁船 漁船於諸船中制至小零隘於廣船而闊於沙船者也用之衝敵頗使而捷 探之用不能撞擊

兩頭船 按大學衍義補有兩頭船之說蓋海運為船甚巨遇風懼難旋為至重何也 以之出海每載三人一人執布帆一人執槳一人執鳥嘴

轉兩頭製舵遇東風則西馳遇南風則北馳海道諸船無逾其利益武備不嫌於多慮惠不妨於遠也

蜈蚣船 船曰蜈蚣其形也其制始於東南外番專以駕佛郎機銃銃之重者千斤至小者亦百五十斤

其發之烈也雖木石銅錫犯罔不碎觸罔不焦其達之迅也雖奔雷掣電窮莫之疾神莫之追其法流入中國中國因用之諸凡火攻之具敵前鎗毬無以加焉 海行甚速而遲者鬪風故也惟蜈蚣船底尖而闊兩旁列楫數十其行如飛而無傾覆之患除颶風暴作狂風怒號外無不順逆 沙船 水戰非鄉兵所慣乃沙民所宜蓋沙民皆可行矣沉海中晝夜兩潮順流鼓棹一日何嘗不數日里哉 沙船 生長海濱習知水性出入風濤如履平地然所置沙船僅可於各港協守小洋日哨若欲出起大洋必須用巨船 沙船能調敵使鬪風然惟便於北洋而不便於南洋北洋淺南洋深也沙船底不能破深水之大浪也北洋有濤浪福船蒼山船底尖最畏此浪

沙船却不畏此北洋可拋鉄 戰船 廣之蒙衝戰艦勝於閩艚桅上有大小望斗雲棚望斗者古所謂爵室也 貓南洋水深惟可下木椗 房中候望若鳥雀之警示也雲棚者古所謂飛盧也望斗深廣各數尺中容三四人網以藤包以牛革衣以絳色布帛旁開一門出入每戰則班首立其中班首者一舟之性命所繫能倒上船桅於望斗中以鏢箭四面擊射勢便或銜刀狹盾飛越敵艦斬其帆檣或同蛋人沒水繫船而乘間騰躍上

船殺敵或抱敵人入水淹溺之其便多此類艦旁有莖雄夾以板編以藤蒙以犀兕綿破左右架大礮及火磚灰礮烟毬之屬尾梢作叉竿連棒又有箐竹樓檣以隱蔽或周身皆礮旋轉迴環首尾相爲運用其捷莫當此

戈船之最精者也其飄洋者曰白艚烏艚合鉄力大木爲之形如槽然故曰槽首尾又狀海緞白者有兩黑眼鳥者有兩白眼海緞遠見以爲同類不吞噬其載人與貨物者曰艘裝亦如鬪艦上施兵器及礮火飛石灰礮旁布

粵船 粵人善操舟故有鉄船紙人紙船鉄人之語蓋下海風濤多險其船厚重船底縱一木以爲梁而船隄風濤所運人力不費小船一人一槳大船兩三人一櫓揚篷而行雖孱弱亦可利涉故曰紙人蓬者船之司命其巨艦蓬每當逆風挂之一橫一直而馳名曰相蓬諺所謂廣州大艚艘使得兩頭風輪一蓬贏一蓬也橫行曰輪

直行曰贏蓬颿也以蒲席爲之亦曰簾也或以木葉爲之曰帆葉也每艦有兩蓬風正曰八字八字風在後則正在前則橫故又有後八字風揚蓬當中前八字風則蓬西東之語其或舟子撮唇爲吹竹葉聲及鳴金鼓以召風風至二蓬參差如飛鳥展翅左右 洋船 洋船底二重皆以鐵力木厚三四尺者爲之鋼以瀝青石腦油泥油填相當其形亦如八字是皆鐵船 以礪石疋以獨鹿木紮以藤蓬以椰索其疋以鐵力木沙釘以桃椰篋

筭卒釘以蛇皮內膏蓋海水鹹爛鐵妨磁石故皆不用鐵物云桅凡三一桅膏植二桅以風而植桅長者十四五丈或二三接中皆橫一杆上有望斗容以十餘人又以木爲人或升或降遍置梯繩間前木照後桅以黑鬼善沒者司之其船小者四圍皆密腹中僅留一孔自上而下飄洋時梢公縛身桅下餘悉在船腹之中凡上船容人千餘中者數百皆有舵師歷師然必以羅經指南掌羅經者爲一船司命毫末分利害焉海舶有羅經三一置神樓一船尾一在半桅之間必三鍼相對不爽乃敢行海大魚至以銅銃擊而退之大魚去而波浪爲怪以爲劍斬之

康熙四十二年覆准商賈船隻許用雙桅樑頭不得過一丈八尺舵工水手不得過二十八名其一丈六七尺樑頭者不得過二十四人一丈四五尺樑頭者不得過十七人一丈二三尺樑頭者不得過十四人造船時先具呈該州縣取供嚴查確係殷實良民親身出洋船戶取具澳里甲各族長并隣右當堂書押保結然後准其成造造完該州縣親驗樑頭等項不得過限多帶并將舵工水手一一驗查具澳里甲長鄰右船戶當堂書押保結并將船身烙號刊名然後給照照內將在船之人詳開年貌履歷籍貫以備汛口查驗其有樑頭過限并多帶人數詭名頂替以及汛口盤查不實賣放者罪名處分俱照漁船各加一等惟夾帶違禁物件其罪名處分與漁船一例其有謀利富民自造商船一與他人及租船者俱責四十板枷號三個月失察之州縣官各罰俸一年明知造船受租而容其成造者降一級調用又各處商船往噶喇吧呂宋等處船出洋必

由南澳所轄之要汛掛號如有偷越外洋者查獲之日船戶舵工各責四十板枷號三個月劫失不作盜案商船軍器以防不虞定數礮火不得過兩位鳥鎗不得過八桿片刀腰刀不得過十五把火藥不得過三十觔所有器械俱須鑿鑿船戶姓名號數開載照票稅關先驗州縣印照明白方許給牌如有妄給照州縣給照之例處分偷汛口盤查掛號文武官弁疎縱及勒索者發覺俱降二級調用所有先經在洋船隻大者聽其呈明改造合式者查明換照又如隔縣別府外省之人欲造船者必於各該本縣呈明查確該縣具印結申詳督撫轉飭沿海造船地方州縣成造仍照例查驗式樣刊烙號數姓名以行違犯處分俱照商漁船隻例行如有不遵例報官偷造者責四十板徒三年失察之州縣汛口各官各降一級調用

瓊州府志卷之十八上

海黎志 一 海防

宋慶歷中招收廣南巡海水軍予以旗鼓訓練備戰守之役志

元置白沙水軍巡海上

明會典天下鎮守凡二十一處廣東曰備倭設巡視海道副使一員備倭都指揮一員

洪武二十七年命安陸侯吳傑專訓練沿海衛所官軍以備倭寇設海南衛備倭指揮一

員專轄內外十一所每所官各一員督管軍船於所部海面巡視有警申報剷除分別

功罪

瓊州府揚威營備倭艚船三隻俱同上

崖州營備倭艚船三隻萬歷中加一隻蕭至萬歷四十二年始革州志

萬歷四十五年設水寨前司守崖州三亞保平感恩諸港兵船十一隻兵三百名分總一

員捕舵兵二百九十七名

崖州三亞港東接萬州西達昌化東南風發前代時有太泥諸番沿海登岸搶掠最宜防

守俱同

白沙寨艚船二十二隻長號槳船十五隻正兵二哨駐泊白沙港一自東下巡文昌清瀾
會同至樂會博敖港與三亞兵船會取樂會縣結報一自西下巡澄邁臨高儋州至昌
化英潮港與三亞兵船會取昌化縣結報又遊兵二哨駐泊三亞港一自東上巡陵水
萬州至樂會博敖港與白沙兵船會取樂會縣結報一自西上巡感恩魚鱗洲昌化英
潮港與白沙兵船會取昌化縣結報營冊

國朝

原設海口水師左右營內河快哨船六隻外海趕繒船二隻雙篷塘船六隻蕭志

雍正六年將河內快哨船六隻俱改造外海拖風船七年添設左右兩營快槳船一隻兩

營配兵巡防十年添設快哨船一隻左營配兵巡防乾隆十四年將左右營快槳船一

隻歸右營石禮港配防十八年抽發左右營各快哨船一隻歸儋州萬州兩營配兵

巡防現在共船一十二隻兩番輪撥出海每年上班叅將一員左營守備一員把總一

員右營千總一員管駕繪艍船四隻於二月初一日出海遊巡三月初一日叅將與海安營遊擊會哨每月初八日守備與海安營守備會哨下班右營守備一員把總一員左營千總一員把總一員管駕繪船四隻於六月初一日出海遊巡九月初一日守備與龍門協副將會哨每月初八日把總與海安營守備會哨同上

乾隆十九年奉撥海口營及海安營槳船各一隻發給儋州萬州巡查港內三十二年奉文裁汰

順治間原設瓊州鎮標右營遊擊一員守備一員千總二員駐紮海口所城督練水軍戰船於所部海面分汛防守康熙十七年改水師副將鎮之更設左右營守備二員乾隆三十年改爲海口營叅將仍分左右兩營嘉慶十五年以本營叅將改爲水師提標後營叅將以春江協副將移駐海口至道光十二年平定儋崖黎匪總督李鴻賓奏崖州原設叅將一員不足以資彈壓請以海口協副將與崖州營叅將對換奉准以海口協水師副將移駐崖州管水陸兩營海口協標水師都司改爲崖州協中軍都司專管陸路防禦其崖州營原設守備一員仍專管水師營務崖州原設叅將即移駐海口所城

輯增

海口營水師叅將轄中軍守備一員千總二員把總四員外委九員額外六員共官二十
三員步守名九百四十七名大小師船十號除存城及分防各臺汛墩塘外實派巡洋
兵四百一十六名

海口營分管洋面東自樂會縣傅敖港起西至臨高縣迸馬角止共巡洋面一千一百餘
里北接雷州府海安營洋界西接儋州營洋界外通欽州大洋東接崖州協洋界外通
閩浙兩省及東南諸番

海口營上班以叅將出洋爲統巡每年定期三月初十日帶領舟師會同龍門協統巡副
將海安營總巡遊擊齊集潭州洋面會哨一次五月初十日與西上路統巡陽江鎮總
兵齊集砲州洋面會哨一次下班以守備出洋爲總巡每年定期八月初十日隨統巡
總兵帶領兵船會同海安營分巡守備龍門協總巡都守齊集潭洲會哨一次十一月
初十日隨總兵帶兵船會同西上路統巡陽江鎮標中軍遊擊齊集砲洲會哨一次均
會同地方官稟報具結咨部存案

俱同上

崖州營雍正六年添設外海拖風哨船三隻分防三亞大蠶望樓三港雍正八年將崖營改爲水陸各半營遊擊改爲叅將添設水師千總一員將陸路把總二員改換水師添設外海哨船三隻配駕出海遊巡本營所屬洋面乾隆三十三年裁減拖風船一隻三十四年議將儋州營自新英港南砲臺起下至昌化縣馬嶺塘交界一帶洋面萬州營自東澳港起下至崖州赤嶺港交界一帶洋面均撥歸崖州營遊巡所屬各處洋面並無會哨蕭志

崖州營原係水陸兼管叅將一員道光十二年奉准以海口水師副將移駐崖州改爲崖州協水陸副將定爲外海水師烟瘴邊疆要缺由外題補添設陸路中軍都司一員即海口協水師都司移駐崖州專管陸營其原設水師營守備一員仍專管本標水師營務與副將輪替出洋巡緝所屬水師千總一員把總二員外委三員額外四員共官十二員守步兵二百五十八名大小師船四號除防守各臺汛外實在巡洋兵丁一百四十六名營冊

崖州協水師營分管洋面東自萬州東澳港起西至昌化縣四更沙止共巡洋面一千里

南面直接暹邏占城夷洋西接儋州營洋界東接海口營洋界同上

崖州協上班以副將出洋下班以守備出洋專巡本營洋面向無會哨章程道光十七年護道張培春議請添設儋州水師以本營千把分上下班帶領帥船輪替出巡每年定期以四月初十日與海口營舟師齊集逆馬角洋面會哨一次十月初十日與崖州協舟師齊集四更沙洋面會哨一次文武俱結稟報奏准遵行

儋州向係陸路專營所屬洋面自新英砲臺以南歸崖州協巡緝砲臺以北歸海口營巡緝道光十四年護道張培春與總兵陳步雲謝德彰等巡海至儋籌度形勢以崖州舟師單弱且隔四更沙險阻難越不能兼顧海口營相距亦遠又昌化縣屬有海頭港地方帆檣輻輳奸宄易藏最關扼要向無汛守議請於儋州就近添水師營專巡西面海道勘得儋州新英南北二砲臺博頓英潮二汛俱近海濱舊係陸兵防守宜將四臺汛分防千把四員守步兵二百七十名改爲水師再於通省各水師營內抽出守步兵一百二十名海安海口龍門左右四營各抽出撈繪船一隻俱撥歸儋州設立水師營以儋營遊擊守備兼管又撥陽江鎮標千總一員移駐儋州專管水師營務添設外委四

員與四臺汛弁兵更番出巡以博頓汛弁兵移駐海頭港於全瓊洋政更臻周密十六

年督撫會同水師提督核奏奉准遵辦

營冊

儋州水師營共設千總一員把總一員外委四員額外四員師船四號守步兵共三百九十名每年分兩班巡洋與四臺汛派防弁兵輪流更替

儋州營分巡洋面南自昌化縣四更沙起北至臨高進馬角止共巡海道五百餘里西接廉州洋界外通越南夷洋順風三日可至南接崖州協洋界北接海口營洋界

嘉慶十六年奏准瓊州鎮水師每年分爲上下兩班上班自正月初一日起至六月底止

海口營叅將統巡瓊州全郡及海安營洋面下班自七月初一日起至十二月底止瓊州鎮總兵統巡全瓊及海安龍門各協營洋面以都守爲總巡分巡千把外委爲隨巡

協巡

俱同上

瓊州府海防

廣東之地爲郡者十而入境於海自東徂西相距三四千里國初於此設衛若所大小七十餘處以爲海道防者甚至歲久而弊滋戍守之具一切廢弛朝廷知將領之不足恃

也乃增置憲臣以提督之於凡海濱之地皆然而尤注意於是邦焉非其人有過人之

才廉聲素著者不輕畀也

瓊臺會稿

瓊州府外環大海中盤黎峒封域廣袤二千餘里蓋海外之要區西南之屏障也

方輿紀要

瓊州屹立海中地與海安對峙其海道自海口港以東惟文昌之舖前港清瀾港樂會新

潭港萬州之大洲陵水之桐棲港崖州之保平港可以灣泊船隻自海口港以西惟澄

邁之石礮港儋州之新英港昌化之新潮港感恩之北黎港可以灣泊其餘港汊雖多

不能寄泊而沿海沈沙行舟最為艱險

參海國見聞錄

郡城北十里曰白沙港宋設水軍防禦於此明隆慶初始設白沙寨兵船防守與海口唇

齒相倚商船皆住泊焉是瓊治之咽喉也東六十里曰舖前港深廣可容商船倭賊常

從此入即明時海賊李茂澳黨住泊為患之所勢與白沙相倚是瓊治之胸項也

通志

文昌舖前東去二十里至白峙澳四十里至木蘭澳五十里至急水門八十里至抱虎灣

一百里至抱陵港又數里至銅鼓角此一帶地方前時常有賊船灣泊登岸取水乘間

暴掠至於清瀾一港海口寬闊水道紆迴內達文昌縣治外通大海瓊州之肘腋也此

數處最宜加防

清瀾港南去六十里至馮家灣四十里至會同哆南八十里至樂會博敖俱爲要地更當備守八十里至萬州那鹿出外洋有南北二澳前賊船常於此取水四十里至大塘灣六十里至舊陵水三十里至牛頭嶺此嶺突出海外六十里至桐棲鹽水港六十里至黎菴港四十里至玳瑁澳六十里至榆林港前常有賊船棲泊宜加防備三亞一港東至萬州西至昌化東南風發恐有賊舟登岸搶奪最宜加防三亞一百二十里至崖州大蟹保平二港土一百二十里有黃流保駕二港六十里至鸚哥嘴十里至吉家澈八十里至感恩深田灣又八十里至北黎港三十里至魚鱗洲皆屬三亞汛地距昌化英潮約百里

郡城西去七十里曰澄邁石礮港深廣可泊舟五十里至馬裊三十里至石牌又百餘里至臨高博頓港有兵船防守又百餘里至儋州洋浦三牌石海口入新英港港口有二沙線兵船不識水道觸沙即壞泊船雖穩但聞警出船不及海上多故皆用哨船時出海口瞭守其中沙線不可不知南去約八十里至海頭港內皆石壁難以進舟一百里

至烏坭港近昌化城又三十里至英潮灣亦宜設備俱同上

瓊山縣海防

縣治北八里爲海口所城城北即海口港與海安營對峙相距八十里大海中以清水流分界又名分水洋港內寬深可泊大船數十近年浮沙壅塞水淺港狹舟不能進多泊港外風濤不測商旅病之此宜估勸勸捐挑濬但工費浩繁官民力絀恐不能行也

海口港東二里有牛矢港不能泊船

牛矢港東二十里有白沙港可泊大船數十又東二十里有大林港北洋港沙上港俱係小港不能泊船

沙上港東三十五里有北港可泊大船二十餘隻又東十里卽文昌縣界

海口港西二里有鹽竈港又西五里有小港亦名沙上港港外有沙洲一段不能泊船

沙上港西五里曰小英灣可泊大船十餘隻灣西又有白廟港紅沙港豐盈港俱淺狹不

能泊船

澄邁縣海防

自瓊山小英灣西五十里爲縣屬東水港港不甚深水長船始能入

東水港西一十五里有大港曰石礮港寬深可泊大船數十前明海寇猖獗皆由此出入
登岸流劫爲害數邑後縣命人鑿舟沉石塞之故留港道一綫紆迴曲折自是賊船
不識水勢終不能進

石礮港西又有蒼眼港泉鑿港麻顏港玉抱港均不能泊船又西爲臨高縣界

臨高縣海防

自澄邁石礮港西五十里爲縣屬馬鼻港可泊大船十餘隻港內有海口營臺汛外通龍
門潭洲斜陽諸島日照壁洋與砲臺相望

馬鼻港西二十里有石牌港甚小止可泊大船六七隻港內有海口營砲臺迤南又有小
港名硃碌港不能泊船

石牌港迤南三十里有小港曰博舖港可泊船六七隻又南有博泊港烏石港博述港黃
龍港俱不可泊船

博舖港南四十里有大港曰安善港可泊大船數十稍南又有博頓港舊有儋州營陸路

汎今改水師移駐海頭港

安善港南三十里有大港曰將軍港可泊大船數十又南與儋州接界

儋州海防

自臨高將軍港南四十里爲州屬黃沙港港小而狹大船不能進惟小漁艇可泊稍南有二海汶曰迸馬角口神尖不可泊船

黃沙港南七十里有大港曰洋浦港水極深可容大船數十且近州城便於樵汲商漁船皆在此灣泊港外有三牌石附近多暗沙暗礁最險南有牛角灣賽基港俱小港不能泊船

田頭港南二十餘里有大港曰新英港東距州城十里港內可容大船惟港口有沙線二道如不諳海道觸船輒壞師船巡警阻於沙線往來駕駛不及故昔時多用快哨船出入港口瞭望

新英港南八十里有海頭港距田頭一百零八里海道險僻內通黎境濱海爲墟市商民輻輳五方襍處港內皆石壁浮沙大船難進水漲時可泊春夏間商漁小艇皆集其間

師船大者不能駛入易藏奸匪向歸儋州陸營所轄洋面屬崖州巡查未有專汛道光十七年護道張堦春議添設儋州水師始改博頓汛爲海頭水師汛移駐於此稍南有海汶名大灣肚與昌化縣洋面分界

昌化縣海防

自儋州海頭港南五十五里爲昌化縣屬海尾港狹小水淺時大船或不能入港內多泊漁船釣艇

海尾港南五十里有沙魚塘遇南風大方可泊舟稍南曰棋子灣不可泊

沙魚塘南五十里有小港曰昌化港大船不能進中小者可泊十餘隻稍南有烏泥港俱近昌化縣城

昌化港南三十里有港曰英潮灣又南曰三叉港曰四更沙此數十里內沙線極多各港俱淺狹不能停泊海舶往來必由大洋遶出沙線之外稍近內港輒膠淺不得出遇有風濤無可避處舟人視爲畏途

四更沙南五里有新港小船可入又南有小港曰馬嶺灣不可泊船與感恩洋面分界

感恩縣海防

自昌化新港南三十里爲縣屬小港曰北黎港遇水大時船方可進港西有魚鱗洲又有浮沙一片港東有八所九所二港至感恩港內通縣城外有沙線一道均海道最險之處

北黎港迤東三十里有抱駕港及白沙灣又三十里有小南港又一百一十里有嶺頭港均不能泊船港外暗沙一道最險潮長時船行或可越過潮退則須駛往沙尾遠出外洋始無可患

港東四十里有延澄港一名白沙港港外有洲名大鶯哥角稍南又有西玳瑁洲均不能泊船與崖州洋面接界

崖州海防

自感恩嶺頭港東八十里爲州屬蟹村港又東有黃流港均不可泊船

蟹村港東一百三十里有小港曰望樓港可泊大船五六隻又東有下馬港黎人港均不能泊船

望樓港東十里有大港曰保平港內可容大船十餘隻港外有灣寬廣亦可泊船二十餘隻北距州城三十里

保平港東四十里有小港曰大蟹港水淺不能泊船港外可暫寄碇北近州城與保平港口各設砲臺一東西相對爲州治海門要隘

大延港東一百里有三亞港可泊大船大餘隻遇東北風多於此下碇港內有崖州協水師汛防及砲臺南距二十里曰東玳瑁洲曰螞蝗洲均不可泊船

三亞港東二里曰榆林港可泊大船八九隻

榆林港東一百三十里有小港名籐橋港船小者可泊港外有浮沙二道極險又港東有鐵爐港不能泊船與陵水縣洋面接界

陵水縣海防

自崖州籐橋港東一百三十里爲縣屬桐棲港水深港闊可容大船數十南路商船多泊於此

桐棲港東二十里有小港名椰子灣遇東風可泊船三四隻迤北又有黎菴港不能泊船

黎菴港迤北一百四十里有小港曰舊陵港遇東風止可暫時寄碇迤北有小港名蓮塘
港不能泊船與萬州洋面接界

萬州海防

自陵水舊陵港北二百二十里爲州屬大洲灣一名大洲港東有小洲遇東風可泊十餘
船

大洲灣東三十里有前後坡東接大洋名大洲洋中有前後嶺南觀嶺雙蓬嶺雞冠嶺皆
屹立大海不能泊船昔傳萬州有千里石塘萬里長沙爲瓊洋最險之處舟過此者但
望即已沉溺不可救故土人船師皆不能實指其處或云即在雞冠諸島之間

大洲港北四十里有小港曰南港曰東澳港大船不能入與樂會縣洋面分界
樂會縣海防

自萬州東澳港北三十里爲縣屬新潭港可泊大船數十隻

新潭港北三十里有大港曰博敖港可泊船數十港內有巨石林立大者如門戶誤觸之
船底立碎海中稱爲神石商船欲進者須僱本港小漁艇爲嚮導其水道可折而入非

土人習於操舟不能知也北與會同縣洋面分界

會同縣海防

自樂會博敖港北三十里爲縣屬潭門港不甚寬廣止可泊大船十餘隻

潭門港北七十里有小港曰沙老港可泊大船十餘隻

沙老港北七十里有大港名馮家灣可泊船數十遇北風商漁船皆聚泊於此

馮家灣北三十里有小港名長岐灣大船不能入與文昌縣洋面交界

文昌縣海防

自會同長岐灣北五里爲縣屬清瀾港水深港闊海舶輻輳附近縣城港內可泊大船百餘前明曾置千戶所於此今有巡檢司駐札

銅鼓嶺在清瀾港東北瓊屬洋面東路最險處亦名銅鼓角嶺北有大灣遇西南風可泊十餘船南有小灣可泊船四五隻距嶺百餘里爲七洲外洋北接碇洲東通夷洋嶺外水深無底亂石如麻皆旋渦急流舟經此者多沉溺行大海中但望見銅鼓角輒不可救

清瀾港北八十里有小港曰抱陵港可泊船十餘隻

抱陵港迤西一百一十里有小港曰抱虎港港內土名加定角外有石欄潮長時大船可
進不能久泊

抱虎港西五十里有小港名烏石仔港可泊船四五隻港西曰急水門

烏石仔港西五十里有灣曰木欄頭遇東風可泊船百餘隻灣上即螭虎嶺

灣西三十里有新埠澳遇南風亦可泊十餘船

澳西二十里有大港名舖前港可泊大船數百商漁船皆聚於此有巡檢司駐札港外有

石欄傍岸山名七星嶺稍西即與瓊山縣東路北港洋面接界以上俱水師營冊

瓊州府志卷之十八下

海黎志二風潮

朝看東南黑勢急午前雨暮看西北黑半夜看風雨天占天外飛游絲久晴便可期清朝

起海雲風雨霎時辰風靜鬱蒸熱雷雲必振烈東風雲過西雨下不移時東風卯沒

雲雨下巳時辰雲起南山遍風雨辰時見日出卯遇雲無雨必天陰雲隨風雨疾風雨

片時息迎雲對風行風雨轉時辰日沒黑雲接風雨不可說雲布滿山低連宵雨亂

飛雲從龍門起颶風連急雨西北黑雲生雷雨必聲訇雲勢若魚鱗來朝風不輕雲

鈎午後排風色屬人猜夏雲鈎內出秋雲鈎背來亂雲天半繞風雨來多少風送兩傾

盆雨過都暗了紅雲日出生勸君莫出行紅雲日沒起晴明未堪許占風雨潮相攻

颶風難將避初三須有颶初四還可懼望日二十三颶風君可畏七八必有風訊頭有風

至春雪百二旬有風君湏記二月風雨多出門還可記初八及十三十九二十四三

月十八雨四月十八至風雨帶來潮傍船人難避端午訊頭風二九君還記西北風大

狂回南必亂地 六月十一二彭祖連天忌 七月上旬來爭秋莫船開八月半旬時隨

潮不可移占風 烏雲接日雨即傾滴雲下日光晴朗無妨 早間日珥狂風即起申後日

珥明日有雨一珥單日雨珥雙起 午前日暈風起北方午後日暈風勢湏防暈開門處

風色不狂 早白暮赤飛沙走石日沒暗紅無雨必風 朝日烘天晴風必揚朝日燭地

細雨必至 返照黃光明日風狂午後雲過夜雨滂沱占 虹下雨雷晴明可期斷虹晚

見不明天變 斷虹早掛有風不怕曉霧即收晴天可求 霧收不起細雨不止三日霧

蒙必起狂風占霧 電光西南明日炎炎電光西北雨下連宿 辰闕電飛大颶可期速來

無慮遲則有危 電光亂明無風雨暗閃爍星光星下風狂占電 螻蛄放洋大颶難當兩

日不至三日無妨 海乏沙塵大颶難禁若近沙岸仔細思尋 烏蟾弄波風雨必起

二日不來三日難抵 東風可守回來暫傲白蝦弄波風起便和占風 月上潮長月沒潮

漲大訊潮光小訊月上 水漲東北南東旋復西南水回便是水落 擊定且守船走難

纜紐定必凶直至沙岸 走花落訂神鬼驚散要知訂地大洪泥硬古朝通志 海水變紅海

水變黑海水變臭氣均有風雨海水有大魚浮海上有飛鳥飛魚成群必有大風海上魚

浮水相趕逐海氣變備風雨或天無風而海浪甚大多風雨或有貽颶必大而速參外海紀要水師營

水醒水忌

每月初一二十日初二三四五六日水醒至初七平交十五水又醒至十六十七十八十九二十日水俱醒二十一日水平如前水醒流勢甚緊凡船至七洲洋及外羅洋值此數日斟酌船身不可偏東宜扯過西至初八九十一一二三四水浪流東二十三四五六七八水俱退東船到七洲洋及外羅值此數日斟酌船身不可偏西則無水宜扯過東凡行船可探西水色青多見拜浪魚貪東則水色黑色青有大朽木深流及鴨鳥聲見如白鳥尾帶箭此係正針足近外羅對開貪東七更船便是萬里石塘內有一紅石山不高如望見船身抵下若見石頭可防水痕忌日忌行船裝載大月初一初七十一十七二十三三十日忌小月初三初七十二二十六日忌通志

逐月定日惡風

正月初十二十一日乃大將軍降日逢大殺午後有風無風則雨 二月初三十七二十

七日午後有大風雨 三月初九十二二十四日有大風雨 四月初八十九二十三
 日午時有大風雨 五月初十一十九日申酉時有大風雨 六月十八二十七日辰時
 有大風雨 七月初七月初九十五二十七有大風 八月初三初八十七二十七
 有大風 九月十一十五十七十九日有惡風雨 十月十五十八十九二十七府君
 朝上帝卯時有大風雨 十一月初一初三十九日有大風雨 十二月初二初三初五
 初六十二二十八日有大狂風 參通志 冊採訪冊
 風報日期

正月

初一日
十五日

初四日

初六日

初九日

二月

初二日

初七日

十九日

廿七日

三月

初三日
廿二日

十五日
廿三日

十六日
廿五日

二十日
廿六日

四月

初一日

初八日

五月

初五日

十三日

六月 初六日 十九日 廿二日 廿三日

七月 十四日 十五日

八月 十五日

九月 初九日

十月 十五日 廿七日

十一月 初三日 初五日

十二月 初八日

夏至遇東北風起有熱氣者風雨必大無熱氣者風雨必小天氣炎蒸三兩日內必有

風

霜降後有南風或西南風無論大小必有風報

白露過後有大南風必有雨或小風雨

立春過後必有春雨風不甚大然須看天氣遇報期風必大

四月有南風水動五月有龍船風雨六月有秋淋風雨

四月六七兩日不宜行船視天色全變紅雲者速衛大風雨

天際見一片紅雲或三色或五色其形長者主下小雨無大風若短則無雨不出三日必

有大風

空中有蜻蜓亂飛或大螻蟻白蟻飛蛾諸蟲成羣舞天氣大熱則風胎必速至

日入時雲變大紅色擁日旁必有大風或大雨

日有圓暈或有雲足此二者乃三日內天氣必變非風即雨或群星搖動即日必有大風
看何方何星可定風之大小方向

沙線礁石

浙江有礁石無沙線福建礁石多沙線微少廣東沙線多礁石畧少惟瓊南沙礁俱有

西路多沙線東路多暗礁萬州文昌外洋爲最險

以上參外
海紀要

瓊州潮汐逐月流水時刻

正月初二日亥時頭中流東
寅時頭中流西

初四五六日伏流後係新流水以下做此

初八日戌時頭中流東
丑時頭中流西

初十日戌時原缺
寅時頭中流西

十三日亥時頭中流東
卯時頭中流西

十五日子時頭流東
卯時尾流西

十七八九二十日伏流

二十二日酉時頭中流東
子時頭中流西

二十五日戌時頭中流東
丑時頭中流西

二十八日亥時頭中流東
寅時頭中流西

三十日子時頭流東

卯時頭流西

二月初一二三四日伏流

初五日申時尾流東

亥時尾流西

初七日酉時中流東

子時中流西

初十日戌時中流東

丑時中流西

十三日亥時中流東

寅時中流西

十五日子時中流東

卯時中流西

十七日伏流

十八日申時中流東

亥時中流西

二十二日酉時中流東

子時中流西

二十四日戌時頭中流東

子時頭中流西

二十八日亥時頭中流東

寅時頭中流西

三十日子時頭流東

卯時頭流西

三月初一二日伏流

初三日未時尾流東

戌時尾流西

初五日申時頭中流東

子時頭中流西

初八日酉時頭中流東

丑時頭中流西

初十日戌時頭中流東

丑時頭中流西

十三四日伏流

十六日午時頭中流東

酉時頭中流西

十八日未時中尾流東

戌時頭中流西

二十一日申時頭中尾流東

亥時頭中尾流西

二十四日酉時頭中尾流東

子時頭中尾流西

二十六七八九日伏流

三十日午時頭新流東

酉時流西

四月初一日午時中尾流東

酉時中尾流西

初三日未時頭中尾流東

酉時中尾流西

初七日申時頭中尾流東

亥時頭中尾流西

初九日酉時頭中流東

子時頭中流西

十一二三四日俱伏流

十五日巳時尾流東

申時中流西

十六日午時頭流東

申時頭流西

十九日未時頭流東

酉時尾流西

二十一日未申時中流東

戌時中流西

二十三四日申時中流東

亥時中流西

二十五六日俱伏流

二十七八日巳時中流東

申時中流西

廿九三十日午時頭流東

申時尾流西

五月初二日午時中流東

酉時中流西

初三四日未時中流東

亥時中流西

初六七日申時中流東

亥時中流西

初九初十一等日俱伏流

十三日午時頭中流東

申時尾流西

十四日午時頭中流東

酉時尾流西

十七日未時頭中流東

戌時頭中流西

十九日申時頭流東

戌時尾流西

二十日申時流東

亥時頭流西

二十二一四二十五三六等日水俱伏流

二十七日午時尾流東

酉時頭流西

廿八九日未時頭中流東

酉時頭中尾流西

六月初一日未時尾流東

戌時頭中尾流西

初三日申時頭中流東

戌時頭中尾流西

初五日酉時頭中流東

亥時頭尾流西

初七八九十等日俱伏流

十一日午時頭中流東

申時頭中流西

十四日未時頭中流東

酉時頭中流西

二十一日酉時頭中流東

申時頭中流西

二十二三四日俱伏流

二十五日巳時頭流東

申時頭流西

二十七日午時頭中流東

申時頭中流西

廿九日午時頭中流東

酉時頭中流西

七月初一日未時尾流東

戌時頭流西

初三日申時頭中流東

戌時頭中流西

初四日申時尾流東

亥時頭流西

初六七八九日俱伏流

初十日巳時頭流東

未時尾流西

十一日巳時中尾流東

申時頭尾流西

十三日午時頭流東

申時尾流西

十四日午時中尾流東

酉時中尾流西

十六日未時中頭尾流東

酉時頭尾流西

十九廿一二日伏流

二十四日巳時中頭尾流東

未時中頭尾流西

二十七日巳時中頭尾流東

申時中頭尾流西

廿九日未時中頭尾流東

酉時中頭尾流西

八月初一日未時中流東

酉時尾流西

初二日未時尾流東

戌時頭流西

初三日申時頭中流東

戌時中尾流西

初五日申時尾流東

亥時頭流西

初六七日俱伏流

初八日巳時頭中流東

未時中尾流西

初十日巳時尾流東

申時頭流西

十一日午時頭中流東

申時中尾流西

十二日

酉時頭流西

十三日未時頭中流東

戌時中尾流西

十四日

戌時頭流西

十五日申時頭中流東

戌時中尾流西

十六日申時頭中流東

戌時頭流西

十七日申時頭中流東

未時中尾流西

二十五日未時頭中流東
申時頭中流西

二十八日未時頭中流東
戌時頭流西

三十日申時頭流尾
戌時頭流西

九月初一日申時頭中流東
戌時頭流西

初三四日俱伏流

初六日辰時頭中流東
午時頭中流西

初九日巳時頭中流東
未時頭中流西

十一日午時頭中流東
申時頭中流西

十三日午時尾流東
酉時頭流西

十四日未時頭中流東
酉時頭中流西

十七十八十九日俱伏流

十九日卯時中尾流東

午時中尾流西

二十一日一辰時中尾流東

未時中尾流西

二十五日四巳時中尾流東

酉時中尾流西

二十九三十日俱伏流

十月初二日一卯時中尾流東

巳時中尾流西

初五日四辰時中尾流東

午時中尾流西

初七日七巳時中尾流東

未時中尾流西

初九日巳時尾流東

未時尾流西

初十日午時頭流東

申時頭流西

十一日午時中流東

申時中流西

十二十三十四日俱伏流

十六日^五寅時^中尾流東

巳時^中尾流西

十九日^八卯時^頭中流東

巳時^頭中流西

二十二日^一辰時^頭中流東

午時^頭中流西

二十四日^三巳時^尾中流東

未時^尾中流西

二十六日伏流

二十八日^七寅時^頭中流東

巳時^頭中流西

三十日^九卯時^尾頭流東

午時^尾頭流西

十一月初二日卯時^中尾流東

午時^中尾流西

初四日^三辰時^頭中流東

未時^頭中流西

初七日^五巳時^尾中流東

申時^尾中流西

初九初十十一日俱伏流

十二日 子時 中流東

卯時 中流西

十三日 丑時 中流東

辰時 中流西

十四日 寅時 中流東

巳時 中流西

十五日 卯時 中流東

午時 中流西

十六日 辰時 中流東

未時 中流西

十七日 巳時 中流東

申時 中流西

十八日 子時 中流東

酉時 中流西

十九日 丑時 中流東

戌時 中流西

二十日 寅時 中流東

亥時 中流西

初八日卯時頭流東

巳時頭流西

初九初十日俱伏流

十一日戌時頭流東
尾

丑時頭流西
尾

十二日亥時頭流東
尾

寅時頭流西
尾

十三日子時頭流東
尾

卯時頭流西
尾

十四日丑時頭流東
尾

辰時頭流西
尾

二十三日俱伏流

二十四日酉時頭流東
尾

子時頭流西
尾

二十五日戌時頭流東
尾

丑時頭流西
尾

三十日亥時初流東

寅時頭流西

在海安望見海南舖前山水長卽流東若在海口一面望見海安水漲大卽流西又在

半洋中或聞流水中響便是流東

以上外海紀要

按漢伏波將軍馬援定爲某日朝長則西流潮退則東流皆有時刻勒石兩岸示人

渡海但今驗之每過一二時毋亦年久漸差乎

舊志

二十二 二十三 二十四

新編公案... 卷之二 和州... 入清...

... 卷之三 和州... 入清...

... 卷之四 和州... 入清...

... 卷之五 和州... 入清...

瓊州府志卷之十九上

海黎志二 海寇

宋

至道間海賊頻年入寇廣南西路轉運使陳堯叟宣布威德擒服咸淳三年海賊陳明甫陳公發等據臨川鎮稱三巴大王十年管帥馬成旺遣其子撫機應麟總制兵馬申命鈐轄雲從龍協贊平之

元

至正二十五年海盜麥福來等入寇

明

洪武五年海寇羅已終寇雷瓊署都指揮僉事楊璟督軍追捕千戶張滿周旺王清等追至欽州烏雷門斬已終獲蘇稱高等五百八十七人餘黨悉潰
十一年四月十四日倭寇儋州沿海鄉村儋州志

十九年五月十九日倭寇儋州新英洋浦諸港

二十年倭寇海口所指揮花茂奏請設城防守

永樂九年倭攻陷昌化指揮徐茂領軍戍守千戶王偉戰沒百戶王昇等追至潮州西頭

灣獲之四月賊犯陵水崖州百戶王英戰沒

十一年二月百戶尹敬等追賊至獨洲洋陷沒

十九年賊犯昌化百戶王玘陳通朱正等禦之

宣德八年倭寇儋州昌化指揮高昇督官軍金凱等守禦

九年倭據清瀾所千戶陳忠等死之

成化元年倭寇澄邁焚掠縣城

澄邁志

二年復登石矚海岸備倭百戶項欽逆戰死之

宏治四年東路指揮崔畢等巡海獲賊坤喇謝提等男婦百餘人

六年八月賊犯陵水大掠南峒副使翟俊坐逮繫指揮千百戶石英等降級有差

十二年海賊寇儋州指揮周遠擒獲吳球等十八人並船隻器械

十六年琉球賊蔡伯鳥等劫掠東路洋面指揮李序捕獲之

十八年春百戶閩清巡海追賊至石礮港戰沒指揮徐爵生擒一十七人申報給賞

正德八年六月海賊流劫副使詹璽遣指揮徐爵督千百戶杜嚴等追至澄邁東水港遇風舟覆百戶王隆溺死

十二年倭掠澄邁臨高指揮徐爵督軍追至白浦洋大戰賊敗溺死無算

十四年大坭番入寇登崖州榆林港知州陳堯恩指揮谷春等督軍剿捕斬獲羅朝田等二十四人

嘉靖元年海賊掠昌化鹽場千戶王承祖等追至魚鱗洲擒賊獲十四人奪回被掠人口
十三年海賊許折桂寇瓊雷副使徐乾遣指揮王守臣出洋剿捕獲賊船器械
十七年七月賊犯樂會新潭港海岸萬州吏目姚汝勵千戶周昂追至獨洲灣斬首十一級奪回被掠男婦十七人

十九年賊犯文昌白延都掠生員林繼統家男婦至馮家灣林女恥受辱死之婦丁氏亦赴水死百戶安節坐失救援謫戍梧州參文昌志

三十年海賊張酉作亂酉新會人貸金爲商被劫遂嘯聚夥黨犯澄邁石戶港瓊山烈樓石窩等村指揮王克振千戶俞宗禦之乃去六月副使方民悅委指揮陳忠言捕賊與戰自午至申同百戶郁英俱死之八月賊自大林港登岸轉掠至舖前有軍陳進手殺數賊而死指揮王克振追斬賊首三十二級獲器械六十九件九月賊犯昌化推官徐邦佐督百戶李元機哨至海安而還賊復駕舟掠儋州巡檢徐森百戶牛應正督軍剿捕

三十五年倭寇儋州掠沿海諸村儋州志

三十七年倭寇澄邁調陳等港副使王會遣指揮王克振鎮撫陶孟焯百戶周縉等捕獲之

三十九年海賊潘國珍等犯儋州掠西鄉知州張邦模親率土舍等日昭等往神垆禦之日昭戰沒儋州志

四十一年二月千戶崇昇領軍哨海至臨高石牌港遇賊擒斬十餘人奪回被掠九十九人六月賊入清瀾港指揮李子照不救賊劫客船殺數十人乃去

四十二年春副使宋文武遣千戶崇昇鎮撫陶孟焯巡海至臨高博頓港破賊船二隻斬首十餘級獲器械四十件九月劇賊劉世釗等寇雷廉巡按陳道基檄參將戴冲霄指揮高卓王克振千戶崇昇等領軍會雷廉指揮楊烈蔡綱等夾攻兵敗烈被執諸軍皆潰獨昇部獲賊船一隻斬十四人十二月指揮高卓敗賊於瑄頭獲大船一隻擊沉三隻斬首二十七級奪回楊烈及男婦四人

四十三年五月佛郎機夷船三隻泊舖前港海賊施和率衆攻之佛郎機桅折避入港和遂深入符離等都肆掠指揮高卓率所部及土舍王紹麟統黎兵與戰佯走黎兵追之遇伏矢盡被殺卓單騎破重圍救賊乃遁

四十四年正月賊何喬等掠昌化英德等村官軍戰敗多被殺署教諭王瞻之率鄉兵出禦殺賊數人餘遁去十一月海北道畢竟立令賊羅漢鄉採珠自贖賊衆大集白沙將乘間肆掠副使姚世熙遣指揮高卓等分東西哨禦之

四十五年正月賊吳平掠白沙等處總兵湯克寬遣指揮高卓出禦賊已去崇昇獲賊船一隻於牌尾海四月吳平寇昌化焚掠城外鄉村居民三百餘家男婦死者無算城

中得崇昇死守賊不能入乃去之崖州五月湯克寬破吳平於崖州擒其妻子及頭目陳二老等八月賊蘇大寇文昌海上掠米商黃頤等數十人夜登深泥港殺生員雲某掠其子並抱虎諸村子女數十人十二月賊何喬林容等掠陵水復犯崖州突入大蜆港遠近騷動復攻抱駕村殺傷甚衆掠數十人去

隆慶元年二月賊曾一本何喬等寇文昌擄羅頓雲樓等村百餘人副使姚世熙坐視不出兵民怨甚三月指揮石子方見寇猖獗不得已始招降何喬林容及其部衆引之入城喬至見兵船多復叛出子方懼追之以死相誓喬乃復回容黨竟不就撫去復犯臨高殺掠不可勝計攻陵水逼南河殘毀尤甚還至臨高攻洋龍包開等村大掠至城北十月何喬既降出入城市其黨林容等寇於外直指王同道慮有他變檄本道擒之姚世熙以策屬指揮王克振使醜喬不得近乃責之石子方置酒延喬至則喬十四人俱被擒餘十六人叛歸林容十二月儋州沿海蛋戶爲寇犯鄉村是月賊曾一本駕巨艦突入白沙劫推官鄭廷璋家及顏盧盧濃等村擄千餘人自白沙至海五十里內焚掠無遺

二年春何喬餘黨陳高番等出沒海上犯山頭等村殺掠百餘人先是曾一本深入姚世熙閉門不出水兵把總陶陵棄寨入城至是警偵者不復諜報矣四月林容寇臨高指揮高卓督昌化百戶李元機等追獲白艚船五隻擊沉二隻奪還所掠民蔡貴等四十五人五月賊蘇大李茂等寇澄邁文昌兵憲史朝宜督兵剿之林容乘夜猝登那木村掠百餘人去秋林容率衆百餘猝至澄邁教場指揮張應芳陳曰然等畏憚不出石子方督兵由西門出禦賊遁之五里橋兵憲姚世熙登城潛窺倉皇無措賊暫迫月城有屠者登屋大呼曰快殺賊時賊先入者止七人驚疑遁去十月賊犯雷州曹家等村掠數百人指揮楊烈與戰敗績被掠兵船八隻兵二百餘人去復犯文昌木欄頭等村

參澄邁志

三年四月林容聞總兵俞大猷追曾一本南下乃自焚大船三隻遁之臨高兵憲史朝宜遣指揮高卓督兵禦之賊遂犯昌化掠英潮港窮追破賊擒斬吳德方等十七人閏六月賊大掠瓊山東岸湧潭等村史朝宜遣指揮王秩高卓等分道禦之先是村人謝某慮其佃丁陳天與至是天與從賊稱二澳主人麻錫港攻圍謝家不能入遂掠教官

謝忠生員林成謝有垣等及湧潭陳村男婦二百餘人而去七月王秩等用火攻策爲賊所覺力戰諸軍大敗百戶周縉都指揮陳日然俱被殺高卓銜刀勒馬死戰得脫聞賊程希武在神電欲往攻之遁去自入麻錫港凡三十日殺掠兵民數百人賊許瑞泊陽江林容率大船至放鷄山見瑞船少引帆就之瑞舟不動既至猝以火筒擲出焚其船容敗船溺被擒容黨蘇大李茂等收集餘衆遁臨高海上九月賊林鳳駕十八艘入清瀾指揮崔世承兵潰被殺十二月賊許瑞猝至郡城外同知陳夢雷躬至教塲撫之賊乃降置酒款待兵民稍定尋出擾城市不能禁其黨復大掠近城居民多棄家去瑞自往北冲巡崖等處抄掠被橫江客船截殺百餘人

四年二月太守周思久諭降許瑞使回籍初思久始視事瑞具禮入見叱不許入尋示以三策曰爾既就撫苟能沿海殺賊立功致位通顯上也否則反旆朝陽歸耕隴上省墳墓樂親黨而終天年次也若觀望不進逗遛不退有不知其所終者瑞報從中策而去瓊民始得安堵五月蘇大李茂等西寇澄邁東掠萬陵兵憲史朝宜親往萬州督剿六月林容黨駕六十艘乘風自澄邁直泊白沙欲殺許瑞是夜大雨颶風瑞舟盡覆

五年正月賊犯文昌木欄頭掠百餘人時郡中官皆赴雷州考察報至直指趙焯命同知陳夢雷率兵討之二月賊大至掠白沙舖前百餘人去復寇澄邁史朝宜遣指揮趙雲龍援之三月倭二十五人自廉州奪船渡海登臨高突至海口所據四門大掠由文昌下場竊船遁二月間有黑氣自海口城西南起漸至東踰月寇至蓋其應云五月賊李茂悉衆南下史朝宜遣高卓督兵追之茂瓊山小林人幼被掠鬻於遠地後歸林容爲四澳主從寇麻錫密戒部黨無擾其鄉且告里長以欲逃歸回意容敗衆立茂卓攻之茂急引去賊入萬州大掠諸村直至城下殺人奪貨慘毒尤甚史朝宜兵至大敗之七月犯昌化史朝宜命高卓救昌化已由陸路調遣至儋州命石子方帥舟師先往雷卓中軍續發卓不自安遂以二小舟行逐賊三十七舟戰於前茶頭殺賊首王聰及其部百餘人茂窮促乃以舟繞卓後放礮卓中礮急令麾下披已甲督戰益力殺傷不計賊大敗走昌化先一日有大星隕於海是夜卓創甚卒子維續襲海忠介爲文贈之自賊縱橫海上官軍遇之輒衄是役也卓以二小舟敗賊三十七舟及招安後每嘆曰海南將官皆如高卓吾安得爲賊乎若卓者可謂能將矣

六年正月賊許萬載犯澄邁劫十餘都殺人數百復入新安港攻臨高通判阮琳率典史林邦達土舍王經等勵兵鼓衆填橋障水淹沒城下賊不能入乃乘間擊之斬首百餘級生擒十餘人賊潰走二月漳寇莊西引倭三百餘自廉州渡海抵澄邁界焚舟登岸夜至定安登城典史施可材率壯士操巨斧碎其首賊乃渡河掠瓊山博通等處遊

擊晏秋元莊西鄉人也按兵不出賊益縱橫發塚索金後發侍郎鍾芳墓雷電擊賊賊驚而

止東渡河掠石門諸處沿海百餘里無不殘破閏二月許萬載圍昌化知縣林應瑞率

百戶薛元明督兵民守禦三面夾攻生員林應魁見勢急持刀拒敵面被鎗刺典史林

祚射傷賊三十餘人乃退李茂率大鯨自崖州乘犯萬州復入博敖港攻樂會城會同

城焚官民廨舍掠子女粟帛遠近騷動莊西復率倭奴寇瓊山文昌時海南事勢岌岌

倭入掠蛟塘等村指揮晏秋元與酉潛通按兵不進賊轉攻文昌署縣令金鉞以無城

可守望風走賊縱火燒廨舍居民殆盡惟文廟僅存又入那廓等村結連李茂大集清

瀾港州縣皆殘破郡城危甚海北道許孚遠引兵至人心稍定

同知陳夢雷議發鄉兵人情洶洶許孚遠止之督府欲令

總戎統兵二萬南來孚遠亦回拒至東撫西征之計卒如所料李茂自爲高卓所挫已有降意至倭賊入鹹水港沉舟登岸

茂亦統大鯨至倭始遁之三亞港奪船出洋悉爲暴風所覆茂即令人來告以所斬獲倭賊解陵水爲解時許萬載楊老等寇臨高許孚遠令晏秋元陳夢雷水陸夾攻百戶黃應龍領前鋒與賊遇秋元復縱之去衆論非之秋元慚懼竟自縊孚遠蒞瓊五旬耳值盜賊四起飢饉薦臻省糧餉則却總府二萬之師安人心則止海防鄉兵之調棄倭奴以餌東寇而專意西方卒之西寇潛消瓊海弭兵幾二十載皆公之貽惠也

白沙叛兵陳六等數百人寇儋州至東門教場外擄男婦百餘人至新英港登舟入海

儋州志

萬歷元年叛兵陳六復至儋州夜掠東門外四月詔赦李茂許孚遠既招茂降具詳兩院督府殷正茂爲刻詔旨曉示通省授茂名色把總部衆陳亞觀卓亞四潘大老楊文通陳德樂五人並授哨官卓最狠毒而陳最狡詐舊態未忘時爲民害

十一月倭自海北奪船夜泊新浦兵道陳復升發陸兵並令李茂由海夾攻皆擒之賊許俊美寇海北指揮石子方把總王道成合兵進剿於白鷓門子方擒斬賊黨歐希聖七十二人奪回被擄貢生韓秉誠並男婦七十餘人獲白艚船十四隻

二年四月指揮牛啓督修白沙兵船適參將白某追賊林鳳西下調海南北寨兵夾擊賊遂乘虛突入白沙牛啓被掠五月林鳳駕巨艦一百二十隻泊清瀾港以名刺投縣云欲來市買瓜菜千戶丁其運忿怒攻之會大雨堞壞賊遂登城殺百戶蔚章裂其屍軍民商蛋被殺掠者二千二百人越三日援兵至始遁去

四年海北叛兵勾通澄邁七賊夜越入縣城劫倉庫民居時縣令入覲典史匿不報賊走海北後捕得巡按以事聞巡撫總兵等俱坐黜澄邁志

六年四月總督凌雲翼既平羅傍賊乃檄李茂等親見以辨真假茂不得已先遣陳德樂以千金往八月賊林道乾大至揚言欲攻李茂郡城戒嚴乾駕十餘艘由清瀾港入萬州陵水縱掠兵道舒大猷自將兵船剿捕道乾遁去李茂見督府求加水寨職銜仍託名出哨入池取珠奸徒蠅附不可禁

八年李茂數有殺賊功然每操舟犯禁舒大猷乃送茂子日新德樂子仲仁入學以寓勸化然澳黨猶利在珠池屯聚不散

十六年三月直指蔡夢說按瓊召李茂陳德樂入郡示以包荒不殺之仁諭以禍福更

新之義茂等感泣庭下即令移入城就居安插自是馴帖目爲新民賊藪廬舍數百間浹旬焚盡部衆黨與散處村落歸農澳賊自楊濤久爲海患夢說開誠親諭處置得宜而瓊至是無澳賊賊至是無黨厥後海濱安堵皆公之力也

十七年正月雷廉遊擊陳居仁與把總童龍私賣珠池通盜廣寇陳鏡等連艘百餘出沒池中總督劉繼文令總兵李棟率舟師往剿所部遊擊沈茂欲憑兵威挾索澳賄及令珠賊梁與等供攀陳德樂盜池狀參將楊友桂亦利得賂遂誘擒德樂茂搜捕餘衆於是沙鍋頭陳良德二老陳守華蔡克成及茂家人那麼等奪桐槽船七隻叛去二月自木瀾港抵清瀾港焚劫兵船突入海口所又駛至文昌城署訓導林立犒以豕酒乃去掠萬州東澳等村及陵水桐棲港遠近震動兵憲孫秉陽郡守周希賢發兵進勦蔡克成陳守華中箭死陳良德遁去犯文昌夜復回舖前抄掠總戎兵至乃遁之海北廣海兵船會師夾攻賊妻鍾氏被紅衣率賊死戰官兵多傷斃北津分總吳振夏並力攻之賊潰擒十七人并俘鍾氏等三十二口時德樂被擊就擒乃碎金服之不死嚙舌自盡督府行查各賊家產四月陳良德等駕七艘北寇吳川茂家人那麼等駕五艘泊海

寶山造船欲回盜池被安南國兵擊殲之餘衆遁回舖前縱子女登岸散匿諸村居民官兵乘機擒解濫及無辜死者甚多各哨軍遂追陳良德擒之并賊首李朝華等六十四名同李茂等解軍門斬首梟示婦符氏子日新陳仲仁等各發大臣家爲奴田宅入官自是始清澳藪立舖前巡檢司

三十一年二月有賊船突至崖州入大蠶港焚燬兵船二隻劫掠民村副千戶洪鑒失機擬遣戍邊遠死於獄

國朝

順治八年總督杜永華抵瓊開助餉例郡民苦之縉紳有被逮者澄邁縣石覆土匪遂謀構引海寇蔡芳等襲攻邑城十一月二十一日賊衆數百人僞爲官兵長驅入城列幟城上剽掠民舍殆盡縛縣官括庫藏縱獄囚四日棄城去越一日大兵至追之不及澄

邁志

八年海寇王吉入萬州大掠民居時瓊州守將反各州縣多從賊叛將曹君輔據州城爲吉所逐八月閩寇林祿登岸招兵郡人拒敗之祿與吉合同據萬州後吉爲祿所殺

萬州志

九年閩賊張士俊等三百人入萬州城據之時王吉林祿張士俊與郡兵互爭紛紛殺奪均爲民害八月大兵渡海恢復瓊州參將馬正龍以兵五百定萬州因駐守之萬州
兵革始息同上

十二年二月海賊楊二楊三入陵水桐棲港劫掠村民官兵少不能敵商船用炮火衝出拒之不勝死者無算陵水志

十七年春龍門島賊鄧耀餘黨寇文昌入舖前清瀾劫客舟轉掠坡琉三家舍樵沙港
邁陳磨甕白峙等村擄生員符建王應鼎等清瀾汛守黃世賢率兵禦之殺數人賊乃
遁文昌志

康熙元年賊楊三以數十艘至舖前掠五百餘人官兵援剿相持數日而去

二年賊楊三復駕巨艦入清瀾劫米商時歲飢乏食飢死者枕藉於路汛守陳廷昭力
拒後郡兵至賊乃遁

四年六月二十七日海寇駕十三艘乘西風潮長船如飛矢泊蜚場港登岸圍前後村

舍劫掠罄盡次日郡兵至日已昃潮退滿載逸去澄邁志

十二年賊復犯舖前掠地蔡村擄生員韓亨時等數百人文昌志

十五年賊掠海安瓊州南北道路梗塞與省隔絕

十八年海寇楊二楊三等駕船四十餘衝入澄邁石礮由顏張港登岸劫掠感恩昌化海濱一帶既而黎酋勾通土宥自森山市焚掠至打鐵市子女金帛搜括無遺又以舟重難行揚言被擄子女許父母親戚持金往贖否則投之海當事慮民通賊嚴禁止之十月賊船二十餘寇感恩勢甚猖獗十一月圍感恩縣城兵民固守倉卒不能破乃去

參澄邁感恩志

十九年海賊楊二謝昌番禺武舉水師謝厥符子駕數百艘突入舖前港海東邁犢演順英華等都居

民悉被蹂躪守備賈國棟捍禦甚力賊不敢西渡其巢在石牌港水師王珍募閩商謝

謙謙有船七隻來客海南皆勇士也攻之奪回被擄男婦數十人焚其船一賊遁走十二月賊復寇澄邁

東抵舖前濱海各州縣盡遭掠參瓊山志

二十年二月賊陷海口所三月三日賊自東水港抵蜚場澄邁城守孫雲鳳邑令呂登

瀛見賊猖獗慮孤城難保遂棄之走賊入城復與黎酋楊鬚鬚交通攻破定安縣郡城
危急澄邁南黎都庠生王道美王兆熹集本鄉丁壯誓死拒敵大小十餘戰斬賊數十
級衆寡不敵爲賊所殺十五日總兵蔡璋副將張瑜自省城統舟師渡瓊賊大半解散
餘遁入黎盤踞數月始平

參澄邁志

三十八年海賊陳老大等船三隻泊陵水港知縣李聘城守把總劉茂偵知斷其樵汲
多設疑兵賊計窮乃遣人招諭降其黨九十七人具題安插

四十二年三月有賊船三十餘隻劫掠東西兩路洋面相傳楊二餘黨民情震恐十二
月賊入感恩嶺頭港知縣姜悼督民兵拒却之感恩志

四十三年三月海賊復犯陵水桐棲三亞港瓊州水師副將劉成功聞報督兵船追剿
至落盤海灣賊黨以炮對敵官兵死戰獲賊船殺數人生擒石起孫等四十六人并大
小炮十二門鳥鎗等器五十三件斬首梟示

乾隆三十五年秋海寇犯萬州萬陵市官兵追之不及新增

五十七年賊復寇萬陵市追捕不及

嘉慶三年五月蠻戶方世建方維富等奉檄招安洋盜鄭一布澤敬等率衆降雷州知府

李載春奉委至萬州撫諭

五年海盜布澤敬布香長周亞五黃亞灶等駕船入萬州港投誠

八年海賊高尙志等三十餘人入萬州港投誠

十四年八月初七日海寇烏石二等率船數十突入石礮港登岸劫掠汛守徐陞力戰拒敵寇稍退次早復至陞與營弁趙仕隆募鄉民協力拒之盜乃遁

十五年三月初一日海寇烏石二海田九等復入石礮港劫掠初三日登海岸鄉民集衆拒却之殺賊二人四月初三日賊自東水港登岸掠東水那黎好馬石角潭才各村知縣蓋運長募鄉勇五十人日給口糧并請陸兵數百水師兵百餘親冒矢石督兵禦敵十六日總兵馬正國率大兵屯石礮嶺上將進剿賊舟覆引去至五月初一日烏石大烏石二等集一百餘艘入石礮玉抱麻顏諸港口直抵臨高海岸殺掠彌慘百里內無孑遺後總督百齡領兵蒞雷州時廣州賊首張保郭婆帶等已就撫因令其誘烏石大二三等皆來降至則殲厥渠魁餘釋勿問海南人被擄者俱獲還自嘉慶三年以後海寇鄭一烏石大張保等嘯聚海島雷瓊海舶往來多被劫商旅裹足邊民久被其害至是始平俱同上

瓊州府志卷之十九下

海黎志四 防海條議

洪武十七年指揮花茂上言廣東南邊大海奸宄出沒逋逃蟹戶附居海島遇官軍則詭

稱捕魚遇番賊則同為盜寇飄忽不常難於訊詰不若藉以為兵庶便約束又請設沿

海依山二十四衛所海南衛所詳見兵制築城浚池收集海島隱料無籍等軍仍於山海要害地方

立堡屯軍以備不虞皆報可明史花茂傳

成化中總督兩廣都御史韓雍初開督府於蒼梧立秋調法先預備糧餉買料於南海縣

僱匠造船五百艘所費不過二萬每十艘外有一小哨船以便探邏每歲六月行令土

官各定年分輪班領土兵大約四千七月初齊集船中每船十人聽令調勦其餉給薪

米之數登岸交易之法約束周密凡山海寇盜倏忽掩其不備無不斂手就擒此兩廣

所以安也所得財物各令入已論功優賞莫不踴躍效命軍士惟令守城民船免於刷

擄軍民稱便郭通志

廣東東起潮州西盡瓊廉原設水寨以備防守在瓊州有白沙寨瓊州四圍皆海周環數千里清瀾諸所累被賊陷樂會諸縣曾遭寇殃賊衆我寡強弱不敵又安能不坐失事機哉兼以崖州陵水萬州樂會抵連外洋使哨船弛備海寇突至其何以禦之至於各寨汛地皆有港可以避風泊船但港門有淺深灣澳有險易港深而易泊者無論船隻大小皆可駐劄若港門淺狹則不利大船白沙寨汛地惟清瀾可泊大船而白沙萬州諸港俱淺船易滯頓一遇大風大船不能入港累被覆滅今白沙寨須酌用三號四號之船遇颶可以入港灣泊其船常存則其威常振耳

余摘明尹
瑄堯石集

一盜賊多駕高頭小艇藏集兇徒肆行劫掠莫可追究故受害者多不以聞於上爲今之計莫若通行各縣責令沿海居民各於其鄉編立船甲長船甲副不拘人數惟其船之多寡一依十家門牌循序應當如船二十隻總統於船甲長內以十隻分統於船甲副各船仍於船尾航外小書某縣船某甲下某人十字翻刻墨填以爲記認其甲長甲副各置簿一備載鄉中船數并某樣船隻某項生理一一直書每歲具呈於縣以憑查考凡遇強徒劫打之人識認其船即取投甲長甲副上緊鳴鑼追究俾遠近皆知其無字

號者卽係爲非不拘地方人等各許拏送

明戴璟
禁約

周希耀條議一懲假哨以衛商漁看得海上哨船四隻原奉巡道所設每船總甲一名散夫二三十名各給腰牌印票爲照此眞哨也近有市棍通同帮差借一腰牌邀黨僱船張旗稱哨沿海縱橫撞遇商漁咆哮嚇詐汛兵見其船色難分不敢向問商漁以其附器之鼠畏忌不投合請嚴禁無論眞僞巡哨過汛地一聽官兵察驗各夫執有腰牌印票不得留阻若止一二腰牌并無印票及餘人無牌無票者俱係假哨許汛兵擒解正法俾奸棍知儆而商漁均被衽安之賜也一清料船以靖海氛看得盜艘橫行非假商漁無能出海非通經紀無能作奸西海之船有名曰高頭料者破浪輕快利於涉險往往爲盜先年曾經禁阻海上賴以無虞邇來法久廢弛此船復出倚藉官家旗帖執爲護身之符串謀不肖經紀詐稱醃魚之家哨兵難詰眞僞商漁罔知提防屢罹其殃且一劫揚帆莫得踪跡卑縣籌之凡有料船醃魚者許經紀赴縣報名具結船戶某商人某駕某某若干人給印信合同串票簽定出海日期與該汛哨兵截票各執一通盤詰照驗對令放行哨兵不得生事其船回於何日亦註票內繳察如無票照卽係歹船該

哨立時拿解盡法究懲兵役故縱一體坐罪一編蛋甲以塞盜源看得海洋聚劫多出蛋家故欲爲海上靖盜藪必先於蛋家窮盜源何也蛋艇雜出鼓棹大洋朝東夕西棲泊無定或十餘艇或八九艇聯合一鯨同罟捕魚稱爲罟朋每朋則有料船一隻隨之醃魚彼船帶米以濟此蛋各蛋得魚歸之料船兩相貿易事誠善也但料船素行鮮良每伺海面商漁隨伴船少輒糾諸蛋乘間行劫則是捕魚而反捕貨矣弭盜之方總不外於總甲今議十船爲一甲立一甲長三甲爲一保立一保長無論地僻船稀零星獨釣有無罟朋大小料船俱要附搭成甲編成一保互結報名自相覺察按以一犯九坐之條并繩以朋罟同鯨之罪甲保一嚴奸船難閃則盜藪清而盜源塞矣

新安縣志

賊至不能禦之於海則海岸之守爲緊關第一義賊新至饑疲巢穴未成擊之猶易延入內地縱盡殲之所損多矣然自來沿海戍守莫不擁城觀望幸賊空過謂可免罪而不顧內地之有警內地戍守亦幸賊所不到而不肯策應沿海今宜分定沿海保護內地內地策應沿海沿海力戰倘有所損宜坐內地不能策應之罪內地有警沿海幸完宜坐沿海縱賊之罪又如同一樣沿海地方賊由此方登岸此方却不擾累而擾累彼

方賊由彼方登岸彼方却不擾累而擾累此方自來惟坐地方擾累者之罪今宜並坐賊所從入其沿海文武將吏有能連次鏖戰抵遏賊鋒阻賊下船不得登岸深入者雖無首級以奇功論唐荆川集

守禦之方防微爲上所謂防微者亦申保甲之制而已今請鄉立一老自相管攝十家爲甲百家爲鄉出入互相覺知行檢互相糾察寇盜互相守望則沿海之民安能挺身潛跡獨出爲非耶不幸有聚衆飄洋者制之有三要焉凡賊入俱由海港扼海港則入劫無路久自困矣復防奸民與通餽之粟米餽之酒肉餽之利器絕其內交久自困矣又扼沿海之山沿海山出泉流爲溪澗水清可食賊飄據洋中水鹹鹵以食則瀉以類則皮潰賊乏清水久自困矣此大畧也霍渭崖集

總制胡宗憲曰夫謂之海防者則必宜防之於海國初每衛各造大青及風尖八槳等船百餘隻更番出洋哨守海外諸島皆有烽壑可泊後弛其令列船港次每於風汛時協軍巡哨使不得越島深入則內地可以安堵總兵俞大猷亦請設樓船艙船數百隻分伏諸島往來巡探攻捕名之曰遊兵而遠遏之於大洋之外議者多是之或謂海樓經

月必有颶風巉崖複礁廉厲佻劍戟不可下碇是邀擊海上之難也蓋海戰之弊有四萬里風濤不可端倪白日陰霾咫尺難辨一也官有常汛使賊預知趨避二也孤懸島中難於聲援三也將士利於無人掩功諱敗四也自嘉靖已卯後禦洋之法立哨探嚴緊官得預備則藩籬之守其法終不可廢故必哨賊於遠洋而不常厥居擊賊於內洋而不使近岸斯策之最善而當時之議亦卒未有能易此者也

原賊之起其初甚微止一二人密約三五人潛至港口窺伺小艇附岸徑跳登舟露刃脅舟人駕出外港遇有畧大之漁船則詐稱買魚又跳而上再集匪類至十餘人便敢公然行劫此粵東所謂踏斗者也出遇商船則亂流以截之稍近則大呼落帆商自度無礮火軍械不能禦敵又船身重滯難以走脫聞聲落帆惟恐緩相顧屏息俟賊登舟網繫賊或收其財物將船放回或連船劫駕他往雖不願從亦暫相依以冀旦晚劫換一入其黨則與之化日久日多遂分爲一二船勢漸以大此等小輩無他伎倆但使商船勿卽惶恐下帆又有礮械可以禦敵賊亦何能爲乎愚以爲商船皆有身家斷不敢思爲匪以自喪其身家性命而且一船下水必有族鄰鄉保具結地方官查驗烙號給與

護船牌照方敢出外貿易此等有根有據之人豈不可信而必禁攜鎗礮使拱手聽命於賊乎倘弛商船軍器之禁則不出數月洋賊盡爲餓殍也哨船之不能禦賊皆謂萬頃渺茫從何捕起風濤險惡性命可虞不知賊船在近不在遠沿邊島澳偏僻可以停泊之區時往搜捕百不失一蓋各省匪類性雖不同然皆必有澳可避風颶乃能徐俟商船之往來必待天朗風和乃敢駕駛出洋以行劫其貪生惜死之心同其哨緝之方堵截之候無不同也向來各省巡哨實心者少每欲出巡則預張聲勢揚旆徐行一二月未離江干又於船中且暮鼓樂舉礮作威是何異呼賊船而使之避也若使巡哨官兵密坐商船以出勿張旗幟勿鼓樂舉礮作威逼賊船嚮邇可追則追不可追則佯爲遜避之狀以堅其來挽舵爭據上風上風一得賊已在我胯下我則橫逼賊船如魚比目並肩不離順風施放礮火百發百中兩船既合則火罐火藥桶一齊拋擊雖百賊亦可擒也所有銀錢貨物盡賞士卒勿許將弁私自利首功兵丁拔補把總將弁以次陞遷無得掩抑則將士之功名財利俱在賊船將不遑寢食以思出哨也

藍鹿洲集

明兵備副使凌雲翼云哨探者兵之耳目也哨探既真則先事有備如沿海守把官弁有

警初至不能聞知及登岸倉皇失措矣今後把總官務要督同各哨官弁多置哨船精選知水性之人遠出外洋分投探哨如有聲息先來傳報其附近各港官兵一聞警急隨即合艚約會截擊大洋以獲制勝之功

鄰通志

一哨船之接濟宜察也匪類逃躲外洋非能不食而操舟徒手而行劫由內地奸人接濟之也濟以糧米物食然後能久延濟以火藥軍器然後敢敵殺論者多歸咎漁船不知漁船所帶糧米斗石能濟幾何火藥軍器犯禁之物惟哨船可以攜之向來南澳地方皆守港哨船接濟如東隴港南洋港漳林港澄海港沙汕頭海山柘林井洲各處哨船無一不接濟者而東隴海山南洋三處爲尤甚每豬十隻價近百金米十石價五六十金火藥鳥鎗籐牌軍器價皆十倍潮人謂坐港之利勝於通番此之謂也夫民船犯禁官兵可緝官船作弊孰敢櫻鋒是在鎮將留心稽察無使復蹈前轍海孽之肅清思過半矣一哨船之軍器宜審也北人乘馬專以弓矢見長南人乘舟角逐於烟波浩蕩之際當其相距遼闊則弓矢無所用之及兩船既交一人能發幾矢一矢能傷幾何則莫若礮火之爲功大也鄙意哨船軍器專用鳥鎗鹿銃連環子母西瓜等礮噴火筒火罐

火箭佐以軍力藤牌長鎗大鈎而其餘可一概不用約畧一船中有礮火者十之七爲刀鎗者十之三賊雖有艨艟巨艦不能當官軍礮火重疊惟俯首就擒耳倘欲用箭必取諸弩而尋常之弩又不堪用必依諸葛武侯遺法作連環弩上有力箛箛分十道中藏百箭二人挽之觸機自發一發十矢隨發隨挽矢復自出每船安置十弩則瞬息間發矢千計一飯之頃萬矢連環雖有劇賊無所逃避此亦舟中之常技也一巡哨踪跡宜密也兵法有奇正賊勢有大小出其不意敵乃可致往者遊魂猖獗賊首王十二等百十連艨聚泊大萊蕪小萊蕪等處明目張膽受千把總饋獻而不辭哨船之出非所畏也今所謂賊不過無賴之輩饑寒偪身三五成羣踏斗而出遇船小人弱則奪而駕之因其舵水糧食湊集匪類所奪船漸大然後敢公然行劫其爲賊也有限其窺伺在商船貨具財帛衣糧又必孤行離援乃肆其侮非立意與官兵哨船爲敵者也見商船則趨見哨船則避哨船輕而浮其行速商船重而滯其行遲哨船旗幟飛揚牌刀高掛商船無之此賊所能辨也鄙意哨船之出當如商船行徑勿張旗幟勿掛牌刀多運小石壓載以疑貨物有急可當軍器行莫連船但度策應所可及若斷若續遇賊船對敵

然後舉大礮爲號衆哨齊集堵截環攻擒賊獲船白不失一若夫粧點軍容張揚聲勢是呼賊船使之避耳非真心捉賊者也藍鹿洲集

萬州知州茅一桂備倭議曰本州倭船三隻每隻二十餘人共七十餘人官一員督率之近奉例減一止存二船共四十餘人皆以本所軍充之輪班無常夫軍所食不過月糧輪則未必慣習果足用乎否也又督率之官大率皆千百戶出入之隨從迎送之勞費查點之應酬皆出數十窮軍既賁之守候又加之需供其何以堪況身不習波濤人不滿五十彼蓮塘舊陵水兩港相去數十里萬一有警此二船足當之否又兩海中有獨洲山去州止隔十里年來海面巨賊泊船其中公行劫殺莫之敢撓彼明知船兵不足恃耳合議復其一船再加一船共四隻皆選慣習海船者充之不得數易陵水桐棲港亦萬屬也有船六隻撥其二派守兩港與州四船爲犄角即於獨洲山立一浮營建大旗每日輪二船兵往來戍守日責其伐本山樹木幾株爲信且得以備兵營公館修理之資豈不兩利兩處船兵約有二百餘人總設一官統轄有事則彼此救援如左右手此固萬之利亦陵之利也州志

澄邁縣知縣高魁標論曰澄邑東自博瀆西至玉抱七八十里盡北濱大海無崇山爲之障蔽巨石爲之闌限東水一港西北去城十里而近潮來風便艤艫冒突直抵城下今水軍歲遣一弁率舟師扼守港口固其宜矣然東水有巨石潛伏水中潮長能入舟潮退即膠舟故賊人者鮮惟石礮港沿海二三十里地勢平衍兩岸東西如玦繞出翼抱中爲湖套無崖石之阻無風濤之險浪靜水深不待潮候隨時隨處可泊巨艦可登陸岸明成化二年嘉靖三十年

國朝康熙十八年賊船皆泊此入寇今東水營撥兵十名分守石礮二三十里之地卒有警急可爲寒心竊謂宜中分東水屯戍之兵爲二其一軍校自領屯守東水港其一又中分爲二就石礮嶺爲一營更擇沿海一帶山岸稍高有形便可據處另立一營則兩營戍守可互相覘望互相聲援而令尉復於平時養募鄉兵練成一旅堪備實用並行令各都各鄉皆習團練一旦警報鄉兵即協助營兵壯聲氣作應援設疑伏賊烏能恣其猖獗哉縣志

臨高知縣樊庶論曰臨有海患患自外者也猶人身之有風寒客邪虛則乘之港口者腠

理也人能臆腑節飲食則腠理密猶海之能慎封守謹斥埃而港口固也防範之機宜固難然亦未始不能爲力若前楊二等之犯全瓊俱潰則臨一邑自不能守倘犄角制之斯得之矣吾瓊瓊四面皆海也雖有舟師疾風弗及雖有斥埃聲息難周故從來策海惟瓊爲難亦惟瓊爲畧也臨地濱海者百里而遙六浦港汝在在可犯在在宜防獨馬鼻博頓兩營有兵然僅半百其他墩臺名焉而已萬一海波復揚風雨驟至欲望救郡旅得乎故余捐募團練之外於博頓烏石新安石牌諸港增建炮臺移營而晝夜競競也縣志

按博頓石牌二港今已添設陸路臺汛防守并兵各數十名

感恩知縣姜焯論曰按感邑港口并黎峒情形竊以爲嶺南頭板橋八所三港最爲要害宜添兵防禦并令水師沿海遊巡則水陸兼防猝有海艘乘風飄突何難滅此朝食至於感邑黎岐與民計之十分之四向附版圖不足爲患患在崖色生黎從峨茶浦麻二總路出入擾害勾引煽惑彼卽畏勢脅從若令各州邑防黎有法毋使狡焉啓釁則黎之附籍於感者胥束手向化矣縣志

姜焯又議曰漁船連伍誠籌畫周詳弭盜之上策但查漁船例不許隨帶器械今若令其連伍斷不能徒手從事器械任其備辦誠恐中有不肖乘便作奸亦未可定至於現在海賊非水師不能爲力即如感恩一邑陸路山林率令捕巡鄉保時時稽察沿海港口督同汛兵練勇晝夜防禦是以匪類從無潛匿山林而陸路永稱靖謐第水路向無營汛倘遇賊船臨海止能在岸堵禦雖隔咫尺恍若千里故賊船任意飄泊得以肆行無忌爲今之計至要而最急者莫如水師遊巡之法將海口水師左右二營令其一營存兵一半坐鎮瓊要一營領兵一半沿海遊巡輪流更替週而復始度全瓊海面大勢順風十日可周或風有不順十八九日可周按定一月一次以其行船俱近岸邊一遇大風隨在沿口可以灣泊非若大洋險阻難以迴避故可決以時日也兼青沿海地方官每月出其哨船到境日期印結繳報查核庶皆實力奉行永保無虞且水師不比陸路有跋涉之苦况彼熟識水性設或禦敵輕車熟路如取如攜其海上小醜聞知有備無不遠避縱使乘風飄至不難相機勦捕倘或衆寡不敵亦能掣肘海面斷不敢如從前任意飄泊曠日持久窺伺海上也如此則陸路汛兵捍禦水路舟師巡捕雖有匪類亦

無置足之地矣

姜焯遺參將書畧云感恩一邑面山枕海延袤三百餘里查舊設塘汛墩臺佈置分防相隔窩遠或致聲援不及恐有顧此失彼之患總緣額設兵丁本少以一縣之汛地防兵僅比崖州十分之一況今歲海氛游奕處處堪虞蒙鎮臺碩畫周詳遣官兵遊巡堵禦并酌要地分撥貼防良法美意靡不周至但查感恩邑額兵八十六名內北黎營二十六名感恩白沙南港通天十所北黎六塘每塘撥兵三名共一十八名俱係要地無可游移惟感恩港舊設二十二名今因存城兵寡酌調往來業已難於兼顧再查嶺頭板橋八所三處地方俱有港汶可以泊船舊設墩臺撥兵防汛殊爲周密不知何年撤去此二處雖俱屬要汛然板橋距縣二十里八所距北黎營二十里應撥兵五名可以兼顧無虞惟嶺頭地方距縣城四十里附近並無村庄而地方更爲遼闊況港汶平坦易爲游魂窺伺必須撥兵二十名庶可防範堵禦凡此俱屬要汛添兵刻不可緩貴府誼切同舟諒無歧視希賜選擇精銳永鎮防守其於保固疆隅利賴誠不淺也俱同上

康熙四十二年總兵范時捷巡視邊海建議添兵奉

督撫

行文查議知縣姜焯請添設兵防

四十四年九月奉批准於感恩縣嶺頭地方撥崖營兵一十八名設汛防守

范時捷條議曰瓊州孤懸海中黎山峙其內大海環其外欲爲經畫綢繆非披圖籍所能悉所有巡勘過各州縣港汛之險易設兵之緩急逐一敷陳一瓊山縣有牛始白沙鹽竈三港澄邁縣有東水石矜二港此五港係瓊州水師轄汛毋庸議及一臨高縣有大港三內除馬鼻港亦屬水師轄汛外有石牌港離縣四十里此港闊大易於行舟舊未設兵查係儋州營屬汛應行儋州營酌量緩急抽兵二十名防守有博頓港離縣三十里港深水闊易於行舟原設百隊一名帶兵四十五名防守舊口營盤扼要港口頗得地利不知何年改移腹內離港七里而遙今應復還舊筭處所庶便控扼此外尙有博鋪博泊博述黃龍諸港俱有墩臺設兵瞭守且一帶接連俱堪彼此聲援一儋州有新英港離州城十里外通洋浦灣三板石等處額設防汛兵七十名港雖寬大然距州城不遠可以策應毋庸置議一昌化縣有英潮港離縣城三里儋營有百總一員帶兵三十五名防守布置得宜一感恩縣有大港二一曰北黎港離縣甚遠港大而險必空船方可出入崖州營撥管隊一名帶兵二十五名防守布置得宜一曰感恩港俗呼縣門

港離城五里此港潮退不能進船舊制崖州營撥百隊一名帶兵一十七名防守查此項目兵久與防城之兵同住城內大非循名責實之義應令防港目兵在港面地方住筍且經躡勘該地平闊堪以安營所當亟行者也又有地名嶺頭墩者

一名嶺頭灣

離縣四

十里此地宜防夕船灣泊取水舊設墩臺一座兵二名瞭守今應增兵一十八名令崖營酌量抽撥防守以杜奸歹一崖州爲全瓊之後戶其瀕海衝險處所較各州邑爲多即如自番人塘起歷黃流灣榕村酸梅塘南山嶺止計海面約二百餘里雖設有墩臺及瞭守兵丁奈此一帶地方處處可以泊船登岸取水又處處逼近村庄今應於榕村適中之地設兵五十名撥千總一員每年輪換帶兵防守自南山嶺至番人塘一帶地方誠不可少緩者也但虞崖營汛廣兵單不便再爲抽撥查康熙三十一年奉文抽調崖兵一百名貼防太平水尾薄沙寶停四處黎汛今黎歧遵化相應於太平水尾二汛各調回二十二名薄沙寶停二汛各調回二十三名共足五十名安設於榕村地方以便往巡查堵禦又有保平港距州城十里額設兵五十名兼顧大蠓港其港雖大然內有城汛外有港汛可以互相應援又有三亞港離城一百二十里港面闊大船集出入

自如據遊擊黃友瓚指陳此港舊係釘樁扼守今宜仍舊至其營盤布置皆已得宜又有榆林港與三亞港止隔一山呼吸可通無庸更議一陵水縣有桐棲黎菴二港離縣三十里係防陵官兵兼顧港雖寬大多石而險非熟識水道者不能進但二港之界有地名椰子灣者此港可以泊舟取水舊置木柵阻欄灣口今已朽壞推原前人作柵之意非藉以爲固特爲緩勢計耳歹船不能前進則我兵技勇得以先施此柵欄所宜仍舊修設者也一萬州有東澳港離州城三十里此港甚大又有那樂港較東澳畧小萬州營撥百總一名帶兵六十五名駐筍東澳並防那樂而東澳那樂之間有地名新潭灣者與海中大洲山相對歹船取水甚便應於東澳防兵五十六名之內抽撥二十名移防新潭灣撥千把一員督守歲久輪換則歹船不敢近矣一樂會有博敖港離縣一十五里係萬州營屬汛撥百總一名帶三十六名防守此港多石惟熟識水路者方能出入一會同縣有潭門港文昌有舖前清瀾二港俱屬水師營汛定安一縣無港均無庸議以上止論各州縣大港之險易若小港小汶名目甚多約皆淺窄難行况亦各有兼防不必具論竊以爲瓊州五營兵制爲數僅四千有零內一層防黎中一層防城外

一層防海既已在在預防而海鯨揚帆瞬息千里陸路應援跬步爲艱故於石牌港嶺頭灣榕村新潭灣四處議設營盤蓋因其地勢之緊要也博頓營盤之議仍舊址感恩港防兵之議駐港面三亞港之議復釘椿椰子灣之議設柵欄蓋爲從其舊制立法之善也倘邀允議則抽調移防之處當迅行各營遵照其蓋造營房修復椿柵之處誅茅伐木取之甚近工少費省並不累民請飭該管州縣舉行以上條議不過舉其身歷日觀亦就陸言陸耳誠得舟師數隻於每年孟冬起春末止周巡東西海面則水陸交嚴海疆靖謐爲瓊郡造太平之福矣蕭志

郡守賈棠詳議曰海口所爲瓊郡咽喉舖前港居東馬鼻港居西乃瓊郡之肘腋也其地皆屬險要而舖前尤爲喫緊海口舖前馬鼻三港現有水師戰艘防範周密無庸置議但水師所轄汛地東至會同縣之潭門西至臨高縣之馬鼻而止其餘州縣亦各有港口通海係瓊鎮陸路兵丁防守從未設有水師兵船誠慮賊踪飄忽突至官兵無船難以追剿似宜撤回防砲及巡吳川白鷓等處之戰船分撥於儋萬峴三州每州港口抽水師協千把總一員帶兵一百名駕船二隻輪流巡哨使水陸互爲聲援庶幾萬全

同知姚哲詳議曰一巡海兵船宜增大海汪洋渺無涯涘瓊郡孤懸海中府屬州縣濱海港口處處可以進舟灣泊在在可以登岸取水即使多設巡邏船隻猶懼不虞查目今巡海哨船不過十有餘隻所以夥賊往往易於乘潮肆掠則船少疎虞之過也應請於要害港口增設巡船選練水兵調撥巡邏聯絡不絕其巡查以船票爲憑凡無船票及無貨物者即係歹船巡海哨船須各分地方以專責任如某日某船巡邏某處各有記簿倘遇事發即查該地方係屬何人巡守則疎玩之罪旣難逃辭而游奕小醜亦懼我之有備而爭相遁跡矣一水陸地方之巡查宜清海上巡邏固須多設船隻其有陸地僻處爲遠者舊制止設營汛兵丁並無船隻可以巡海應請各州縣水陸緊要處所逐一清查分晰某港某口一帶水路係海船所巡某州某縣陸路若干遠近係汛守兵丁所巡其有陸路汛守而兼巡海口者即酌量添船添兵之法務使水陸巡查各得其實庶地方不致推諉而防禦實受其益矣一漁船之給票宜禁捕魚船隻雖屬各州縣編氓而乘機剽掠貪利害人者亦正不少此輩若給以票勢必肆行海上或搬運米穀接濟賊船互相倚仗乘間爲盜是名雖捕魚而實則寇盜之囹查捕魚小船旣係辦課何

須給票應請飭禁祇許在於本籍內港往來捕魚偷越港外地界卽以匪類究懲則奸宄無所托跡矣一貿易之給票宜慎凡一應客商有赴黎歧貿易者有往來大洋貿易者固皆以票爲憑然赴黎歧則每人給票一張不許朋名夥充仍須確查是否殷實之家並取其本地里鄰或土著認識各保結等狀限以時日不使久戀黎地以滋擾害過期不銷卽加懲治並連坐保結之人若往來大洋者則每船給牌一張亦須嚴查籍貫是否殷實並取具里鄰認識各結更加以州縣印結轉呈關部給牌關部送院院咨鄰封轉行沿海地方無論鄰省本省貿易船隻在在如此嚴查倘有過犯拿保結人等以所罪罪之庶小民咸知畏法而奸商知所警懼同上

提督李增階論曰水戰較陸難外洋較江河更難海濤汪洋颶颶靡定水師一出則士卒之身命託於統兵之人故將首在得人將如腹心兵如指臂同心報國協力戰賊此必勝之師也然使水程不知遠近險易流潮不知消長順逆舟船駕駛不靈炮械運用不準卽幸濟一時而難於屢試是不可以不預矣營冊

一兵船宜堅固也首先揀料桅舵碇三者最重桅須番木碇舵須呀喇膩或鹽番木亦

可龍骨桅夾橫檀舵牙桅托件件湏檢船內橫樑湏直長透者曲手灣湏長成大灣交船底板最妙如有直無灣不可用曲手多多甚妙譬如人胸骨多大者力必大樟木佳或菩柰木亦可番木恐釘打下裂開不可用水底板長闊者佳如窄短則船不堅固厚薄照船大小配釘宜密不可用竹釘鑽孔與釘大小配若釘大孔小打下板必裂若孔大釘小打入不得力此船匠省工之弊也灰須細白桐油春灰交練熟透者佳若省工搗練草率船多漏鑿灰要用網紗絲者妙粗者不固易於損漏若用竹絲者斷斷不可廣東多用竹絲廈門全用網紗篷索粧扮得宜蔬要長白青短者不堪用籐白小者妙棕索須梳淨不可襍有片碎兵船禦敵古有用牛皮竹柵網紗者而禦火炮則莫如網紗愈厚愈妙且用水濕不易燥此以柔制剛之法四面遮蓋彼銃箭皆不能入則軍心固矣燂洗亦是緊要久不燂洗船底板生蟲結住駕駛不快而船板易爛又須時時整頓或船有滲漏或槓具不堅則急於修補否則一禦敵船卽追駛外洋餞使遲緩且驚虞風浪焉得專心打仗水師第一緊要是戰船員弁兵丁等切記切記

一舵工宜選擇也船隻堅固選配官兵軍械火具配足矣舵工不識水性不明戰法必

不敢向前即向前亦不得力而舵工爲最難得是以選兵必先選舵工

一器械宜具足也舵工得人矣軍械火具之未備則兵膽不壯船多何益大約船配兵四百名其器械須配足四百件以備左右臨時執用

一遇敵宜知所用也敵遠者用大礮畧近者用鳥鎗火器噴筒鑽箭再近者用火罐火斗石塊最近者火具一齊開發探有敵船則將各項齊備船向何方來則各執器械面向何方其無敵之面亦少留兵守望敵船撞攏各弁兵各用所長鈎鏟攔叉挑刀籐牌執以向敵最要在密用火罐一齊擲燒敵船被燒敵人必逃避我弁兵即乘其煙燄執攔叉鈎鏟挑刀用籐牌遮蓋過船必須我船撞攏得穩方可過船謹記謹記

一火攻之宜講究也洋面水戰全仗火炮大銃鳥銃石礮火箭噴筒遠近攻打之法諸將皆素習之昔人燒船則用火箭而其發火之法皆不得力是莫如今所用之火罐更有一法以小克大則莫如用火攻船而風濤上下難於攏近即攏近而火不能延或火發而彼可以禦止逃避皆無益也須用火艇數隻將船頭二門促緊縛住我船頭桅用鐵桿二枝尖似瓚子長一丈有餘一半緊縛桅身一半伸出似蜈蚣鬚樣船後把舵之

所用篷弓網紗水灌厚厚遮蓋兵二三十名執有籐牌攔叉鈎鏢挑刀等械在內船頭并艙上面先用松香又用火藥一桶一桶照排散開上面用松毛覆多多益善或乾草火恐不烈又用長竹一條打空心內火藥作引由船內通至舵尾後伸出舵工與兵二三十名能浮水有膽量者在篷弓網紗內駕駛保護其駛船要撞進賊船或橫撞二枝鐵桿插入敵船木板內斬斬不斷折折不開推推不去牽牽不動戢戢不起恰似中箭模樣我兵又用網紗蓋住有器械護身賊無奈我何看可發火我兵在舵門後下落杉板船將竹引心發火賊船可焚我杉板船即在水面拿賊矣或先令我衆兵船向賊船相機勢擇其要處攻打賊心必亂乘機用火攻船破之如不濟事或再用火攻船一隻撞去以濟前火攻船之勢是又在領兵者之隨機應之臨陣之時宜占上風或左或右忽前忽後其變不可勝言也

一風雲沙礁宜詳慎也天時變幻難測而故老占驗有記載參以身所閱歷亦可十得八九縱有時不驗而要不可不防也砂礁潛隱難窺而舟師經過有水線是必熟於海道者方能知之海上行舟水程里數易知而不知風潮流水逆順砂礁灣曲各處不同

是以到處另請舵工駛船如遇追捕必延擱貽誤將兵者不可不選訪舵工而亦不能盡委之舵工也昔忠毅公數十年總師洋面鮮有失事是誠有心領神會而不能以告人者愚閱歷閩浙粵三省就其所身親閱歷者附記於後俾人講求而知所趨避未必不爲指迷上一助云俱同上

兵科給事中陳昌齊奏洋面緝捕事宜疏畧曰廣東海防分爲三路惟西路高雷廉瓊等府海面較僻兵力稍平向爲洋匪淵藪嗣因會匪勾連遂更肆行無忌臣曾於上年恭摺具奏惟是該匪等兇狡多端凡官兵經行之地暫且潛踪而官兵未到或已歷之區愈加蹂躪其由海上岸之洋匪率不過一二百人至行劫時輒有陸居會匪多人持械助兇勢難抵禦每行劫後又在海濱招夥許給丁壯等安家銀每人數十兩誘令下海近緣各村士民稍有力者多遷居府縣城內躲避該匪等復訪其祖父墳墓插標貼字勒令出銀免挖人情洵懼不知所措臣查高廉雷瓊等府皆土曠人稀城市村鎮相距遼闊每遇該匪行劫或離塘汛稍遠在官兵實有鞭長不及之勢惟聞沿海居民類皆自少採捕爲生習拳勇熟水勢向爲該匪等所畏懼凡有力村庄能僱募伊等二三十

人防守該匪即不敢來犯自經該匪出銀招誘從匪者往往而有因思重賞之下必有勇夫伊等惟利是圖可以爲盜即可用以捕盜似宜令地方官於附海村庄市鎮等處明張告示有能相率出洋勦捕或乘該匪等上岸併力殲擒送官驗實者除將所得該匪等軍械交官外其財物船隻併陸路上或有匪產一概給予獲匪之人充賞卽已經聽誘下海之丁壯若能設法殲擒多匪連船械等物運來投首亦准免賊爲民一體給賞其擒獲勾引助兇之會匪據有證據者亦照此辦理則當該匪行劫在塘汛切近之地官兵自可聞信趨勦或官兵未到之時丁壯亦必圖賞力捕仍須地方各官詳稽戶口妥編保甲以清續行人匪之源於各埠頭訪拿濟匪糧物於各市鎮嚴緝代匪銷贓以絕水陸勾連之路庶幾洋面肅清而地方可臻靖謐矣採訪冊

陳昌齊奏洋盜會匪情形疏畧曰臣查廣東海防舊分三路以廣州爲中路惠潮二府爲東路高廉雷瓊四府爲西路自來論海防者皆以東路爲最要而西路在所緩此蓋沿前明備倭舊說緣彼時倭人來自閩海故東路實爲咽喉我

朝炎荒恭順波浪無驚所謂海防者僅止內地匪徒潛聚肆掠中東二路爲總督提督駐

筭之區耳目親近查緝認真兵力亦較強盛一有發覺立即殲擒該匪等尙有顧忌惟西路僻在一隅聞見難周兵力亦薄而瓊廉二郡又與安南接壤可爲該匪接應銷賊之地每年八九月乘風揚帆蟻聚登岸打莊奪舍任意蹂躪直至次年四月方止歷辦有案近聞該匪自與會匪結連後水米器具有家居會匪爲之接濟掠人搶物有家居會匪爲之引導水陸交通益無忌憚濱海人民不遑安處若不及時懲創誠恐釀患日深臣未能盡悉海道情形但聞該匪等每上岸搶得男婦即貼字限日或於雷州所屬之澗洲或於高州所屬之廣州灣於廉州所屬之江平等地面泊船候贖該地面自係匪船來往避風候潮要地似可設法截勦又聞洋匪大半皆係雷州府遂溪縣堪川司所屬東海地方居民該處四面環海該匪等各冇室廬各有眷屬其搶掠銀物仍隨時攜回家中度日以故習俗相沿竟視作匪爲恒業鄰里畏其報復不敢舉首地方官慮其激變姑且因循此等處所似應設法鋤汰大抵會匪之敢於煽聚皆藉洋匪爲去路洋匪一靖則會匪之在洋者亦靖而居家入會之徒見其狡窟難恃自當默化潛消同

上

瓊州府志卷之二十

海黎志五

黎情

漢武帝元封元年畧地始建儋耳珠崖郡其地有黎母山諸蠻環居其下賈志

黎分生熟生黎居深山性獷悍不服王化不供賦役足跡不履民地惟與其類自相讐鬪有患及居民者以熟黎爲之援也以木爲弓以竹爲弦鐵鏃無羽出入不釋手以標刀爲戈以角爲甲器用土釜瓠瓢飲惟椒酒以擊鼓爲樂以射獵爲生以刻箭爲信誓以割雞爲占卜俗重復讐有殺其父祖及鄉人者累世必圖報復地產沉水香多檳榔椰子小馬及翠羽黃蠟之屬結茅爲屋如覆盆上以居人下畜牛豕衣用布縫如單被或織吉貝爲之前後下垂無袖穴其中央以頭貫之下體爲裙長不掩膝椎髻跣足插銀銅釵花幔纏頭戴籐六角帽婦人高髻釵上加銅環耳環垂肩衣裙皆五色吉貝裙曰黎補不着禪女子將嫁夫家頌至涅面之式女家大會親屬以針筆涅女面爲極細蟲蛾花卉謂之繡面女婢則否親死不哭不飯不食糯米惟食生牛肉以爲哀痛之至刳

圓木爲棺葬則舁輓而行令一人前導以雞卵擲地卵不破處爲吉穴外人欲入其地必倩熟黎爲導與貿易不欺亦不受人欺與人信則如至親借貸不吝或負約見其人即擒之以爲質枷以橫木償始釋凡負錢一緡歲加一倍十倍乃止生黎中有附居五指山側者一種名曰生歧性尤勇鷲即生黎亦不相往來與猿猴麋鹿無異焉蕭志

熟黎本南恩藤梧高化諸州人多王符二姓其先世因從征至此利其山水田地創爲村峒以先入者爲峒首同入共力者爲頭目父死子繼夫亡婦主亦多閩廣亡命雜居其中有納糧當差之峒有納糧不當差之峒性亦獷橫不問親疎一語不合卽持刀弓相向其妻當中一過卽解坐無尊卑病則槌牛祀鬼喪葬必解牛欸客春則鞦韆會隣峒男女粧飾來遊攜手並肩歡歌互答名曰作劇有乘時爲合婚者父母率從無禁婚姻不避同姓近生黎者習俗同生黎常因爭忿起釁屠牛聚衆搆生黎以爲患其近民居者直與齊民無異近多遵守王化薙髮着褲并令子弟讀書語爲黎語與瓊州言語各別各黎亦互有同異生熟黎力田歲皆兩熟并植雜糧同上

黎有生熟二種有此地卽有此人
生黎雖獷悍不服王化亦不出爲民害爲民害者惟熟

黎初皆閩商蕩賞亡命爲黎亦有本省諸郡人利其土樂其俗而爲黎者前此黎人屢叛或迫於誅求或迫於陵虐間有貿易奸徒利其香物教以背叛又使之搆釁生黎陰陽反復憑陵爲患者此黎禍之媒孽亦古今之通患也賈志

瓊山黎東曰清水峒明嘉靖二十一年編爲東黎今改開文立里甲編差南曰南岐曰南椰曰南虛曰瓊環曰南坤曰居采嶺曰平沙灣曰居碌曰居林九峒前編爲西黎都今南岐五峒編差

澄邁黎南曰南黎今爲一都二都西曰西黎今爲正都中都俱同上

定安黎南曰南閩峒地平衍民樂居之現充里甲惟光螺思河原係黎峒出沒之衝常出

爲民患蕭志

文昌黎曰斬脚峒治平已久田地丈入版圖故有文昌無黎之說會同無黎人因分縣時黎隸樂會俱同上

樂會黎曰縱橫峒北接思河光螺南接萬州青山聲勢相倚馭失其道卽嘯聚爲亂賈志

臨高黎峒曰墳營曰坡頭曰那律曰番吉曰畧邊曰番溪曰松百曰重邊八峒皆倚番豹山爲險只容一人入過此十里則西至重邊坡頭等峒南至番灑等峒前常出爲患同上

儋州黎視諸處最蕃梁隋間儋耳歸附者千餘峒卽此類今生熟凡五都曰抱驛曰黎附
曰順化曰來格曰來王宏治五年招至桐橫一處嘉靖九年招至修途打松蕃洋下台
那姪大落影打爽水頭八處東黎屬土舍峒首部領南黎屬州部領其餘自耕食力不
屬州束蕭志

昌化黎散處山谷不相統攝與民雜居不爲寇害舊有土職二員名招黎旣歸有司遂不
復領於土舍近立大員大村二峒

萬州黎西南則鷓鴣啼峒與陵水黎亭等峒潛通北則龍吟峒與思河縱橫二峒潛通不
復統於土舍常出爲害近改西峒北峒太平峒

陵水黎北有黎亭南有嶺脚嶺脚由葫蘆門而出黎亭由黎羅而出又有東北峒有大牛
嶺小牛嶺爲黎人往來必由之路常出爲寇

崖州黎地大於州其人十倍之分東西二界前屢爲患羅活千家爲甚德霞抱顯次之
感恩黎附版籍者什九與民雜居無患患在與崖之生黎切近其出沒孔道有二一自莪
茶總路分入陀輿必改一自瀘麻嶺總路分入嶺頭白沙常出爲患俱同上

海黎志六村崗

瓊山縣諸黎村峒凡一百二十有六寮
 居碌 居林 居碌南廩村 牛皮三家 家品 新寮
 加卯 新寨 加西抵灰下 死蛇 南吉平兆

南蛇 籬竹 南記 黃綠 林雷 燒鹿周敦 灣頭 三家 芥寮 水尾
 加地 加莫典 平丟 嶺倍 上下沿崗 南細 加林 黃昏 三家 孫喝

始社大社 番陀 包沒 低灰 長秀 多雷 黎東 勘寨 黑灣 鹿壯 南般
 南益 南犀 南岐 盤答 南墟 居敦 居敦居丁 下水坡 大嶺 南般

盧迪田頭 荔枝 黎瓊 籬寨 南坤峒 南蛇 白頭迎遠 塘心 居完 頭平峒
 嶺平峒 嶺平峒 陶良 黃坭 莫村 茅坡 白嶺 木棉根 番錯 尋村

大塘 木械根 桶嶺 羅村 山田 貓舌 北岸 苦籬 沙件 並鐵 荔枝
 榔扶南 鴨塘 篤牛 瓦屋 石井 籬村 沙坡 檻浦 龍教 獨田 曹村

東衡 披籬 塘田 邁葛 南柳 加凱 尖嶺 張村 龍天 石化 鴨塘 嶺上
 水泡白石 山口 張村 大木柵 加凱 宋寨 胡換 黑寮 江邊加般

深梵 番欠 居癸 田邊新 山口 山深 坡尾 黃竹 岑村
 六窩 馮家丁寨 周村 多剿 李瓜 南敲多加 黃家大峒 通志

縣城南二百四十五里至水尾汛稍西四十里入熟黎境五十里入生黎境查縣屬現有
 生黎峒四熟黎峒二廣袤共二百餘里自汛西一百六十里與臨高南豐市黎地通西
 南一百七十里與儋州志侵黎村通正南二百七十里與崖州樂安司城通中惟鳥道

一綫最險要詳見關隘東四十里按定安五指山黎界向設峒長一名統轄五峒黎總一名

哨管七名共轄生熟黎村二百一十八村軍屯外峒峒長一名哨管一名管熟黎村七

十有八南狗老村石欄新興番總水尾乾冲飛嶺坡西南結上

下溪加聚坡角門舖添新白灘官灣新村溪舖牛欄園屋代南

厚皮田檳榔根嶺平上嶺平下料寮哨官灣頭麻魚羅南里

理舖芽坡芽橋空羅園水上大塘外松嶺外松嶺內來道田排

加旨上加旨下兵談合口加林外加林內番審上番審下合兒上

合兒下高田大墩下墩羅貢從分大水大中顯加啼缺爐門頂

上針嶺苗人住下番否苗人住水上上苗

人住水上下苗人住黃驢郎住〇〇以上新村

大水峒黎總一人管轄生黎凡四十有二村孔牌福道福門元滿上元滿下

紅茂上紅茂下〇〇以上老村山琦溝加走舖福海呀舖番煙對我狗

革海夢芳平那旺呀英空弄高灘內高灘外高灘上官案上

官案下官案內呀萊坡黎打詞荔枝嶺呀老

呀愷海打雍新紅崙下民福千紅茂

大水下峒黎總一人管轄生黎凡三十六村番崙番打上番打下番獻那甘

打羊大寨打凱番否〇〇以上老村

番崙新村 黎插上 黎插下 青灣 南管 前呀上 前呀下 呀芒 番呀 呀
康 南迺 喃吡 那丸 打空 弓排 呀類 福開 坡喇 那芳 不道 呀

喃現 山村 况龍 打青香
芬香 曠馬至浸○○以上新村

小水上峒黎總一人管轄生黎凡三十有五村 番好 呀講 那任上 那任下 那辨 羅
帥下 志斬 方亮 打坡階 喃晚 喃晚上 坡好○○以上老村 羅帥上

喃成 師打 南奈 加東 坡港 坡乾 黎班上 黎班下 坡生 三脚 香
牙講 呀印 蒟輝上 蒟輝 坡班 坡生 不闊 香

下 蒟徐上 蒟徐下○○以上新村

小水下峒黎總一人管轄生黎凡二十有七村 黎婆上 黎婆下 黎婆內 黎婆外 志
喃萬 坡道 牙稿 芬甚 喃崙 坡春上 坡春下 呀無內 呀無外 那查 鹿母灣

村上新 坡道 牙稿 芬甚 喃崙 坡春上 坡春下 呀無內 呀無外 那查 鹿母灣
至猴上 至猴下 吳捧上 吳捧下 番叩○○以

澄邁黎南曰南黎今為一都二都西曰西黎今為正中都

澄邁縣諸黎村峒凡一百三十有七 探那 喃呂 新村 陶弄 大小白石 居透 求地
瓊嶺 黑險 相黑根 白水母 東清嶺 甘詔 加忽 大田 棧村 舊村 山坡 求地

嶺 黑險 相黑根 白水母 東清嶺 甘詔 加忽 大田 棧村 舊村 山坡 求地
落峒 窮詣 石榴 居白 落咀 泰魯石嶺 檀木 喃瀾 居潤

求執	泉眼	居眼	下水	坡養	牛窩	內絞	茅坡	岸村	落血
居鳳	居鶴	求他	觀遠	八温	南絞	大塘	脚貓	十五寨一	喃初
毛巴	透龍	喃沆	宋斫	宋斫新	大江	竹根晏	北乖	居岸	窮蘭
北絞中廩	大小居壘	黎獻	下水	居洪	南堀	南茂	淺石	嶺下	大小
嶺	判甕	大小居蔽	荔枝根	莊罕	山呂	山尾	花峒岸	琵琶	石嶺上
喃濫上水	細嶺	耀迓	黎村	道眼	上賈	南藝	加俸	嶺邊	南突
溪口	擊洒小	太鵠坡	及岷	和句	提喃	充遙	番縵	從初	重簿
和	麻戀具	妻存	那郎	冲潮	枕爵	催村	番乍	番那	番奴
雅岷	番多羅	雅包	雅又	譚漢	雅近	譚喃上下	又縣舊	屯後	反陣
波路	黎祭	番寨	番縵乍田	番佛	從記	番定	大那永	精縵江	居
喃	甘痛	高領	居潤祚	通志					

縣城西南一百二十里舊係黎峒明永樂間撫黎知府劉銘奏以撫黎官王朝冠等招撫
 生黎概免徭差正統間革歸有司宏治十七年副使王繼復援前例以黎圖仍歸土舍
 止令防黎納糧免差其後黎地漸歸豪民黎人歸化既久與齊民等現查其地爲西黎
 中正二都南黎正一二等都每都編爲十圖雖有黎都之名實無黎人之實惟南黎都
 之南相距十里即接連瓊山定安兩縣黎峒西黎都之西六十里接連臨高縣黎峒地
 勢犬牙相錯山峒毗連兩邑黎人多來縣境耕山伐木居止無常遷徙不定舊志述志

所載村名皆仍舊錄存今村俱改亦無黎峒可記無峒長哨管等名其扼安諸處詳見
關隘蓋防黎之備不可弛也

定安黎南曰南閭峒地平衍民樂居之現充里甲惟光螺思河原係黎峒出沒之衝常出
爲民患

定安縣諸黎村峒凡一百一十有一

- | | | | | | | | | | | |
|----|----|----|-----|----|-----|----|----|----|----|----|
| 金枚 | 居倫 | 新廖 | 下坵 | 驚界 | 外匪 | 沙田 | 高台 | 沙坡 | 坡村 | 嶺掘 |
| 箇奏 | 石嶺 | 閩浪 | 榕木 | 下水 | 下榕木 | 萬廷 | 那奏 | 坎村 | 婆村 | 奴 |
| 計 | 坡村 | 蘇量 | 李寨 | 居谷 | 竹根 | 居墮 | 麻根 | 居烈 | 李雞 | 列口 |
| 離竹 | 長塘 | 居塔 | 山林 | 林編 | 居墮 | 麻根 | 嶺村 | 列口 | 石麻 | 居蓼 |
| 王奴 | 蛇寨 | 金抱 | 郎戊村 | 丹臘 | 黃茅 | 黃口 | 透冷 | 南連 | 居鄧 | 水表 |
| 號 | 山村 | 嶺脚 | 居章 | 郎戊 | 長灣 | 黃緣 | 黃坭 | 曹掘 | 嶺背 | 樵木 |
| 潘透 | 山心 | 上塘 | 郎戊 | 南吞 | 坤骨 | 黃秋 | 曹掘 | 夢細 | 大郎 | 羅且 |
| 降 | 斂萬 | 黑石 | 中心 | 南吞 | 長灣 | 黃緣 | 曹掘 | 夢細 | 大郎 | 羅且 |
| 南汶 | 南川 | 長安 | 居座 | 馬透 | 大坡 | 大付 | 居馬 | 通志 | 北滕 | 高嶺 |
| 大水 | 黎計 | 平山 | 山村 | 水平 | 居馬 | 通志 | 居馬 | 通志 | 保加 | 高嶺 |

按縣志載黎村數目與通志同惟村名稍異蓋黎無文字語音傳訛魯魚沿謬故不
能詳考止將現存村峒名確勘另列於後

縣城西南二百一十里至太平汛又西南九十里入黎地查縣屬現在生黎峒五熟黎峒
 三廣袤約五六百里東與會同石壁嘉積市接界南與陵水寶停汛黎接界西與崖州
 樂安汛黎接界北與儋州瓊山黎接界向設有黎總七人哨管三十二人管轄生黎村
 共一百四十二

加釵峒黎總一人哨管四人管轄本峒熟黎二十有五村

加釵 隔嶺圪 荔枝頭 毛浩
 檳榔園 加釵仔○○以上老

歐村 仙母 石托

打神德 加羅肚

美多 南漢

毛漢 石蒙

善養 毛剋

大羅 毛英

大羅下 高坎

陵巴 加羅仔

咁剋陸 北居善○○以

遠

上新村

南蛇峒黎總一人管轄熟黎一十九村

南蛇上 上老村

南蛇下 白灘上

李龍 白灘下

南哭 山屯

打舊州○○以

毛

蓋 擲石 毛白 石灘

毛搖 嶺下

分界 坎巳○○以上新村

分界新村

毛進

十萬峒黎總一人哨管二人管轄生黎二十一村

十萬

南咆苞 波加

黎坡○○以上老村

毛頂 上毫

毛動 打相利

高 苦累坡 淫蕩

福德 觀朝

打架開 打谷

官婢新 南溫

黎福新 萬揚○○以上新村

朝村

官隆

中

喃嘮洞黎總一人管轄生黎一十七村
喃嘮 樹階 呀漢 番謨 暹打 呀下 官新
以上老村 番亦 風門上新 風門下新

草呀 單洋 可德 喃興 呀角 番賢
喃丁 〇〇以上新村

紅毛上峒黎總一人管轄三人管轄生黎一十五村
合辣 毛堆 暹嘍 草壁 呀寒 紅吉
化結蒙 〇〇以上老村

吉 新揚 毛匱 毛金 黑夜
咄容 嶺尾 草壁 〇〇以上新村

紅毛中峒黎總一人管轄十一人管轄生黎二十三村
紅毛中村 草蟹 萬從 毛振
番餉 那寶 籐南 喃訓

柴鎖灣 〇〇以上老村 抄柴 打寒 卜白 南勞 分搞 致外
草無南 番陽 萬送 草探 白壁 毛鬼 毛讚 茂芮 〇〇以上新村

水滿峒黎總一人管轄十一人管轄生黎二十二村
水滿 牙落 番擇 番來 班通 〇〇以上老村
牙毒 銅甲

毛細 羅眉 福建 卜通 卜嘍 毛蓋 毛孔 銅甲新
番來新 強打 羅眉新 水映 卜點 番籐 〇〇以上新村

文昌黎曰斬脚峒治平已久田地丈入版圖故有文昌無黎之說

文昌縣諸黎村峒凡三十有五
坡底 雷珠 白壇 荔枝 黃草除玖 麻坡 爽寨
斬脚 拐根爽 山烏 斬脚尾 沙埔曹家爽 多

習 多容厚 多餘 楊村 郭村 苦竹 唐來 白沙 大寨 大埔 李村 滌坡長田 買車 水
西大陂 杵村 何嚴 黃家埔 榆狗 唐來 大寨 李村 滌坡長田 買車 馬嶺寨

脚墳樟 買破
下寨苦籐 ○ ○ 通志

按以上舊志通志各村峒名俱仍舊錄現查文昌熟黎久經編入圖甲無異內地民人亦無峒長哨管名目與澄邁黎都相同故有文昌無黎之說其要隘另詳關隘會同無黎人因分縣時黎隸樂會

樂會黎曰縱橫崗北接思河光螺南接萬州青山聲勢相倚

樂會縣諸黎村峒凡五十有五

縱橫上 羅雲前 羅雲後 葵根上 葵根下 石橋
上坡 下坡 加畧上 加畧下 三令 賀賴南

賀賴北 小郎 坡尾 坡頭 黎新 石盤東 石盤南 秤溪 油梅 新寨東

新寨西 露懷 南盃 官梅 竹根小 大郎 縱橫大 黑石 竹根大 新寨南

清安 皮英 羅環 嶺抵 羅梅 上橋 下橋 新寨大 新寨小 爐雲

上石樸 下石樸 南茅 大水 小水 加歷 蒼呆 斬對東 斬對西 加石

上 加石下 黎唐
水口 ○ ○ 通志

樂會縣南北二峒皆係熟黎自縣城西一百餘里至北峒所轄六村
加六 中平 河隘
南昌 加福 三更 每

村設黎甲一名三更村與定安縣黎峒接界黎人貿易皆在定安南閩市嶺門墟諸處

縣城西南二百餘里至南峒距北峒四十餘里南峒之中又分上中下三峒上峒設黎

長一名管七村 黃村 竹根 打老驛 羅榮 招比 與定安萬州黎峒相通水土惡劣外人罕

至其貿易往來皆在萬州之中邁市中峒設黎甲一名管三村 豚村 山桂 頭 淋田 下峒設峒

長一名管五村 坡村 坡頭 斬對 仙 儒淮 中上二峒皆與萬州黎境相通以上南北二峒境東

西四十餘里南距二百餘里熟黎共四峒二十一村

臨高黎峒 墳營 坡頭 那律 番吉 畧遠 番溪 松柏 重遠 八峒皆倚番豹山為險只容一人出入過此十里

則西至重遠坡頭等崗南至番灑等崗常出為患

臨高縣村峒凡二百三十有九 南逢大 南逢小 石若 譚章 姑提 南逢 墳敗大 婆貝 墳敗 小

番任 番奠 從遠 捕役 重加 傑和 番縵 麻戀其 番奴 慢提 羅隨

牙眼 牙眼上 牙眼下 牙眼小 羅軒騫 僕盛 居締 叫梗 多

頓也 長隨 居軟 譚攬 羅傑上 羅傑下 瓦閩 畧高 武黃 公姑

武順 羅軒 喃莊村 帶馬 買湊 討憐 武喃 武龍 頭全 羅軒下

東田 甘黎 居樽 郎斂 武籠 林蛇 喃濁 喃經 皮白 邏詹 邏遠

郎舉郎逐酷 番縵羅 南暴大 南暴小 姑提奴 居嚴大 居嚴小 番郎床大

番郎床中 番郎床小 番郎床上 番郎床下 番佳 僕頭東 僕頭西 那軒龍

加效 背腰 白若 南暴小 羅穴 擅白 番益 滔爹大 滔爹小 番

抹 僕頭縵 那隄中 那隄小 疊缶 那活 那隄上 那隄下 那隄大
那隄中 那隄小 疊缶 那活 那隄上 那隄下 那隄大

那隄中 那隄小 疊缶 那活 那隄上 那隄下 那隄大
那隄中 那隄小 疊缶 那活 那隄上 那隄下 那隄大

那隄中 那隄小 疊缶 那活 那隄上 那隄下 那隄大
那隄中 那隄小 疊缶 那活 那隄上 那隄下 那隄大

那隄中 那隄小 疊缶 那活 那隄上 那隄下 那隄大
那隄中 那隄小 疊缶 那活 那隄上 那隄下 那隄大

那隄中 那隄小 疊缶 那活 那隄上 那隄下 那隄大
那隄中 那隄小 疊缶 那活 那隄上 那隄下 那隄大

那隄中 那隄小 疊缶 那活 那隄上 那隄下 那隄大
那隄中 那隄小 疊缶 那活 那隄上 那隄下 那隄大

那隄中 那隄小 疊缶 那活 那隄上 那隄下 那隄大
那隄中 那隄小 疊缶 那活 那隄上 那隄下 那隄大

那隄中 那隄小 疊缶 那活 那隄上 那隄下 那隄大
那隄中 那隄小 疊缶 那活 那隄上 那隄下 那隄大

縣屬現存熟黎二崗曰番溪崗曰阜青峒廣袤百里自縣城正南一百四十里入番溪峒

向設峒長一名管黎村凡十有四 番溪 美貓 沙江 居占 番武 羣提 大坡
水喃 番雍 巨潭 武駕 江來 江辨 蘭楊

峒之東境羣提村與瓊山縣崗相通東南十五里與澄邁縣黎通南一百五十里人生

歧界道路阻塞水土惡毒穴居鮮食不成村崗無土名可記土人亦不能至 自縣城

西南一百八十里入熟黎阜青峒設峒長一名管黎村凡十有六 抱道 返元 乾籠
那疋口 沖馬

志又 那苗 武大 武銀 那婆 打斗 距南定汛五十里距利舍司八十里東

距番溪峒二十里峒西十里即通儋州美胡黎村峒南百餘里入生歧界熟黎凡二峒

三十村

儋州黎視諸處最蕃梁隋間儋耳歸附者千餘峒即此類今生熟凡五都 抱驛 黎附 順

宏治五年招至桐橫一處嘉靖九年招至修途打松蕃洋下台那姪大落影打爽水頭

八處東黎屬土舍峒首部領南黎屬州部領其餘自耕食力不屬州東

儋州諸黎村峒凡二百有九 煙峨 途何 幾郎 過甘 大羅 牛頭 水尾

落禍 苗村 那瓦 峨郎 峨娘 峨樓 過芒 差洋 峨爹 羅不 考確

打金 可卜 系包 婆謀 峨南 峨加 和橋 甘根 兒柁

上過譚 下過譚 途邦 蓬萊 同橫 山口 過邦 大底 新洋 過譚大刺

火落窰 富盈 差番 落隸 徒板 落勿 落閉 英豪 桃華 徒雜 大

小落蔓 墟坊 逢邦 富雙 落台 喃村 那羅 和奉 過陀 徒邦 徒欽

那版 南丹 浮峨 落苗 落探 大落賀 小落窰 差橫 甘將 墳礙 南華

那版 那順 潺白 那橫 雲渠 那擔 鞋皮 那喃 番真 羅條 那橫

那版 那順 墳橫 那父爹 南新 小墳且 陀橫大 那喃 小 懷果 催誌

副濯 澤催 曹奴那紐 曹奴那勸 曹奴那累 曹奴那分 曹奴那續 催風上
 催風中 催風下 曹縵上 曹縵中 曹縵下 那勞大 那勞 南絹州 催風上
 富濁上 富濁中 富濁下 富賢大 富賢下 富寧 甘弓 那茶 富孚 波孚
 從加重伯那針 從加重伯那六 從加重伯那等 從加重伯那論 從加重伯那白吾
 從加重伯那機 從加重伯那賞 禽讚 富居 路忍 白吾大 白吾小 番查大
 番查小 墳該 銀附 抱嵩 落條 條貧 那忻 那朋 南統 南勞 番查大 茅密
 喉白 峨勾 峨律 小頭小尾 婆眉 磨凌 過仰 那當 蓬峨 峨那夏 保平 富催 車同
 過邦 峨橫 溪榮 峨玉 堡沾 浩不吼 那當 蓬峨 峨那夏 保平 富催 車同
 布曹 那納白沙 投逢打 多坤 白始 番輕 貪瑤 那吉 坎陶 那灑 牙西
 牙番 牙陞 晚吉 石村 惟圖 白勿 牙成 白平 那吉 坎陶 那灑 牙西
 鹿 逢陀 絕喃 弟茶 牙秋 牙麻 墳下勾 通三 婆骨 橫臻 南勞 正顏落
 乍 番洋 妻抱催查 落橫 落便 落閑 烏雅村 妻玉 癡歇 那
 便○○ 通志

州城北一百九十里至黎境生熟黎峒凡四馮虛 薄沙七坊龍頭每峒又分內外二峒外峒熟黎

內峒生黎馮虛七坊龍頭三峒又有霞黎苗黎襍居其中峒廣袤二百餘里西與瓊山

縣大小水黎峒接界東北與臨高縣南通汛黎接界西南與昌化縣黎地通向設黎總

四人哨管八人管轄黎村共一百六十八

馮虛峒黎總一人哨管二人管轄熟黎生黎霞黎共八十有三村呀汪 挖牙 柯嗎 長嶺 打知

高打 甕芒 禾南 柯良 柯候 打賀 打不凸 甕阜 父打甕 阜圖 白
 斧 阜許 呀爲 阜爹 阜老 南祥 郎高 呀標 必陀 牙包 落花
 朗力 花浪 禾港 邦國 至容 阜差 至慶 呀匡 知雅 柯勾 那港 踏均 柯崩 新開田 柯羊 雍雖
 類拖 雍當 跳孟 新開 幾心 幾色 酒落 坡尾 五列 頭禾
 牙 知蠶 不婁 呀卡 知否 雙拖 坡宋 方雅 喃昭 柯寧 坡尾 可否 水頭 頭禾
 水頭 ○以上熟黎 呀和 雙拖 幾心 方雅 喃昭 柯寧 坡尾 可否 水頭 頭禾
 牛 呀推 方茫 挑喃 番惡 頭麻 阜白 吞雅 呀凱
 呀喃 不道 波托 拜喃 那甲 ○以上生黎 喃勾村 ○霞黎

七坊响黎總一人哨管二人管轄熟黎霞黎凡二十有六村 打啓 路千 打威 打金

邦定 弄頭 龍風 呀經 打邦 玉華 金泊 那婁 木轟 那菜
 禾勾 禾頭 七差 從合 ○以上熟黎 尖嶺東 尖嶺西 大沙田 福我 ○以上

上霞 黎

薄沙崗黎總一人哨管二人管轄熟黎生黎凡三十有三村 南贊 痛崩 知在 知英 柯彩

柯呀 柯程 ○以上熟黎 那榜 海打 方聘 芒伯 呀義 可否 東相 呀
 和 樂吉 荔支 阜菜 阜岑 冲威 打德 狗葦 柯阜 對峨 康亮

三脚窰村 海茫 知道 南
 好 吞紐 吞貝 ○以上生黎

龍頭崗黎總一人哨管二人管轄熟黎生黎苗黎凡二十有六村 乍好 統老 可懷
 南遇 白塘 高看

打力 番應 那培 南孃 大下 那吉 呀同 知枕 南加 落牙○○以上熟
 黎 呀兵 打空 呀港 那干 打敦 洋香 呀雷 打山秧 打坡該○○以上
 生黎 打山
 苗○○苗黎

儋州又有霞黎一種即生黎之類居深山中性猛鷲如禽獸居處無屋裸體無衣足跡不履峒外故亦不為害民

儋州又有苗黎凡十村約九十餘家男婦不滿千人所居近馮虛峒附歸該峒黎總兼管性最恭順時出調南市貿易從無滋事蓋前明時勤平羅活峒叛黎建樂安城調廣西苗兵防守號為藥弩手後遷居於此即其苗裔也至今其人善用藥弩兼有邪術能以符法制人為生熟黎歧所畏服

昌化黎散處山谷不相統攝與民雜居不為寇害舊有土職二員名招黎既歸有司遂不復領於土舍近立大員大村二峒

昌化縣諸黎村崗凡三十有三

峨高

峨掠

居炭

陀外

磨庵

居律魯

那邊

峨吟

峨娘

陀查

哥炭

徒藥

無飄

南保

峨義

初血

那白

峨表

餘雍

峨他

廣香

峨吐

峨哥

上下協

峨爹

峨玉

包橋

昌化縣黎人二峒峒外爲熟黎峒內卽生黎由縣城東北八十里至大村峒內有生熟黎

共十村 又可 邦 塘村 水頭 落酒 番茄 可 坡梅 由縣城東北一百里至大員峒內有生熟黎

共六村 報版 歌枕 水尾 鴉玉 落味 二峒中惟可邦拐銷鴉玉鳥螺四村水土最惡

與生歧相接出入俱山僻小徑兩峒相距中有三叉河一道發源五指山一名崔公河

大員峒居其北大村高居其南相隔八十五里每峒向設總管一名哨管一名約束黎

衆東南與感恩縣黎接界東連生歧境南一百四十五里與崖州黎通廣袤四十餘里

共生熟黎峒二十六村

萬州黎西南則鷓鴣啼峒與陵水黎亭等峒潛通北則龍吟峒與思河縱橫二峒潛通不

復統於土舍常出爲害近改西峒北峒太平峒

萬州諸黎村峒凡九十有四 龍灣 居勞 黃籬 仙家 坡頭 四馬 番根 芭芒

陀 浮陀小 墳且 牙密 牙巴 墳盡 番郎白 那根 白包 番花 那打

調機 那堅 浮徒 白包 符花 番貢 千敲 那爹 番奴 番陳 富孝

班 牙南 甫倉番閩 那甫白 貪貝 麻江壤 墳餘 小曹縵 落乍 那班 番伊 那

那隨 遐貪閉 剛華 千斬 那甫 富羣 小富羣 符番 那喃 卑孕
 平石 窮頭 居引 南頭 加小 卑休 郭村 陳婆寮 香塘 居秋 加
 村 橋頭 大北水 菩提 高石寨 北嶺脚 番鳳 加扶 南對 排捕
 水尾 西大水 賈猛 大翁 新村 石水 西嶺 晉禮 鷓鴣啼 ○ 通志

萬州黎凡三峒三十二村西北二峒皆係熟黎惟太平峒外居熟黎內有生黎自州城北

六十里至禁嶺脚入北峒之內熟黎共八村 尚督 母子 鴨塘 溝寨 自州城西八

十里至西峒峒內熟黎共十二村 小割田 沈鵝 田心 石牙 山嶺 灣田 由北

崗入又行一百二十里至太平外峒峒內熟黎共十二村 高坡 土母 坡亮 田山 老寨 瘦田 加

番鳥 大理 加 太平 小妹 內峒生黎村不能確數亦無名可紀太平峒距西峒一百里距北

峒一百二十里距州城二百餘里西北二崗相連北峒與樂曾黎通太平崗與定安黎

通西峒與陵水黎通每峒設立峒長一名每村立黎首一名各轄本村峒黎衆三峒黎

廣袤共一百餘里生黎地直接五指山與各州縣黎均有山徑可通雖民人不能至其

處惟州城至北崗路稍平坦共計熟黎三峒三十二村

陵水黎北有黎亭南有嶺脚嶺脚由葫蘆門而出黎亭由黎羅而出又有東北峒大牛嶺

小牛嶺為黎人往來必由之路常出為寇

陵水縣諸黎村峒凡三十有一

多龍 多旺

港莫 加錢

多艾 多賢

港莫 喃油

羅渺 正站

南候 多麗

艾村 草宇

低富 保白 羅信

加餘 沙鍋

加昂 典隨

多味 北羅

七帶 低歧

到奏 喃鼎

五指 黎亭

保坎 通志

陵水生黎距縣城一百里熟黎距城三十里並歸巡檢典史管束城西三十里有歧村弓

三十五里有馬嶺弓深田弓四十里有文村弓五十里有士董弓六十里有廖二弓皆

典史屬自縣城東南五十里入梯村弓五十五里有深田弓六十里有板弓六十五里

有多味弓七十里有打粵弓大田弓七十五里有歌訓弓八十里有喃耀弓江淡弓琶

喃弓八十五里有母盛弓喃濶弓九十里有全親弓一百里有喃春弓皆寶停司巡檢

屬以上皆熟黎十弓設總管一名約束一弓之衆自縣城西一百一十里人生黎界凡

十八弓內除冲祿一弓歸崖州營束番窩一弓業經歸化外尚有母感母岸指崙亞堪

指考昂佶母招白鰲昂雅指晏昂溝指媽福安把巴寶停等十六弓環居小五指七指

兩山之間雖屬巡檢稽查然其習俗性情與熟黎異向無峒長約束其貿易聚集皆在

毛次

寶停弓有萬州營汛防巡檢俱駐札此處距縣城一百二十里瓊屬黎岐村峒惟陵水稱弓崖州亦間有稱弓者蓋一弓即一村之地居人多寡不齊統計生熟黎境廣一百二十餘里袤三百有餘里西南與崖州黎峒接界西北與萬州樂會黎峒交界現存熟黎二十弓生黎一十六弓

崖州黎地大於州其人十倍之分東西二界前屢為患羅活千家為甚德霞抱顯次之

崖州諸黎村峒凡九十有二

羅活 龍灣 鷓鴣啼 大婁 下婁 長沙 南邱 黎看 唐村 木棉被 太平 提底 大蟲 羅村

梅 加間 水表 良薑 鹽服 羅園 加拜 抱班 正站 石松 多累 羅宇 抱好 多併 多

金契 多間 黃侯 喃淫 節落刀 抱井 抱耶 抱霸 抱懷 枕橫 抱頭 盈隣 抱也 抱貪 大擁糠 黃侯 節落刀 抱耶 小擁糠 多爺 抱祚 佛樓 侯到 返款

抱到 大抱侯 小龍 多傑 多於 多整 抱改 抱繼 多港一 遷家一 喃零布打 龍村 浮村 嶺村 日村 透村 稅村 就村 砍村 講紺

翁俸 布那上 多頭 講學 而盈 布那下 瑟體 羅縵 婁止 猪母 多近 那打 足親 多來 嶺頭 礙吾○○通志

東路生熟黎村凡七十有二向設峒兵六人總管六人哨管十三人今革上下高卡把 洋賴 產菜

楚侯黎 黑坭黎 只央 抱石 喃丁 抱砲 下喃漏 上喃漏 匣材 景村 大小案 落貴 抱活 抱樣 抱拾 紅花 白山 大茅 郎落 大籠

文化

落基 落豪 抱打 陀老 抱顯 止強 晨勉 抱古 只掃 洋淋 抱隆
 抱定 抱配 石息 昂律 攔配 糞洗 小營 歧仔 郎溫 廖三 侵宇
 荔枝 熱水 募村 休羅 土檀頭 南下 竹鹿 野椰蓬 郎勇 大毛 多拋 東嶺 抱鼻 大
 力 抱棒 抱盆 只臥 抱道 抱郎 抱別 打堡 郎興 郎勇 水井 燒基地 小力 大
 只埠

西黎生熟黎村凡四十有二向設峒長六人總管三人今革 抱臘 抱雷 抱麻 抱陀 抱改 抱搭

抱打 抱蘊 抱淺 否淺 多潤 抱筭 抱懷 福抱大浩 千家 只西 頭
 塘 官坊 多港 譚寨 抱哈 只並 抱井 抱郎 落霞 抱盆 只類
 抱解 德霞 散用 漢道 新招 抱悟 抱覽
 抱山 抱內 抱牒 抱信 抱陀 石板 抱羊

峇州黎分三種曰生黎曰熟黎曰生熟各半黎生黎者即乾脚岐之類也裸體獸性穴居
 鮮食環居五指山下與民人隔絕不為人害熟黎者歸化既久之黎也飲食衣服與民
 人同惟束髮於頂其俗未改日往來城市中有無相易言語相通間有讀書識字者其
 戶口編入圖甲有司得而治之故亦不為人害生熟各半者謂可生可熟之黎也治則
 為熟黎亂則為生黎其中亦分兩種曰大檐小檐大抵富者為大檐貧者為小檐平時
 耕田納賦聽官約束與熟黎同然性嗜酒好鬪常挾毒矢鈎刀以自衛睚眦殺人若被

漢奸盤剝欺侮忿不能堪輒手刃之官吏不察輕遣兵差勾捕或所使非人因而騷擾之彼卽負嵎思逞群起相抗遂爲生黎崖州黎人如此者十居其七且與民襍處黎峒中有民人民村中亦有黎人不能分其畛域約計三種黎人其衆多於民人一倍州治東西北三面皆崇山峻嶺南濱大洋東西距五百三十餘里民人皆居惟環海一綫而已其餘皆屬黎山山凡數十重每過一重稍有平坦之處黎人卽編茅居之或數十家數百家相聚爲一村亦名一弓有衆至千餘人者爲大村其小者僅止數家屋宇遷徙不常村落聚散無定所耕田在是卽居於是日久地瘠則去而之他故村峒土名數年間數遷數易其地不可考也其山則深林密箐有行兩晝夜不見天日者或懸崖阻絕毒泉瘴霧無徑可通黎人躡捷如猿往來甚易其道里遠近非有亭埃可稽也自州城入黎共有三路按定方向經由某某汛至某村若干里一以塘汛爲準雖係約畧之詞然核其地勢遠近亦無差誤以崖黎每常滋事進兵道路宜預爲籌度故紀之特詳

東路出州城東關市東距十五里有南山門汛又十五里有深溝汛又十五里有中伙塘又五里有燒旗溝塘又十五里有下馬嶺東有汛房一所嶺北皆黎村最大者爲過嶺

紅毛
X 村黎衆至二千餘人又東三十里有三亞市附近熟黎雜居市有汛房一所爲東黎扼要之地又東十五里有坡頂汛又三十里有小橋汛其地水土最惡又東十五里有迴風嶺嶺上一望滄溟無際爲官民入崖大道嶺極高與諸黎山相連鳥道盤旋曲折幽邃不見天日附近居者皆半生半熟之黎最大者爲抱賢野椰大毛等峒皆千餘人嶺西有籐橋市永寧司巡檢一員崖州協陸營千總一員駐札防守附近生黎最大者曰抱浩曰郎溫二峒內分十二弓其餘小村峒甚多又東十里過燈籠田與陵水縣黎交界

北路出州城東北數里土名大坡田後皆係黎村十五里至溝口汛通東路卡把諸黎村正北十里有龍潭河過河即洋淋大嶺嶺北爲洋淋村道光九年村中黎匪作亂至今頑梗不納丁糧遂爲生黎又北即五指山之陽生岐居之人跡罕到自城西北二十里有沙埋渚距抱臘等黎村又十五里通西黎爲往來要路五指山後卽定安縣紅毛嶺生黎

西路由州城西關西距三十里有酸梅汛又北四十五里有九所汛樂安司巡檢移駐

於此又轉西北八十里有油柑坡又北二十五里兩山對峙中有石門黎人為亂往往據此守之詳關隘又北二十五里有樂平汛又五十里為樂安城前明既平羅活諸崗以其地為城舊有巡檢司今移九所近城熟黎大峒如官坊頭塘多爛多渴抱由德霞等村多者千餘家少亦七八百家素皆強悍勢不相下城內民黎錯處互相貿易易啓衅端文武官控制得宜方可無事九所汛西距十五里有望樓汛又西二十五里有黃流汛又五十里為佛羅市與感恩縣接界以上東西二路黎村共一百一十六黎境袤長五百餘里熟黎向歸里長管轄生黎及生熟各半黎舊設有峒長哨官等名田黎人自行保充後有不肖紳民假名混保快其所私以致黎眾不服因而滋事今已革除感恩黎附版籍者什九與民雜居無患患在與崖之生黎切近其出沒孔道有二一自我茶總路分入陀輿必改一自喃麻嶺總路公入嶺頭白沙常出為患

感恩縣諸黎村峒凡四十有一
 栽茶 陀寧
 拂顯 抱道
 峨顯 也皓
 那邊 皓白
 峨陸村 抱白
 陀皓 大定
 雅也 抱透

陀牙 羅橫
 比道 抱萬
 峨詐 抱區
 峨動 大道解
 抱蔓 陀賴
 陀橫 符若
 抱陀 陀達
 比鮮 滴漲
 比言 陀淺
 也逆 曹咬
 陀累 陀

烈也道 小抱解
峨傾 抱道 峨淺口

感恩熟黎凡三峒 樓峒 王峒 古鎮州峒 自縣城西北一百餘里入古鎮峒內有黎村十八峒南曰

陀類 陀峨 陀乍 魚龍 布套等村西曰冲忿 羅旺 赤浩 陀蠻等村由赤

浩經小陵嶺出北黎市為本峒出入要路北曰峨溝 火坡 廣埧 毛弄諸村東曰

中方 東方 西方 舊村 亞耀等村周圍一百一十里羅旺村西方村與昌化縣

樂妹黎村相通東接樓峒抱白村南接王峒陀興村三峒昆連中有大河道可通昌化

自縣城東北一百餘里入樓峒內有黎村十五峒南曰抱白 抱蔓 抱恩 抱道諸

村東曰抱冲 只寧 只尾 佳腮 抱跳 抱萬 冲峨等村北曰抱定 峨樂諸

村西曰江邊 佳叨 富蘊諸村周圍九十里抱定村北與儋州伯王崙黎相通只寧

村與崖州得夏黎村相通自縣城東一百餘里至王崙內有黎村凡六峒東有峨葉村

西有陀興浩壁二村北有峨茶村南有陀隗只浩二村周圍一百二十里介在樓峒古

鎮州崙之間每峒各有峒長每村各有黎總約束黎衆以上生熟黎地廣袤九十餘里

共三峒三十九村

按舊志村峒止載數處通志詳記各土名均未分別註明某峒轄某村若干緣生黎生岐穴居野處不成村落熟黎亦遷徙不常或黎語有音無字水土極惡漢人所不能至徒得之熟黎之所傳聞恐多參差即如各州縣志有數十年之舊本通志則道光二年新修所載村峒名今昔懸殊名目迥異今閱十六七年又傳易舊名蓋有土音相近字畫相似因而傳訛者有名仍舊而地實非者有一村分而爲數村數村合爲一村名已改而地則仍故者其更移之跡無可確查此次查勘止就人跡可至之處考其方向道里土名四至並黎與黎交通處所一一詳載生黎訪未確實者不敢爲臆度之詞蓋毫釐千里竊恐貽誤將來故現載村峒名目與通志今昔不同其生黎村峒或有未備茲取通志舊府志所載村峒名仍列於前各州縣志大同小異者不錄而現勘各村名道路附紀於後以備查考其互相差異者不敢強爲牽合欲求徵信也

瓊州府志卷之二十一

海黎志七 關隘

瓊山縣

水尾巡司在縣西南二百四十五里雍正八年設水尾汛鎮標右營派防把總一員兵四

十名為防禦要汛舊志有石山巡司在縣南七十里明洪武中置今裁

大清一統志

縣志有

感恩英田二柵在縣西北十里明洪武間設方輿紀要有居缺洞在府西界又云縣有

九峒而居野居缺為最大周百二十里今查縣境二柵已廢亦無居野居缺二崗名阮

通志

榮木山門在水尾柵西南四十里為南黎西黎五峒出入總路西通儋臨東接定安兩山

對峙若門戶倘遇行兵宜於此地守險設伏扼其咽喉與水尾柵互相聲援採訪冊

紅茂生黎村在縣南三百一十里距水尾柵二百七十里東通定安紅毛峒西通儋州龍

頭等峒南通崖州樂安城北即五指山麓民人罕至其地若於此村開山鑿路南北不

過百餘里東西三五十里始得直捷而十字之形成矣同上

水會寨在縣西南三百里明初建立大坡寨防守居祿居林沙灣三崗萬歷二十八年設

水會守禦千戶所於水蕉村築城設參將鎮守城

大清一統志

考其地當在今瓊山定安之

間明兵備林如楚議開十字路謂此城東達萬陵西通儋感南出瓊定已成丁字之形
今查城久圯廢故址猶可訪尋惟東西二路並無直徑可通儋感萬陵或當時初開有
徑尋就湮沒據今地勢則不若紅茂村爲適中要道開十字路於此更近採訪冊

金拋嶺在水尾柵東二十里

加潘嶺在水尾南七十里

五指山在水尾南七十里

員滿嶺在柵南三十里

那辨嶺在柵西南二百二十里

紅茂嶺在柵西南二百七十里

管門嶺大山嶺在柵西四十餘里

以上諸山皆生黎居之

插旗嶺至合嶺在柵西三十餘里

高山嶺在柵西南一百二十里以上諸山皆熟黎居之

水道三俱發源於五指山一由定安入本縣境為北冲河一出儋州一經澄邁臨高入海

俱同上

澄邁縣

西峯寨在縣西五十里西去臨高縣七里宋政和間瓊管帥郭華請於澄邁置西峰寨臨

高置定南寨以阻扼黎人由是道路無梗大清一統志今西峰寨已廢其地熟黎久編圖甲

採訪冊

澄邁巡司在縣西北十里明洪武中置今因之但為防黎之責舊志尙有兔穎巡司在縣

南一百六十里銅鼓巡司在縣西南一百一十里皆洪武中置今廢大清一統志

那拖市在縣西南十里元設那拖捕巡司明萬歷中移於縣西六十里森山市今裁阮通志

而森山市猶存

定安縣

五指黎母諸山在縣南四百餘里黎人環居山下內爲生黎外爲熟黎熟黎所居已阻且
深生黎之巢人迹罕至唐乾封中黎母山賊陷瓊州據之貞元九年州始仍爲唐境元
至元二十八年黎叛闌里吉思等討平之空其巢穴勒石五指山洪武二十年亦嘗大
舉師徒攻毀巢峒登黎葵山嶺二十八年崖州黎復叛大軍進討直抵巢穴而還廣記
議者嘗以五指山居州邑之中爲吾內患宜於兵威削平之際開十字大路大約以道
里計之自府治至崖州千里而近自儋州至萬州六百里而遙此四至徑一之大凡也
細數之自府治至沙灣三百里而遙自崖州至羅合三百里而近俱爲坦途矣度其中
未開道處石過二百里若大集軍民土兵通力合作相其谿壑測其險阻假以數月而
瓊峴之路可由黎峒中行矣儋萬視此其工又殺焉方輿紀要

太平鎮在城南一百五十里舊設青寧巡檢司在縣西馬羅市康熙二十三年移置隆門

市雍正八年改設太平汛

大清一統志

移駐太平建柵復置太平汛鎮標左營派防千把一

員兵四十名與思河光螺二嶺熟黎接界爲諸峒出入門戶今黎人歸化日多南距五
十里始入熟黎境又一百八十餘里始入生黎境如遇行兵此地可屯糧置寨採訪冊

統志云舊有寧村巡司在縣東南六十里明洪武中置今裁

積背營在縣南境志云縣境思河光螺峒水雲嶺背等村黎嘗搆瓊山縣境內諸黎為患

因設南倫營防守明嘉靖十三年勦平改設今營

廣東輿圖

茲查舊營已廢尚有嶺背市在

光螺都距縣二百里與瓊山水尾黎交界為西路防黎要隘採訪冊

海忠介言黎峒地四方僅可三四百里不及羅旁三之一誠能以兵三五萬縱橫其中勢

同壓卵蕩平之後伐山開道立州縣以治之移一二屯所居南流清寧等處以守之不

過數年可使盡入版籍化為編民其亦王者無外之舉也所云南流清寧即今太平嶺

背等處同上

南閩蠻亦名三尖嶺在城西南二百里高千餘丈連緜百餘里熟黎環居其下此處設有

營汛

廣東輿圖

南閩峒地夷曠民樂居之現充里甲惟光螺思河原係黎峒出沒之衝時為

民患

郡國利病書

今縣屬生熟黎峒地廣人稠四通八達居五指黎母之間自縣東南九十

里入南勝峒與萬州樂會黎峒通西南一百里為南蛇峒與儋州黎通水滿峒與感恩

黎通加釵嶙與陵水寶停黎通十萬峒紅毛嶙與崖州黎通故縣屬諸峒皆防黎扼要

之所全郡安危繫之而加釵紅毛十萬三崗尤險惡進兵不易採訪冊

嶺門汛在嶺門市南二十五里自郡城東南九十里至山門舖又八十里至山馬市又七十里卽嶺門汛爲入黎要隘自汛南經熟黎境五六十里至生黎界有小徑可穿黎山而行過生黎番陽魔鬼兩大村凡四百餘里直至崖州樂安汛城山徑險仄不能容車馬行者須僱熟黎一人爲鄉導率裹糧攜水而入山中物切勿入口其番陽魔鬼兩村生黎極衆田土平曠近多文昌貧民潛往砍籐取香遂通此徑惟水土極毒若行兵宜從此偵探並設兵防堵使不得勾通諸峒最爲要害

水道四其一發源大五指山東南經加釵紅毛諸黎峒而至南蛇峒其一發源於黎母山之東出感恩黎峒仍折入南蛇峒二水合流北經思河南閩諸嶺而至樂會爲萬全江至會同爲多河江入海其一亦發源五指山南經黎峒數折出臨高瓊山復入縣境是爲建江其一發源南閩嶺北經縣城名喃白溪與建江合流出瓊山境入海俱同上

文昌縣

焚艘鎮在縣西北九域志縣有焚艘一鎮蓋在焚艘山下故名大清一統志

④ 白延架營在縣西南防漸脚峒黎羊賊志云縣境村崗凡三十有五處方輿紀要今有白延村

其地已為民居採訪冊

會同縣

銅鸞鎮在縣東南十五里舊有巡司今廢方輿紀要

按會同無黎舊志云分縣時黎崗皆隸樂會然南接樂會北峒熟黎西連定安水滿南

蛇二峒生黎嘉積以南時有黎患尙應防守採訪冊

樂會縣

樂會關隘有挾勢波沙牛壩郝通志

豬母營在縣西一百五十里乃縱橫峒及定安思河光螺咽喉之所自縣入黎境此為門

戶明初置營守之今裁大清一統志豬母營在縣西南防守加畧中心等村生黎又有沙牛

壩營防葵根水口等村黎皆撥民兵戍守方輿紀要今查其地在縣西一百四十里據定會

萬樂之中樂縣城入黎地此為要隘宜分撥萬州營兵防守如遇東路黎人滋事則屯

重兵守此四面進兵聲息皆通且道路坦平水主不惡可以久駐營寨採訪冊

風門嶺在城西南七十里高百餘丈上有瀑布懸流諸黎出入咽喉之地南屬萬州北屬

樂會廣東與圖

俊口距縣城西一百數十里居南北二崗之中北即豬母營爲入黎隘口向無汛防今由縣捐僱民壯並移撥萬州營兵二十名每年冬季設卡防範至次年正月撤回偷黎人滋事分兵守此山口可以遏寇抄之路由此進兵直達五指山下道亦寬平採訪冊

上水灣 中水灣 下水灣距縣城一百餘里居南北二峒之中諸黎必經之地有閒道西通定安五指山下生黎東通俊口豬母營要隘一水迴環如塹外連大江設遇黎人爲患宜分兵屯此與俊口聲勢聯絡所隔絕南北二峒使萬州定安兩路黎不能相應三更村在縣西北一百十里北峒熟黎所居與定安紅毛生黎接界村北即嶺門市二縣生熟黎與民人貿易皆於此聚集若黎人滋事先扼要守此村則西路各州縣黎尙不能會合

打老駟村在縣西南二百餘里與萬州黎接界水土最惡村南即萬州中邁市民黎出入貿易必經此村如用兵入黎則先取此村斷其右臂使東路萬陵諸黎不得應援

三道嶺在北崗三更村內跨連定安南閩思河諸黎

吉嶺加畧嶺力穩嶺俊口嶺皆在縣西一百餘里熟黎居之與定安生黎錯處外接會同

縣民村

金鷄嶺在縣西八十里入黎要路嶺西即豬母營

六連嶺在縣南九十里與萬州黎接界爲南峒後戶用兵時宜防堵民黎出入

水道二一自定安入縣境黎峒經柳子市東繞縣城入海爲萬全江一發源五指山自東

折而北與定安合流繞西南出萬州復歸縣境八萬全江迴環萬樂黎境中四百餘里

俱同上

臨高縣

南定營在縣西南一百里舊志明萬歷十七年置於番豹山復移居蹄村更名南畧營

國朝復名南定汛

大清一統志

儋州營撥外委一員兵四十名防守採訪冊

博頓營在縣西博頓港口外達海濱內接黎境舊有儋州營弁兵防守今移駐海頭港改

歸水師名海頭汛其博頓舊汛改爲墩由石牌汛分兵防守同上

那零營在縣南又南有屯建營俱防生熟黎人劫路今廢通志

和舍巡司在縣北二十里明洪武中置博舖港巡司 國朝雍正十二年改名和舍司

大清
一統志 職專稽查民黎出入據阜青番溪二峒之中採訪冊

番溪崗距縣城一百四十里內黎村凡十有四而番溪蘭揚二村皆入黎要路山徑險仄水土惡劣蘭揚市爲生熟黎與民人互市之處黎人出入必由之路昔時土匪黎賊往往竊發宜設卡撥兵巡防

阜青崗距縣城一百八十里內村凡十有六俱係熟黎附近民村其入黎要路則南豐市爲關隘總口如兩路黎匪滋事宜以重兵扼守與僧之調南市相爲犄角俱同上

舊志有定安巡司在縣東三十里明洪武中置正統中省又田牌巡司在縣南十里亦洪

武中置今裁 大清
一統志

林司峒在城南八十里舊設有土舍分兵汛守廣東今廢亦無林司峒名

水道一發源五指山二百里至縣屬番溪峒百步口東流出澄邁新江歷定安建江經瓊

山境達於海其餘黎山之麓多小溝澗泉分流諸村俱滙同入海採訪冊

儋州

州外環瀛海內扼黎狸襟帶瓊崖至為唇齒

方輿紀要

歸姜寨在州東北四十里明洪武初置巡司於此尋廢宏治中復置寨又田鴨寨在州西

南四十里亦宏治中置

大清一統志

山石寨在州界或化五年七坊峒黎符那南叛官軍討之憑險阻不下既而破其上下多

那山口砦追擒之於落賀州并平其黨姜花等峒

方輿紀要

薄沙巡司在州西南八十里明洪武中置安海巡司 國朝雍正八年移置薄沙汛舊志

有鎮南巡司在州西南四十里明洪武中置今裁

大清一統志

馬蝗山在州東三十里以形似名俗傳漢將曾屯兵於此蓋其地嘗為戰場也

方輿紀要

調南市距州城九十里自調南市東南三十里至那浮舖又十里至鎮南市二十里至黎

境為七坊峒龍鳳村自龍鳳村六十里至馮墟峒呀汪村自呀汪村六十餘里至薄沙

峒狗革嶺自狗革嶺入薄沙內峒與瓊山縣黎大小水峒接界計一百餘里以上諸處

皆防禦要害之地而調南為入黎之總隘四峒生熟黎出入貿易亦必由此道光十三

年黎賊爲亂官兵由此征進嘗設營屯駐數月今儋營薄沙汛撥千總一員兵九十名
防守乃儋州防黎第一要隘探訪冊

堆峨嶺狗革嶺二山相對如門戶相距三四十里山前即南豐市屬臨高縣今爲南定汛
儋州陸營撥把總一員兵九十名駐防距州城一百四十里自南定汛至龍頭峒那排
村八十里與薄沙外峒交界崇山峻嶺惟鳥道一綫可通乃馮墟龍頭七坊三崗鎖鑰
要地生熟黎出入必經之路若用兵入黎當以此爲扼要宜以重兵守之附近落呀村
那白口兩處亦有閒道可進兵落呀村可札營戍守是儋州黎境之險要者也

海頭市距州城一百四十里舊設安海巡檢司後裁今統歸薄沙巡檢轄外通居海港入
接黎岐諸峒出掠此爲至近入七坊峒之坡尾水頭二村凡一百一十里與昌化縣黎
交界爲儋崖昌感諸黎及客民貿易之區此亦民黎交錯之要隘向無營汛道光十六
年將博頓汛弁兵改爲水師移駐於此

田頭市距州城六十里東至黎之大炮市新洋市四十里入黎境經峨口打賀打表下河
邊諸黎村共六七十里至七坊峒內樂洒村南距一百餘里與馮墟崗接壤民人與黎

岐交易往來皆由此道黎賊出掠亦必由此道入民村外瀕海港又爲客舟漁艇屯聚之所海黎滋事首先被禍乾隆間數被擄掠道光十二年又罹黎患宜撥兵勇設卡防堵此又海黎兼備之要隘也

王五市距州城三十里南至大營市二十里自大營市入黎境之落苗村四十里有青白嶺三十里至七坊峒有尖嶺又八十里與馮墟崗交界州治入黎諸道此爲至近若進兵黎峒此其一路也

水道四一自沙鍋嶺發源經那大市興潮市長坡市繞州城北由新英港入海一自筆架嶺發源經催鹿市調南市王五市合新英港入海一發源於催烟狗革二嶺之間經馮墟崗七坊峒由海頭港入海一發源於掛榜山經永昌市將軍市抱舍市至各水河分支流散入臨高界出海俱同上

昌化縣

德霞砦在縣東南地勢平衍黎賊巢於此嘉靖十九年斥奪其地議建城邑既而中止二十八年黎復叛議者復請建城砦於此據其膏腴仍由德霞沿漢水以達縣治

方輿紀要

三叉河口距縣城八十里爲河水分流之處縣屬黎人出入要區東北諸黎村俱由此道出與民人通市東南黎村與感恩縣黎交界如遇黎岐滋事此可設營爲進兵總路採

訪冊

水道三一由五指山發源分流至縣西南入烏坭港入海是爲崔公河一發源於松柳嶺經落味嶺出感恩縣東南界入海一發源於坡梅嶺經三角嶺永安塘新港塘由海尾港入海同上

萬州

蒲葶營在州西北防鷓鴣啼等村峒黎最爲襟要又南嶺營在州西其相近有黃坎改林抱打羅透表羅眉無俗等村黎爲患特設官兵戍守之云州北有沙牛壩營防迤北龍吟青山與樂會縣縱橫高葵根水口等村諸黎今亦見樂會縣馭北營在州西南隅州境與陵水縣交界午嶺海灣路口諸黎又有鎮南營在州東南其相近有南港蓮塘蓮岐大塘新潭諸港澳俱海寇出沒處設兵瞭守宋志云州境有買扶諸峒黎舊嘗梗化

端平初效願

方輿紀要

龍滾巡司在州黎地寶停汛雍正八年設舊有蓮塘巡司在州東宣義都明置見輿地考

大清一統志

萬州舊有民黎九都熟黎九十三村西南則鷓鴣啼峒與陵水黎亭等峒潛通北則龍吟

峒與思河縱橫二峒潛通不復統於土官時出爲患

郡國利病書

岐崗在州西北岐人所居岐人又在生黎之外亦有生熟二種在五指山中歷代不賓黎人懼之隋志所謂龜也永樂三年曾設土官統之尋革宏治中始爲寇正德七年官軍討之不克嘉靖以來嘗爲寇暴黃氏曰黎外有岐黎所懼者岐也生岐疆界由瓊抵崖不過三百餘里自儋達萬不過二日餘程俟彼三八月饑荒分兵四面開示信義彼必聽從乘此開路可立衙門岐旣從而黎伏矣

方輿紀要

坡心汛距州城六十里爲北崗要隘向設弁兵防守故無黎人外出劫掠近年黎匪滋事往往由禁嶺脚越出爲患今已於禁嶺脚添設棚卡冬季由地方文武派撥兵勇堵截外來黎匪最爲扼要探訪冊

長沙汛距州城八十里爲西峒要隘舊有弁兵駐守州屬黎人向稱馴帖近有外黎侵擾

每由汛東土名清明田地方潛出今已定於冬季添設棚卡派撥兵勇防堵西北二路
以上二處防範宜嚴

水道五一自禁嶺發源流經青山墩入海一自坡心汛流經大宅園入海一自牛漏市流
經后安市入海一由三水市流出爲踢容河又經西門塘入海皆發源於大五指山至
州境始分支流爲四俱同上

陵水縣

寶停鎮在陵水縣 國朝雍正八年自萬州寶停汛改歸陵水今設有巡檢司

大清一統志

牛嶺鎮在縣北二十里有巡司通志司在萬州陵水間爲海灣平陽之地多盜賊爲腹心
患司南有地名南尙議建鎮南營於此增設官兵并移牛嶺司佐之司北有地名楊梅
議建馭北營於此亦增設官兵并遷蓮塘巡司佐之庶官民商旅往來可以無患云海
防志縣舊有苗山巡司

方輿
紀要

絡索營在縣西北有官防挑油信味山澗打索朝纏凡遐等村黎又有鴨塘營防壽山蘆
嶺諸黎最險惡又合水營在縣西其相近有白水回峯番扒若那龍等村黎爲患特設

官兵戍守又縣東南有水口黎菴等港門海寇易入皆撥兵瞭守同上

南邁嶺在城北二十里高二十餘丈下有南邁營廣東與圖

獨秀山在縣西南一里一峰突起亦名文筆山又小五指山在縣西南一百里生黎峒中與崖州接界脈接黎母山屹立數峰黎人環居其下有溫郎嶺脚二崗外險而內夷明嘉靖二十八年科臣鄭廷鵠言溫郎嶺脚實萬州陵水之衝大軍攻黎賊必合二峒以擾我陵水當分奇兵出此使二峒賊自救不暇然後大兵直擣崖賊巢穴黨渙勢分可以得志是也又加枕山在縣西界宏治十三年黎亭尙黎陳那洋等作亂官軍討之至

加枕山進兵大播山賊平方輿紀要

縣北有黎亭南有嶺脚嶺由葫蘆門而出黎亭由黎羅而出又有東北肖有大牛嶺小牛

嶺爲往來必由之路黎人時出遮道爲寇郡國利病書

大坡營距城四十里白茅營距城六十里兩營相距二十五里爲黎人出入要區前明嘉靖間都御史蔡經調兵十萬進剿黎亭嶺脚查黎亭卽大坡營在縣西北嶺脚卽白茆營在縣正西中隔大溪今每營撥兵四名防守縣屬各弓黎人必經此出與民人買

易可屯兵設營爲東南諸州縣熟黎關隘至縣屬生黎則以寶停柵爲要害採訪冊

水道二一自全親塘嶺下發源流經馬嶺弓白茅塘爲北關大溪由水口港入海一自亮

一圖土山發源流入大溪分經大坡營土名溪仔又合大溪水歸水口港入海同上

峒州

州山林環繞黎獠錯雜屹峙海濱最爲艱遠嶺表之絕徼溟南之輿區也方輿紀要

州有迴風門迴風嶺三亞港諸關隘郝通志

朱峒軍鎮二熙寧六年省吉陽寧遠二縣爲鎮臨川軍東八十里籐橋軍東一百里鄉二

九域志

籐橋鎮州東二百二十里有巡司方輿紀要

合水營在州東與陵水縣接界又牙力營在州東北皆特置官軍防羅活千家多關等黎

賊嘉靖二十八年大征遺黨無幾今營廢同上

樂安營在州西北一百五十里地名爛紅溝明萬歷四十二年設築城周四百丈又樂平

樂定籐橋小橋共五營 國朝撥千總駐樂安營分防樂平營汛又撥把總駐小橋營

分防籐橋諸汛

大清一統志

羅活砦在州東北其地膏腴黎賊嘗據此曰羅活峒嘉靖二十八年黎叛議者謂當於此處建立州縣設耕屯且由羅活歷漸開路以達定安使道路四達以懾奸萌云其最著者曰羅活曰抱宥曰多澗曰千家而千家尤密近官道為諸黎門戶成化末嘗征定之

正德初復橫尋討平於是州境少事

方輿紀要

樂安巡司在州樂安汛舊設有抱歲巡檢司在州西七十里 國朝雍正八年改記

大清一統志

永寧巡司在永寧鄉籐橋市舊有通遠巡司在州西一百三十里郎鳳嶺下即宋通遠縣

地 國朝乾隆五年改設

郎勇城在州東北八里黎賊出沒之衝明正德中知州陳堯恩築城募兵防守今圯

俱同上

三亞山口距州城九十五里為東路熟黎地山下有民村曰羊欄村土名大段坡平原廣

闊土水不惡可屯兵駐營如州東黎人有警即由土壇頭汛溝口汛一路可入黎峒接

應糧運皆便由此退回州城亦屬要道城當東黎之衝最關扼要採訪冊

油世坡距州城一百三十里又西三十里有石門兩山對峙如門中間仄徑可通最為險

要向來黎亂往往先據此險過此有平坦地周圍可十餘里可安營寨如屯兵於此必
分兵守石門以便策應勿爲黎賊所得從此經抱臘山口直入黎峯退則由樂平汛抵
樂安或由抱蘊回州城均屬便利此州西入黎之要路也

榕尾山距州城二十五里山北向設汛防有崖州協陸營把總駐防與溝口汛俱橫插黎
地使東西諸黎不得連合據其腹心最爲扼要昔年峴黎叛亂此地洋淋諸村恒爲首
惡以中有腴田數十頃黎人耕之戶口蕃庶物產豐饒爲西北諸大峒憑依之所黎賊
必偷越此路外出劫掠偵探道光九年至十一年張紅鬚等據洋淋樹柵爲亂若此路
進兵必由榕尾然中隔洋淋大嶺當於落基落豪一帶熟黎地擇形勝分立二營樹柵
屯守以爲退步蓋此處山深林密易藏伏兵黎所恃者險耳宜用鈎刀闊斧隨砍隨焚
開通道路步步爲營進可破敵退可自守方爲萬全上策

水道二一自官坊黎村發源西經抱古汛奉養斗只強等黎村滙爲龍潭又過落基落豪
兩村經榕尾山口與募黎水合又繞州城折而西入保平港歸海一自募黎抱龍兩村
發源經溝口田間與官坊水合復分繞城東折而南入大蟹港歸海俱同上

感恩縣

延德鎮在縣東南八十里有巡司因廢延德縣而名或云縣蓋置於此又縣門港在縣南

志云縣有南港嶺頭白沙南北溝諸處皆有官兵防堵黎賊又黎港在縣西北縣南又

有抱架港白沙灣皆濱海水深寇船易入撥兵哨守

方輿紀要

小黎母山在縣東一百五十里脈接黎母山至此山峯特竦崖石崎嶇人跡罕至群黎環居其下元時討叛黎嘗駐軍於此今石刻猶存又黎虞山在縣東五十里山高廣黎人虞獵處也同上

南港村距城六十里村之中段地名嶺頭塘有東西兩巖下有溝二上名雙溝夾岸皆崇山毒箐人跡少至崖州生黎時越九炳山得夏村至此潛伏溝旁或兩山險隘處以鈎刀毒矢伺劫行人甚或出掠民村得卽驅去今設棚卡添撥兵勇防堵此爲感恩防黎要害其餘東北境有小嶺農飢高地等村東路有陀乍陀興白穴等村東南路有漸厚村皆黎人出入門戶亦縣屬安隘宜分兵巡防採訪冊

水道一一發源大黎母山流入昌化大河出海爲昌感兩縣分界一由昌化大河分派而

瓊州府志卷之二十二

海黎志八

防黎

撫黎附

吳

孫權欲遣偏師取諸州及珠崖以咨陸遜遜上疏論止

梁陳隋

譙國夫人馮冼氏世為南越首領壓服諸越收降僧耳歸附者千餘峒

唐

中宗時宋慶禮為嶺南採訪使時崖振等五州首領更相劫掠慶禮身臨其境諭以大義

皆釋仇相親

宋

太平興國間李崇矩為瓊崖儋萬四州都巡檢使黎賊出擾崇矩悉抵撫慰以已財遺之

衆皆懷附

至和中有黎人符護者邊吏嘗護其婦婢十人還之符護亦嘗犯邊執瓊崖州巡檢慕容允則及軍士至是以軍士五十六人與允則來歸允則道病死詔軍士至者貸其罪

通志

政和間筦帥郭華乞置澄邁西峰寨臨高定南寨以防黎人由是道路無梗

宣和間儋人陳大功招撫符元亨等三十餘峒黎人貢補元亨等承信郎誥令其子孫各以官名承襲世爲峒首大功亦補下班祇應官至融州巡轄

紹興間瓊山民許益爲亂黎人王日存母黃氏撫諭諸峒無敢從亂者以功封宜人

乾道二年從廣西經畧轉運司議詔海南諸郡守倅慰撫黎人示以朝廷恩信俾歸我省地與之更始其先逃居黎峒之人能來歸者免其逋賦復其租

五年詔守倅能慰安黎人收復省地者量功立賞其任內有侵犯省地失地及民者亦有

重罰

六年黎人王用休爲亂權萬安軍事同主管本路巡檢孫滋招降之

九年八月樂會黎賊劫省民焚縣治黎人王日存王承福陳顏等招降之瓊管安撫司上

其功借補承節郎子孫襲職彈壓邊地義兵統制黃文廣屢戰有功賞以澄邁縣
巡檢權移樂會縣轄制黎人其省民久陷歸業者并蠲其賦參通志

淳熙元年十月五指山生黎峒首王仲期率其傍十峒丁口一千八百二十人歸化仲期

與諸峒首王仲文等八十一人詣瓊管司顯應廟斫石歃血約誓改過不復抄掠犒賜

遣歸瓊守圖其形狀衣製上經畧司

文獻通考

二年萬安軍黎蠻竊發經畧司選靈川令黃疇若籌畫招捕事宜

八年詔三十六峒都統嶺王氏女封宜人初王氏居化外累世立功邊陲皆受封爵紹興
間瓊山民許益爲亂王母黃氏撫諭諸峒無敢從亂者以功封宜人至是黃氏年老無
子請以女襲封詔從之

嘉定九年詔宜人女吳氏襲封統領三十六峒是年管帥韓璧出入阡陌勞來不倦期年
化成黎人感慕願供田稅

十二年正月樂會縣白沙峒黎人王邦佐等率衆五百人爲寇殺掠官軍保義郎陳升之
撫降其衆俘獲林智福等瓊管司上其功

十六年瓊管司言大寧砦人黃弼沈鷺有謀遠近推服詔以弼補承信郎彈壓本界黎峒
末年崖守周邨遣熟黎人諭撫得五十餘峒出入城市貿易

慶元初通判劉漢修崇郡學講明道義激歎生徒延師訓導黎獠亦遣子就學衣冠被服
如制踵至者十餘人

端平初劉椿知萬安軍買扶諸峒黎聞風相率至瓊納款願隨土貢獻

元

至元十六年朱國寶爲海南四州宣慰使訓兵息民黎人降者三千戶蠻峒降者三十所
十八年招降居亥番毫銅鼓博吐桐油等十九峒

天歷二年生黎叛服不常海北海南道宣慰使按攤威望素著生黎王高等二十餘峒皆
願輸貢稅

元統二年十月湖廣行省咨海南僻在極邊南接占城西鄰交趾環四千餘里中盤百峒
黎獠雜居宜立萬戶府以鎮之中書省奏准依廣西屯田萬戶府例置黎兵萬戶府

明

洪武元年十一月征帥駐廣東遣使開諭海南諸部南寧軍士酋陳薦官等望風降附
洪武初盡革元人之弊土酋主都者元帥陳乾富以降免罪徙爲廣西平樂通判州縣各
另除官不用土人兵屯子孫盡革爲民以尙管黎二十九年革除廣東公差大理寺丞
彭與民等奏言瓊州府所屬周圍俱大海內包黎峒民少黎多其熟黎雖是順化上納
秋糧各項差役俱係民當其生黎時常出沒劫掠連年出鎮征剿爲害不息今詢訪各
處熟黎俱有尙首凡遇公差役徵納秋糧有司俱憑峒首催辦官軍征捕亦憑峒首指
引今所屬各有防黎及備倭巡檢司如將各處尙首選其素能撫服黎人者授以巡檢
司職事其弓兵就於黎人內簽點應當令其鎮撫熟黎當差招撫生黎向化如此則黎
民貼服軍民安息矣詔如所請明年五月十一日瓊州府寧遠縣籐橋巡檢司添設副
巡檢黃旗通遠巡檢司添設副巡檢黎讓十月十一日萬寧縣蓮塘巡檢司添設副巡
檢王錢陵水縣苗山巡檢司添設副巡檢符森其後永樂中雖復洪武官制獨兩廣及
荆南土人爲副巡檢者仍權留云

永樂二年文昌白延砦民林彬招服斬脚峒黎三十餘村授彬土官典史世襲又崖州監

生潘隆建言願請招黎授降以知縣職名勅撫瓊州府諸峒生黎

三年潘隆引土人邢萬勝等赴京同領勅招撫勅諭曰朕奉天明命嗣守太祖皇帝洪業四方萬國悉來朝貢尙念爾等以蕞爾之地遠處海南州郡之中仰慕聲教蓋亦有年第因有司不能招撫無由自達今特遣知縣潘隆土人邢萬勝陳應符添成蒲幹符添慶正頭齋勅往諭爾等體朕廣愛之心共相議讓數人同使臣來朝朕卽頒給賞賜俾回田里以安爾衆使爾子子孫永享太平之福故諭

夏四月辛卯廣東都司奏瓊州府屬縣七方等八峒生黎八千五百人崖州抱有等十八村一千餘戶已向化惟羅活諸峒生黎向未歸附上命禮部已歸附者令有司善撫綏未歸附者仍遣人招諭禮部遂奏遣梧州府通判劉銘齋勅往諭之秋七月巡按廣東監察御史汪俊民言瓊州府周圍皆海中有大小五指黎母等山皆生熟黎人所居比歲軍民間有逃入黎崗甚至誘引黎人侵擾居民今朝廷遣使招諭臣愚以爲黎性頑狠招諭之人非其同類未易信從又山水峻惡風氣亦異中國之人懼其瘴毒鮮能全活臣訪得宜倫縣熟黎崗首王賢祐舊嘗奉命招諭黎民信從歸化者多况其服習

水土不畏瘴癘臣請追還使命仍召賢祐至京量授以官俾招諭未服黎人戒約諸峒無納逋逃其熟黎則令隨產納稅一切差徭悉與蠲免生黎歸化者免其產稅三年峒首則量其所招民數多寡授以職事如此庶幾黎民順服從之遂委梧州府通判劉銘遙授縣丞歐可誠又以儋之黎首王賢祐爲同知持勅招撫續遣黎峒首宜倫符添慶黃農狗萬州符森崖州黎讓瓊山許志廣臨高王儂狗澄邁王朝冠定安鍾異樂會王存禮等招到桃花擁糠抱懷羅橫丹臘縱橫等生黎村峒相率入朝各驗其招撫多寡受賞除官有差專一撫黎不預他事復陞劉銘爲知府歐可誠爲推官亦不管府事後銘卒於官壬辰以刑部郎中黃重繼爲知府因土官侵害黎人累經奏聞

四年勅諭瓊山南岐都黎首陳忠等諭曰恁每都是好百姓比先只爲軍衛有司官吏不才苦害恁上頭恁每害怕了不肯出來如今聽得朝廷差人來招諭便都一心向化出來朝見都賞賜了回去今後恁村峒人民都不要供應差撥從便安心樂業享太平的福但是軍衛有司官吏軍民人等非法生事擾害恁的便將着這勅諭直到京城來說我將大法度治他故諭

三月瓊州屬縣生黎峒首羅顯許志廣陳忠等三十人來朝仍授顯等知縣縣丞巡檢等

官賜冠帶鈔幣遣還自是諸黎感悅相繼來歸仍勅陳忠等歸諭村崗人民免其供應

差發夏四月瓊山臨高諸縣生黎峒首王罰鍾異王琳等來朝命討等為主灌巡檢賜冠帶鈔幣

六年春二月瓊州府撫黎知府劉銘率生黎峒首王賢祐王惠王存禮等來朝貢馬命賢

祐為儋州同知惠存禮為萬寧縣主簿賜冠帶幣鈔俾專撫黎人先是封川歐可誠以吏員遙授縣丞隨梧外通判劉

銘委差撫黎尋陞銘為知府可誠為推官銘卒以刑部郎中黃重代之

七年秋八月萬州萬寧縣土官主簿王惠等率其峒首來朝招諭生黎四百二十四戶賜鈔幣

十一年春正月瓊山縣言東洋都民周孔珠招諭包黎等村黎人王觀巧等二百三十餘

戶願附籍為民從之秋七月黎首王聚符喜等來朝臨高縣民黃茂奉命招諭黎峒那呆等二十四峒生黎至是率黎首王聚符喜等來

朝貢馬黎人來歸者計戶四百有奇蓋自初至今招撫諸黎來歸者千六百七十處戶三萬有奇

十三年二月瓊州府生黎峒首羅廣壽等來朝籍其屬歸附凡三百三十七戶七百五十九口賜廣壽鈔幣有差

十四年夏六月儋州土官同知王賢祐率生黎峒首王撒黎佛金等來朝貢馬賜幣鈔遣還上謂行在禮部臣

曰黎人遠處海南素不霑王化今慕義來而朝貢頻繁殆將困乏非常撫之意自今牛黎土官峒首俱三年一朝著爲令

十五年秋八月感恩縣土官知縣樓吉福等率生黎峒首來朝貢馬及方物賜之鈔幣

十九年春正月寧遠縣土官縣丞邢京率生黎峒首羅彬等來朝貢方物賜鈔及綺有差

二十一年瓊州府土官縣丞符添慶等率諸黎峒首來貢方物賜幣帛有差

宣德四年以黎崗多侵擾革去撫黎流官

正統五年知府程瑩奏革撫黎土官黎人自是總歸於府民黎稱便

十年知府程瑩指揮陳英諭撫崖州黎符危向化招回逃民羅討等四十八名

成化八年都指揮王燧委指揮李泰督萬州樂會統軍招撫鷓鴣啼太平等六十七峒生

黎巴旺巴島等五百八十七名歸化

十二年副使涂棐都指揮李祐招撫千家村古鎮州黎賊符那玉等歸化

二十二年通判邱端同指揮李泰招撫加凌等村黎那允等一百四十四村歸化

正德元年定安光螺峒首曹英構黨劫掠萬州等處副使王焯委楊理招服之定安志

嘉靖二年黎賊符南蛇已伏誅其從子崇仁文龍卓立等讐殺諸黎副使胡訓命州同顧

珍撫之玠以撫黎有功加秩二級

六年副使范嵩編民黎爲黎兵知萬州俞大本差緝使王鑰招撫黎首自是地方少靖萬

州志

八年樂會生熟黎亂知縣漆魯抵其巢招撫衆俛首服歛留數日諸峒長率所部數百送之還邑

九年儋州招降修途打松番洋下台那姪大落影打爽木頭八處

儋州志

十一年儋守蕭宏魯招高眼黎千六百家立爲順化都至二十二年又增立來格來王二

都

十八年定安縣知縣徐希朱立招黎老人朔望引黎至縣參謁時定安黎暫效順

萬歷十九年瓊山居碌等峒黎叛通判劉世懋單騎深入招撫諸酋悉服兵巡孫秉陽上

其功撫院爲請於朝特降印一顆使得便宜經峒督捕廳兼撫黎自懋始

四十三年崖州羅活黎亂通判葛經乘機貪贖按院題請裁革

四十四年參將何斌臣同知州曾邦泰招撫儋州黎岐惡來催頂等八十村承認糧稅編

國朝

順治元年土匪黃德華勾結黎酋符萬岡攻破臨高縣城燬官廨庫獄屠訓導翁吉燦家

三十七口并殺閩人僑居者數十人而去

通志

二年三月臨高黎賊符元豪反圍縣城二日署知縣陳震祥擊之殲其魁餘黨奔潰七月
七舍符順道奪取募村黎人椰園黎首蘇九容遂聚眾焚籐橋營作亂事聞順道坐激

變論死

三年二月蘇九容就撫黎賊平

四年五月萬州叛將曹君輔結黎哨陳曾鑣等聚眾鼓譟八城殺知州戴綸吏目朱九錫

遂據萬州由是喃嘒諸峒黎亦乘間劫掠頻年為害六月瓊州鎮李某率兵克復州城

曹君輔遁入黎峒

萬州志

五年四月曹君輔復糾黎賊攻萬州郡旗鼓官在陵水者聞之率兵赴援君輔復遁黎峒

六年定安黎馬蹬根李花臉出掠瓊澄定等縣六月定安廕生王昌言捐資招鄉勇進擊

敗之後復與參將張某約期合剿誤中賊計昌言死之鄉勇遂散八月二十八日夜定安奸民程九娘謝九等結衆賊爲內外應襲破縣城焚掠殆盡昌言妻陳氏以計脫三歲兒乃嚙舌罵賊而死十一月知府梅南遠率兵攻之馬蹠根走免時瓊州初定前明將吏藉監國遺號復叛據郡城諸州縣多從亂黎海劇寇乘間竊發明年曹君輔復反其子宏九被獲伏誅

參定安萬州志

九年八月官兵渡海恢復瓊州參將馬正龍以兵五百定萬州諸黎

萬州志

十三年昌化王翁村生黎屢出抱驛都掠劫縣令陸觀光城守何玉統兵夤夜截其要路擒斬十餘人令各黎刻箭爲誓要以五事毋要路擄掠一也毋焚村仇殺二也毋盜牛畜三也毋隱逃民四也毋抗逆土官五也黎酋得歸感恩畏法自是數年不敢出十四年因逃民久居黎境導落洒諸黎侵擾鄉村縣令城守覓得故土舍王啓英之母張氏至黎峒傳諭明年氏帶落洒峨茄拐鎖可邦婆梅五村人數百赴縣投誠仍令刻箭立誓如前諸黎悅服遂搜逐逃民導黎爲患者蕭三蒙四蘇民仰符兆麟等正法自是漢奸之患稍息康熙四年王翁黎復迫擾松樞赤又諸村縣令嚴於屏治其酋長符

從星解報道府黎岐遂服昌化志

十六年三月崖州侵宇黎王亞錦等糾合羅葵諸黎出掠遊擊馬可任率兵擊斬十餘人王亞錦出降可任責數其罪撫平之崖州志

康熙八年定安大河土舍王之詵等謀叛知府牛天宿總兵崔世榮令中軍遊擊丁月桂千總楊延把總陳飛龍統兵入剿與賊戰楊延死之飛龍躬先士卒奮勇力戰賊潰奔竄月桂厚賞鄰峒黎人使誘王之詵斬之十二月崖州東西黎峒作亂知州張擢士遊擊張德遠集兵剿捕先遣人入諭以禍福賊衆感泣黎民賴安

十九年十二月海賊謝昌楊二等流劫瓊澄文諸邑更誘黎賊韓有獻即羊鬍子等爲亂次年二月水師守備黃世賢開海口所城門迎之又導賊直到澄邁知縣呂登瀛遁初五日至定安知縣韓秀習眷棄城走羊鬍子入據定安城令賊黨搜括村庄子女財物擄掠罄盡與海賊分道殺掠最慘瓊州總兵佟國卿調萬州副將董三策以兵至定安羊鬍子棄城遁屯黃竹三策與賊鏖戰殺數百人賊大敗順德總兵蔡璋統舟師亦至海口楊二謝昌走海外其徒多遁入黎羊鬍子遁歸南峒董三策督兵深入黎境那又

那嘎就撫赦之爲向導直抵巢穴海賊逃入黎者皆殲之殺數千人降黎衆數十崗至是黎崗悉平 定安志

二十二年正月巡道程憲遣定安城守劉任招韓有獻黨僞總兵曾英相等一百二十人赴郡投誠 定安志

二十三年五月劉任招誘韓有獻至郡以病死自是黎患始息俱同上

二十五年瓊山喃嘂及陶家墜峒諸黎酋王乾雄等出劫定安樂會二縣瓊州鎮吳啓爵副使程憲遣人招撫事平因議復設水會所新關坡定樂諸新舊營分兵屯安隘以防

黎患瓊山志

二十八年三月陵水陶家墜峒黎王國臣梁聖奇等焚劫諸村總鎮吳啟爵統兵進勦先後攻破喃嘂陶家墜各擒斬數百人招降四百餘人賊平乃相度地形議於黎岐雜處之黃茅崗地方屯兵三百以遊擊一員統領彈壓八月生黎母葵母贊等又聚衆聲言爲喃嘂陶家墜復讐出劫營汛吳啓爵復領鎮標兵攻破母贊殺十餘賊諸黎酋以次輸誠共招撫生黎十七峒黎首那人等率黎人五百三十五戶歸降啓爵兩次深入

黎崗熟悉黎情請於督院願領本標官兵自裹行糧畧定黎地順撫逆剿一二年間可以廓清全瓊聽朝廷設立州縣爲久安長治大計尋以議非萬全而止乃議開十字道直通諸州縣於民黎交錯處如瓊山設水尾營定安設太平營崖州設樂安營儋州設薄沙營陵水設寶停營皆據黎岐腹心自是不能爲患參瓊山志

三十八年十二月瓊山指馬峒首王振邦等爲亂殺水尾哨兵轉掠薄沙寶停樂安等汛諸崗黎首應之撫黎同知何斌誤墮賊計堅執招撫土棍借撫黎爲名出入黎峒潛通消息致官兵進退失據萬州吏目宛培英入黎撫諭反爲所害

六十年萬州黎作亂官兵剿平之同上

雍正七年十月陵水縣生黎數百人崖州黎峒三十九村生黎王那成向榮等定安縣潮村等十四村生黎王天貴等瓊山縣番否等處十八村生黎符天福等陵水縣生黎那萃等共二百四十六人輸誠嚮化願入版圖每丁歲納銀二分二釐以供賦役三月總督郝玉麟等奏聞奉

恩旨減去一分二釐止收一分以作徭賦

乾隆三十一年三月定安黎首王天成作亂自定安至崖州悉被蹂躪屯聚樂安城四月陵水寶停黎亦作亂遊擊廖國寶督兵駐往拒之尋卒於軍總督楊廷璋率大兵駐雷州遣瓊州鎮甘國寶巡道王錦郡守曹槐撫黎同知宋錦等分督弁兵剿捕諸崗擒殺黎賊百餘人羣黎畏服自是十餘年不敢出掠

嘉慶二十年瓊山儋州交界番崙村已革黎總符克先作亂遂糾生熟黎數百人掠附近黎村漸擾入儋境馮墟峒黎總符功保率良黎禦之克先中矢死其黨亦爲兵勇擊敗黎匪復聚衆肆掠瓊山林灣加祿諸村知縣萬鼎琛知儋州言尙煒會營督兵深入黎境撫諭防堵嚴密賊無由出掠又聞大兵且至各匿深山中乃命符功保及林灣峒長鄧魁星等各率本峒黎守望相助更令諸酋公舉誠實公正黎人充大小水峒總管約束散黎無許滋事瓊儋底定

二十一年八月十四日儋州薄沙崗生黎符那二因黎總符再興嚴刻遂傳狗革村匪黎符巴要符惡等諸村作亂官軍追捕四散逃匿護雷瓊道史祐瓊州鎮洪熬議委府經歷王柱協同儋營守備梁國英率兵入崗招撫馮墟龍頭七坊三峒總管率衆迎謁投

誠惟薄沙崗對峨狗革兩村負嵎不出官軍開山闢徑繞出村背賊集衆拒敵官軍擒殺數人越日長驅直入賊勢窮蹙呼籲乞命王柱受降而歸諸黎感激激兵退留五十人駐調南市防隘口二十二年崖州吏役兵丁盤剝索詐激變樂安汛東西報賢等村黎爲亂流劫村庄殆遍署知州俞孜善以馭下不嚴罷職樂安汛千總文光宗韓彪皆斥革總督蔣攸銛檄田文燾攝州事調萬州營千總周明清帶兵往同崖營署守備王慶清堵捕尋命瓊州府史祐鎮標遊擊馬天益帶兵駐樂安委王應清入峒招撫曉諭諸黎總將所屬亂黎縛送治罪并嚴究役兵索詐盤剝者皆坐以律永革包納錢糧夙弊照陵水黎糧輸法歲由黎總彙收繳州以免侵蝕諸黎悅服誓不復反

道光九年崖州黎人黎亞鷄作亂州東八十里有洋淋嶺地廣而饒中環村峒數十黎性畏官其田賦必倩民人代納稱曰甲頭大率劣衿衙蠹爲之包攬甚或指官索詐加收至倍蓰者黎人不堪謀誘生黎爲亂且殺甲頭值歲饑生黎乏食洋淋村黎亞鷄等因導生黎出掠州兵不能禦知府普祥總兵孫得發率兵馳赴黎人走匿普祥使土人招出厚撫之賊偵知無進剿意皆出領賞而心益輕視官兵會亞鷄病死或割其兩耳以

獻普祥以招撫功竣申大吏奏聞遂撤兵還師甫行焚掠如故又奉黎酋張紅鬚張亞基爲首殺掠彌甚普祥復至仍執撫議總督李鴻賓亟命剿捕孫得發普祥乃增募鄉勇調鎮標及僮萬二營兵集文武議方畧普祥意仍主撫孫得發意主勦群下依違久不決賊益橫疊奉羽檄剿辦不得已定十二月二十八日進兵時役夫多歸家度歲募不足雜以婦女使舁行糧軍器賊諜知之先伐木置路旁並火具刈草覆之令奸民詣營乞爲向導孫得發信之分兵東西二路入次日師次洋淋嶺糧盡役夫遇賊多棄輜重逃師急退則巨木塞道火起伏發官兵潰走孫得發僅以身免萬州營千總周明清峩州營記委黃振疆戰歿兵丁死傷甚衆報至省督撫馳驛奏聞併劾雷瓊道張銘總兵孫得發知府普祥知州齊元發署知州袁斯熊等皆削職李鴻賓親蒞雷州命提督劉榮慶率勁兵千餘馳至崖勦撫張紅鬚等竄匿不出諸黎首乃因土人乞降劉榮慶責令縛賊酋自贖懸賞募生致賊首者賞五百金諭黎人補完九十兩年丁賦永革甲頭包攬諸弊衆喜躍具結悔罪張紅鬚等久匿窮谷中劉榮慶誘入城伏兵擒之檻送雷州悉斬以徇崖州平文武會議善後始借帑生息歲得二千金貯道庫備支防黎

經費更定崖州營制增兵設卡是役也焚劫民村數十殺人盈千俶擾三載糜餉億萬雖曰黎性獷悍難馴其禍實自甲頭始迨後議勦議撫貽害日甚可不慎歟

十三年七月儋州黎人黎亞義等作亂是年大旱貧黎四出覓食奸民貸以錢米期倍蓰償至秋復饑索逋不得無肯復貸者熟黎咸怨思結黨盡殺漢奸然未有以發初黎人未知耕鑿土多閒曠雷廉潮嘉諸郡州民潛入洞中借墾其地許償以粟或佃耕黎田因闢其旁隙地漸至連阡累陌黎人無券約亦無界至歲久所墾田已輾轉分售而黎人不知以爲皆已有也但得租足食則已至是饑黎田皆赤土而客民有收穫者黎人不平則仇殺客民倡衆作亂外峒貧黎羣起應之復傳箭龍頭薄沙內峒煽生黎爲亂高雷土匪薛鳳章等亡命入黎導之出劫七月黎亞義薛鳳章率生熟黎匪千餘人焚掠田頭市居民悉被搜括比州兵至賊已去儋州遊擊塔魯與薄沙巡檢婁汝楫率兵追捕至外崗官兵染瘴病甚婁汝楫以瘴卒賊衆復出劫王五市總兵李元巡道王鑄命遊擊向朝亮率兵二百馳往朝亮言於鎮帥曰黎賊苦饑掠食以救死耳聞大軍至必散伏林莽中山徑險仄跡之不獲瘴毒重兵不可久屯不能獲賊而退則損威盍扼

諸隘口使賊謀不通更令近黎諸村自相團結設火器以驚之彼不得肆掠徒守空山
兩月食且盡不降則死耳今賊出薄沙龍頭二峒調南爲要道宜重兵守之分遊兵旦
夕巡邏絕其出入黎人重利忘義既飽掠必自相爭奪待其勢窮黨渙然後招之以黎
攻黎令殺賊自効桀驁者誅之凍餓者食之恩威並行可不血刃定也請毋趣進兵毋
遽言招撫鎮道許之乃行與知府富爾崇阿等俱進次調南先後擒賊日王老球符小
二符愛老王一等數人委員松壽紳士張績邢惠等督練鄉勇諸村皆集丁壯置火器
環立木柵以自固賊不得肆總督盧坤檄崖州知州諸鎮赴儋會勦何朝亮以所議稟
於大吏極邀嘉獎十月賊首黎亞義死薛鳳章爲他黎所殺山中食盡互相殺奪散亡
者衆時出剽掠悉爲兵民所殲官軍揚言分五路進勦賊大驚十八日良黎符世隴率
黎首符那新等六村首目乞降何朝亮諸鎮許之使爲前驅導兵入山捕獲符元興等
十一名黎總符那密等率生黎數十人縛其酋符老二及漢奸陳瓚等四人以獻檻送
郡城賊黨皆降慰諭遣之賜羊酒銀幣撫安諸黎復業惟漢奸薛鳳章賊首黎亞義戮
屍梟首符元興等發遣枷示論如律先是瓊山大小水村與薄沙峒通貧黎有防賊出

掠者後官軍日迫乏食遂爲儋黎所殺諸鎮命勿窮究止傳其峒長諭令嚴束村衆并請帑金施賑儋州饑黎兩月薄沙龍頭二峒始設總管各一人爲諸村長衆皆悅服儋州平

平黎

漢

武帝末黎蠻攻郡殺太守孫幸幸子豹率衆討平之

唐

乾封初瓊東南諸鄉沒於山峒蠻至德宗貞元凡一百二十四年嶺南節度使李復統兵收復德宗時珠崖黎民三世保險不賓遣嶺南節度使杜佑討平之

咸通五年命辛傅李趙四將部兵擒黎峒蔣璘等於瓊山南境今定安西南峒中置忠州

宋

靖康中逆賊王文滿寇臨高民禱於毗耶神以蜂蠆驅之賊潰

紹興三十年廣西運判鄧酢建言黎酋王文滿結連西峒王承聞等攻破定南寨後復犯

省地遂分遣官燒蕩巢穴生擒賊王用賓等詔令廣西諸司撫存歸業人戶參通志

淳熙初知萬安軍趙絳言尙黎王集結多成王峒叛乞師剿平

四年冬萬安南峒王利學爲亂省帥蓋文進率衆拒之兵弱戰沒知軍湯鶯討平之

嘉定初瓊山逆黎王居起倡亂屢撫屢叛紹定四年復大入寇僭號南王殘害臨澄昌三

邑瓊州城門晝閉事聞遣將討之明年夏居起傳首餘黨悉平

端平間知萬安軍事劉椿平澄臨昌三縣黎賊威名大著

咸淳六年春瓊黎犯邊以欽守馬成旺征之成旺與子撫機開關數十戰恢擴省地乃命

撫機顯筦寄截黎出入諸峒始不敢肆

元

至元十八年本路安撫使陳仲達詣闕陳平黎策授海北海南道宣慰司都元帥命同廉

希恕等收剿諸黎仲達病卒湖廣行省平章闕里吉思以分省督師命仲達子謙亨領

萬戶統諸道兵副元帥王信伯顏於思等進勦都元帥朱斌統兵深入黎巢盡空明年

春刻石五指黎婺而還凡歷三年勦平各州縣清水等誅符十九等渠魁降附者不可

勝數得峒六百戶口二萬有奇招收戶口一萬有奇從省幕鳥古孫澤議立寨學訓諭

峒置屯田府立定安會同二縣萬全一寨陳國賢有平黎記

瓊山縣志

大德中黎賊王文河寇臨樂會王應嘉寇澄邁安撫使奧里天祥討平之

皇慶壬子黎酋天交

一作則高

寇會同天祥復討平之

至治元年四月吉陽黎蠻寇寧遠縣英宗紀

天歷初瓊山黎招亡為亂主簿譚汝楫請兵討之

至順元年澄邁黎王官福等寇乾寧

今瓊山縣

西界都元帥關關軍水尾失利譚汝楫會諸軍

擊敗之加汝楫為總兵都鎮撫既至軍曰南建州

今定安縣

居上流乾寧居下流若水退賊

渡江乾寧危矣乃沿江置墩障與萬戶劉琪分守之賊復寇石山等處汝楫與其子康

力戰康遇害關關不援遂陷澄邁時澄邁黎賊王六具遣其徒王吾數千人寇臨高逼

南寧軍軍判羅伯龍率義兵誅之王官福復自東人寇汝楫渡江出救與守將設計大

敗賊黨時黎賊王馬等皆反陷會同樂會文昌諸邑土官福據南建州土賊王用

通志作周

亦糾十九峒黎蠻二萬餘人乘間作亂命調廣東福建兵隸湖廣左丞移刺四奴討之

參通志
各州縣志

元統元年王官福率賊五萬餘由南建寇乾寧圍守將阿刺孛也于東江譚汝楫帥二千五百人亂流而渡斬首四十一級獲輜重不可勝計七月詔行參知政事完澤會諸道兵進討自至順元年以來東西黎皆亂二年復命湖廣行省右丞劉耳刺領江西湖廣兵會移刺四奴所謂廣東福建兵共討之耳刺病卒至是始命完澤督師汝楫進曰黎獠不率教降而叛者屢矣今亂已四年度我厭兵必出而納款其人多詐不可自遣後患若乘其懈奮兵進擊當草薶而禽獮之絕其根株患乃可止也楫請先死於賊完澤壯之師既出阻於反間完澤陰受賊金留汝楫守城竟納降而歸二年省奏復置黎兵

萬戶府增萬安翼

通前共置十二翼

土官愈熾

參通志

至正十八年黎酋吉天章逐昌化縣尹黃半山奪其印自爲縣尹二十一年知南寧軍曾悅家僕王薦觀作亂攻掠城邑自稱元帥奪吉天章昌化尹印據有其地同上

明

洪武二年征南副將軍永嘉侯朱亮祖師擣雷州黎首震懾吉天章等奔走聽命王薦觀

以昌化縣降尋復叛樂會小踢峒賊首王官泰頓兵不服亮祖統指揮耿天璧等將大軍深入敗之各峒熟黎皆出附籍認供賦稅惟深峒生黎恃險不附未幾舊南寧知州王廷金復結萬州熟黎王賢保及儋州黎首符均勝等賊作亂廣東都司及海南衛官旗節次領軍收捕悉平之參通志

六年陷儋州指揮張仁領軍削平大村七方等寇叛儋州賊首符那欽及峨底落梅新洋等峒拒殺官軍指揮張信千戶方順張德等節次收捕州黎殺人報讐知府王伯貞捕讐殺者數人遂定蕭志

十年討平會同及感恩抱來等峒

二十七年澄邁多簡等村儋州新深等峒及崖州黎爲亂指揮牛銘曹源等討平之

二十八年崖州千家村定安光螺文昌白延等峒黎亂都指揮石堅牛銘千戶崇實等討平之

二十九年昌化黎賊符公槐等亂指揮石堅千戶徐眞統軍剿平時萬州鷓鴣啼崗王得隆亦爲黎亂遂移兵收捕平之俱同上

三十年澄邁白頭嶺等村黎賊王瓶等作亂指揮柴英捕獲之澄邁志

永樂四年崖州羅活峒黎賊亂都指揮花茂討平之蕭志

洪熙元年定安黎王觀苟等叛焚燬縣治都指揮程和黃瑀等督軍進討遂移兵征樂會上郎村賊王莫等俱平之

成化五年儋州七方峒黎符那南亂都指揮王燧討平之那南等先與土舍王賊搆怨都御史韓某給榜開諭那南因肆劫掠自號南土十一月都指揮王燧統軍征勦賊憑險阻屢敗我軍相持月餘後乘雨夜分道夾擊那南敗走窮追至落賀峒搜捕餘黨悉擒之

十一年儋州落窰峒黎符那推亂兵備副使涂棐都指揮李祐統兵進討攻破賊巢平之宏治三年陵水縣黎亭等峒黎陳那洋等作亂十月兵備副使陳英參將姚英統官軍進討至大播山與賊遇大破之

十五年十二月儋州黎賊符南蛇叛伏羌伯毛銳討平之南蛇七方峒黎也聚黨作亂殺掠諸村七月圍儋州指揮周遠嬰城固守八月圍昌化九月分兵攻臨高知縣林彥修

指揮湛鉞聞急馳救鉞以廉州衛借職指揮擢廣東都指揮僉事性英俊有文武才好
奇計始至臨高幾陷乃親率精兵以二千人攻賊萬衆斬七百餘級鄉民皆荷鋤助擊
賊死無算軍聲大振未幾鉞卒賊復肆郡邑震恐至是以征徭將軍伏羌伯毛銳統兵
十萬至令嚴師銳參將馬澄等分軍進擊破其中堅南蛇獨擁精銳拒敵指揮周遠奮
戰斬賊先鋒二人賊大敗南蛇中箭赴水死官軍入據七方峒餘黨以次削平俱同上
十七年萬州鷓鴣龍吟等峒黎鄭那忠等反殺督備指揮谷泰樂會陵水黎亭等黎應之
督府奏聞委兵備副使詹璽統官兵征勦遣指揮王琥等分四路進先爲土舍所泄賊
遁走樂會縱橫峒之大連山麓各路兵皆散而歸自是至正德七年官軍進討皆無功
崖黎亦阻兵相尋亂益甚副使胡訓乃親督大兵分三路進大破之賈志

正德二年峒州千家黎亂副使王倬親領崖昌儋官軍並土舍兵討之賊焚巢而遁釋所
擄獲及逋逃入峒者事平民爲立祠蕭志

嘉靖十三年瓊山沙灣居林等峒渠賊黎佛二反劫營殺典史千百戶各一員知府蕭晚
督土舍許丞官招降附賊出掠者皆至厚賞之授以方畧使誘賊渠黎佛二至設伏擒

之羣賊皆遁

十八年萬州黎賊那紅那黃叛以千戶萬人傑激變遂邀黨入陵水黎亭昌化嶺脚等處大掠副使陳大珊令指揮張世延等進剿遇伏世延并百戶于溥項檜俱力戰死

二十年都御史蔡經總兵柳珣參將程鑒調田州向武等處目兵十萬二千分三大哨九月三路并進大破之斬賊首五千四百八十六級捷聞珣加少保經遷兵部尙書將士賞賚有差

二十八年崖州知州黃本靜

縣志作善

激變黎人那燕作亂屢撫不定巡按御史黃汝桂奏聞

巡撫歐陽必進駐雷州調各路兵分三哨中自感恩入左自陵水入右自昌化入刻期齊集抵其巢斬賊首五十有奇俱同上

四十五年臨高番溪峒黎王綺龍番念峒王三欽番西尚王學紹等反殺土舍王宇劫掠

鄉民人至提南村臨高志

隆慶二年臨高縣生黎襲殺墳橫崗首王顏及生員王虞同上

六年澄邁黎酋王佛陳等集各崗黎劫掠鄉村百餘處知縣顧孟卿選鄉兵以許貴卿爲

首自率官軍剿之殺賊三十餘人九月賊復犯峇邊營許貴卿督兵勇拒戰萬歷元年

縣志作斬賊首王佛陳等二十四人生擒無算破其巢穴得荒田五十七頃自是黎賊

不敢犯澄邁者二十二年兵憲獎貴卿功授把總職令守禦要地參澄邁志

萬歷四年儋州黎首王忠作亂知州王克家以本州黎兵收捕之儋州志

是年萬州黎首那一誘結群黎為亂自隆慶元年出崗劫掠為患至是知州王一岳率鄉

兵入竹根村焚其巢殺數十人萬州始安萬州志

十五年萬州長田等村黎反劫長沙營殺官軍副使易可久報撫院調兵三千餘人分道

進勦蕭志

是年定安黎作亂易可久與參將王椿移兵深入屯月餘值炎暑乃班師定安志

十六年縣志作一十二年臨高黎賊符黑三構黨焚掠南定澄邁等處副使易可久遣同知董志

毅等領哨兵平之遂建獨木營蕭志

二十年定安黎賊作亂守道龔錫爵玩視不徵兵勦捕黎賊日橫定安志

二十五年寇新寨三龍塘等處總兵黎國耀統兵進勦遇伏百戶王應雷死之賊復襲營

焚殺甚衆同上

是年瓊山黎賊黎福黎廣反殺掠南路官口地知縣楊譽設伏拒之不勝民壯李冠正岑

世隆戰死瓊山志

是年臨高番溪番酒等崗黎出掠提南村遂逼縣城總兵黎國耀參將俞榮督兵進剿賊

退明年班師黎復出爲患臨高志

二十六年瓊山居林居碌諸峒黎叛劫掠民村參政王民順遣指揮牛政協同監軍推官

吳洪績帶管撫黎同知經仁木統兵入勦擒獲居碌峒賊首黎坤利瓊山志

是年澄邁縣略達峒黎叛指揮唐應明募鄉兵剿平之招降十餘村咨給本峒田賞其功

通志

是年萬州黎寇溪北村鄉兵敗之萬州志

二十七年瓊山居林等峒復叛定安黎首馬矢倡亂儋崖臨諸黎應之勢甚熾郡守李多

見與攝理兵道余夢鯉集議調諸路兵由臨高定安瓊山三路進攻復招鄉勇黎兵三百餘名同三路兵長驅而進指揮趙孟麟窮追馬矢至乾脚岐界擒賊黨及馬矢妻屬

斬獲無算黎崗悉平後副使程有守議設水會所於馬矢故巢穴委趙孟麟牛政策城
置參將府調千戶一員撥軍三百名守禦始開屯田黎戶安插諸村改居林居碌沙灣
等峒爲都圖納糧編差附近遂無黎患

三十年儋州可森可誓二峒生黎出掠督備百戶林棟部兵數十人捕之爲黎賊所殺副

總兵鄧鍾同撫黎同知吳俸督漢兵勦平之儋州志

三十四年萬州黎寇東澳水口等村大掠萬州志

四十年春萬州黎掠烏石楊等村把總曾忠率兵敗之獲黎首張何那進那長等斬之同上

冬十一月峒州黎岐那陽那牙那定等結羅活抱由諸峒焚掠村市村人自願協剿懇發

官兵士舍助聲勢巡道姚履素詳報請兵四十一年正月令把總曾國棟千戶陳廷策

鎮撫孟延慶分總薛鴻翱把總曾忠率兵攻剿薛鴻翱被射死曾忠違令邀功潛進官

軍亦敗十一月調南頭副總兵張萬紀雷廉副將楊應春等統兵進攻師無紀律爲賊

所乘萬紀及參將張守貴澄邁哨官蔡國賓李俊皆戰死賊勢愈熾乃以趙孟麟提督

手客各兵防守群黎蜂起遂攻陷樂平營圍州城署州事潘大熙躬率民兵偕趙孟麟

竭力捍禦總兵某調集各路官軍合剿東八羊攔西入望樓崖之東西路始通十二月分七路進羅活抱由二峒集黨挑戰副總兵楊應春領東路兵擒斬四十八人賊勢披靡於是諸帥合兵圍捕焚抱由巢穴擒斬一百五十餘人賊墜崖溺水者不可勝計抱由既破羅活賊焚巢竄諸軍長驅而入二峒悉平又搜山窮治諸崗先後擒獲無算遂遣兵屯守二峒時陵水黎廖二亦叛督兵攻之擒斬賊首那求那欣等招安一十六峒陵水亦平羅活抱由既定議築城堡設守備姚履素旋去任後副使戴熹躬歷險阻籌辦善後參將何斌臣規畫機宜知府歐陽璨殫心董率皆有成績自是崖黎大定

蕭志

四十五年正月萬州黎賊掠南橋等村萬州志

四十六年十二月萬州黎掠番鳳等村又寇大掘石頭寮南禮等村

四十七年正月寇加攝烏石等村殺三十餘人二月寇那亮普禮等村六月寇清明田等

村七月寇草子坡橫嶺等處殺傷人民無算

四十八年又寇巴樂大掘牛角窩等村

天啓三年萬州黎賊四出劫掠自萬歷四十年後萬州黎賊猖獗蹂躪諸村殆無虛日官

兵未嘗剿捕俱同上

崇禎四年昌化落西峒黎符那恩叛寇感恩昌化諸邑土舍王創討擒之昌化志

六年萬州黎掠曲埭貫山把總王秉忠敗之秉忠身入內崗與賊死戰射殺數賊身被三

矢猶奮勇克敵萬州志

八年萬州黎賊掠頭石黎寮等村流劫至樂會境鄉兵拒却之

九年知萬州張瓘令千戶曹君輔哨官王秉忠追賊於草子坡斬黎酋買市時瓘初蒞買市來見厚犒遣還未十里即率衆四掠瓘曰犬豕之性不可馴也令君輔等追斬之自

是黎人懾服

十五年八月萬州黎攻六連墩墟等村知州曾光祖命典史於鵬率兵禦之俱同上

十七年臨高澄邁峒黎作亂西南諸村皆遭殘破至王師平定全粵賊始斂跡澄邁志

國朝

順治十年澄邁黎出掠水北等處總兵高進庫討平之澄邁志

十二年六月抱鼻村譚亞枕作亂遊擊馬可任率兵攻之枕逃入生黎八月復糾諸村黎

大肆猖獗焚劫田寮番等村男婦死者三百餘人隴州志

十八年六月臨高生黎王忠吳卿等糾結熟黎爲亂出掠知縣蔡嘉正會同僧澄牧令并參將岳某進搗其巢擒斬無數餘黨奔潰臨高志

康熙五年昌化掃蠻黎首王廷魁等侵擾大小幄諸隣峒副使馬逢臯命瓊州右營易知誘出擒斬之蕭志

十六年黎酋那又那嘎等聚黨蹂躪州縣瓊山西南境受害尤甚十七年僉事范養民命瓊山舉人梁際運領州縣鄉兵進剿擒殺賊黨鄭梁等數十人又嘎勢窮就撫其黨韓有獻又名羊鬍子勾通海寇楊二謝昌內外煽起奪海口所城據之順德鎮總兵蔡璋虎門副將張瑜領舟師來援賊敗走海賊茅向榮等隨黎酋番崙番獻等入黎峒屯據四月瓊州鎮佟國卿親統大軍命遊擊陳國璽董三策從西進至白石嶺連破賊寨十五斬誠以千計茅向榮劉定國乞降國璽又破賊於群信營番崙番獻遁走董三策築壘黃竹從南路進攻二十一年副使程憲郡守修湘年招降酋長符乾定等番崙餘黨亦赴郡投誠二十三年舉人梁際運往招韓有獻亦出投誠瓊山志

二十年崖州頭塘村黎作亂千總賴日勝往捕遇害明年萬州營官兵討平之崖州志

三十八年十二月指馬崗黎首王振邦為亂殺巡哨兵各峒黎首王益東王思義等聚眾

應之賈志

三十九年十月總兵唐光堯統兵由定安縣新關北路峒口進勦又分三路由儋萬崖三

州夾攻不十日黎酋就擒正法諸黎懾服文武官以激變議罪有差時感恩生黎陳章

烈亦乘機出掠附近村市為隣境熟黎所殺同上

五十三年萬州黎吳十八招誘諸峒黎為亂官兵勦捕平之萬州志

乾隆四十六年崖州樂安所屬官坊村黎首那回等作亂歲饑漢奸放債盤剝黎人苦之

出掠鄉村總督巴延三亟命署知府丁某同雷瓊總兵常衡督兵往剿巴延三親至瓊

州益以儋萬兵海口海安兵各三百分赴各要隘堵捕仍出示招撫購熟悉黎情者深

入先後擒賊首數十人並拘盤剝激變奸民解郡治罪崖州平採訪冊

嘉慶八年崖州抱懷村黎酋韋那養及弟那文等糾黨數百人焚掠各村莊雷瓊道海祥

總兵西密揚阿調鎮標及儋萬二營兵同知府焦和生赴嵯剿撫九年正月斬獲黎賊

并炮擊殺凡數十人督撫奏聞委署廉州知府楊栳至崖協辦先後擒黎酋數十乃出
示招撫脅從者皆出投誠繼獲那養那文等解省正法諸峒悉平

海黎志九 黎議

韓俊奏稿畧曰爲今之計莫若革去土舍峒首立以州縣屯所量撥在外軍民雜處於中爲防引開關五指山十字道路均通四處往來遍立地方更甲嚴爲法制禁約除軍與餘丁外餘人有持弓矢者就令更甲擒拿赴官問邊遠充軍自然數年之後老者棄弓不持少者忘弓不習武藝自廢禮樂方興雖有官吏生事剋剝亦得如州縣小民隱忍甘受誰敢倡爲亂階今土舍峒首皆仗貨利肥家逢迎府縣聞欲立州縣屯所彼愀然不樂或又妄生異議然以事理觀之必如是而後可賈志

○太守謝廷瑞奏稿本府地方黎情甚重以海外絕島州縣衛所等衙門皆沿邊海百里之外爲熟黎熟黎以裏爲生黎心腹之病初以熟黎爲藩籬有土舍峒首以管束之事久玩愒反以黎岐爲利臣嘗詢有識士夫及老成涉歷之人皆謂其地南北約七百餘里東西四百餘里又無城郭之固介冑之堅其實不必集調官軍可以刻期而致也正德四年內前任兵備副使王偉平千家村若反掌只用千餘人但當時獨攻一面故近黎

得以聲援相倚又機泄聞風先遁遂不獲收其全功爲今之計必須乘其未發預行積穀練兵揀選本地精壯官軍並鄉夫四千餘人助以一二千土舍黎兵分消並進使彼不暇相顧一面設計招撫彼善弱者先附則強梁者自孤勢孤則巢穴可擣魁渠可執也

同上

巡道林如楚瓊島圖說昔之畫黎者以征撫爲入門開十字路爲實地今水會城

即萬歷二十七年所

平居餘居林沙灣黎之三峒也

撫綏有官守禦有所敷教有塾通商有市民黎熙熙已隱然州縣規模而

又據諸獠腹心矣東通萬陵西達儋感北出瓊定十字已丁矣若踰五指而抵岬招村

關村招峒關峒山澤通氣渾沌自判如解凍之後蟄蟲悉啓戶而出則全島嶼圖豈僅

十三州邑已哉

感恩志

吳會期奏議黎居良民五之一宜於兵威削平之際開通十字大路於其間大約以道里計之自府至崖千里而遙自儋至萬六百里而遙此四至之境也細度之自府至沙灣三百里自崖至羅活三百里俱爲坦途矣其中未開通處不過四百里耳官軍屬武官領之民兵屬有司領之土兵屬鄉保長領之通力合作相其谿壑易其險阻假以數月

而瓊崖之路可由黎嵩中行矣儋萬之功則又殺焉四路交達度中建城量地置堡就堡立屯以攻則取以守則固矣蕭志

海瑞平黎疏云奏爲區處兵後地方以絕後患圖久安事臣竊見瓊州一府顓顓獨居海中其地綿亘一千餘里黎岐中盤州縣濱海環於外譬之人黎岐心腹州縣四肢黎岐爲寇是心腹之疾也心腹之疾不除將必浸淫四潰而爲四肢之患州縣無久安之理古先聖王之治遠方寇亂征討去不窮追蓋施之安荒之外與中國有所限隔之地若瓊則內之黎岐與外州縣百姓雞犬相聞魚鹽米貨相通其間雖多峻嶺叢林彼之出入來往自有坦夷道路自國初至今日除戍守軍民兵截殺并整飭兵備道督兵鵬剿不計外兩廣巡撫都御史上請宏治十四年征儋州昌化縣黎嘉靖二十年征陵水縣崖州黎嘉靖二十九年征感恩縣崖州黎凡三大舉矣每舉調兩廣官兵十餘萬費銀數十萬兩前後屯兵防守騷害居民或三年或四年後止然竟不能使黎寇讐服迄今劫村殺人無歲月無有臣生長於瓊飲聞黎患痛瓊民歲月罹害虛費陛下兵糧迄無一臣爲地方長久計以紓陛下南顧之憂者請爲陛下言之夫瓊地瓊山縣處其北崖

州處其南萬州處其東昌化縣處其西自瓊山縣轉西歷澄邁縣臨高縣儋州昌化縣
感恩縣至崖州計程一千一百里自崖州轉東歷陵水縣萬州樂會縣會同縣文昌縣
復之瓊山縣計程九百四十里是瓊州府自南徂北自東徂西以圍三徑一計之大約
七百里程也臣嘗博訪附黎居慣行黎村人民近日大征踏路官兵皆稱自崖州羅活
峒抵瓊山縣大坡頭營三日可至是黎岐盤踞地不過方四百里而已區區方四百里
地自國初以至今日殘害國家赤子若此之毒而無已調用國家官兵若此之衆費用
國家錢糧若此之多兩廣有巡撫都御史總其權瓊州有兵備副使專其事嘉靖十九
年以來又有守備參將之設迄不能一施勦撫安輯吾民何故武臣憚難畏寇文臣養
望待遷圖目前苟安不爲地方永久謀慮黎小寇害則隱匿不申黎大寇害調兵又苟
且奏功姑以應事塞責瓊郡誌書歷載識者開道立邑之議又載宏治十四年大征議
及此而未行爲深憾彼非不明知之也而莫或行焉間有志立功業者亦慮事掣肘難
行邀功起釁之說禍隨可懼欲舉而止無一人竭材力盡忠實心爲久遠計爲陛下擔
當事者黎寇稔知之習竊卑笑之是以大兵一退即旋轉耕其田處其地數年生長積

聚仍前爲州縣寇害不少衰止若使兵威震疊不日此亦可以奏功蒙顯賞擢從而計久長開通十字道路設縣所城池中峙參將府兵備道則立犄角之形成蠶食之勢矣日摩月化今日寧復有黎乎夫得黎無益於地方處黎或周於計畫謂不足州縣置之可也黎人居處皆寬廣峒場耕作皆膏腴田地非得地不可耕而食文昌縣斬脚峒等黎瓊山縣南岐峒等黎今悉輸賦聽役與吾治地百姓無異儋州七坊峒今亦習書句能正話以此例之非得人不可畜而使黎固方四百里地也凡我兵征討無一次不擣巢穴無一次不收成功故臣嘗以爲宏治十四年開道立縣可無嘉靖二十年大征嘉靖二十年開道立縣可無二十九年大征後開道立縣可無俟歲歲鵬勦年年守戍諉之曰地土險惡勞師無功藉口聖王不治遠人之說者皆庸人苟祿偷安不肯身爲地方當事託詞也往不可諫矣今距大征僅三歲兵威之震懾於黎人尙存遺黎之生聚猶寡開道立縣今日可及爲也不然數年後必一大變一大變必用兵十餘萬必費銀數十萬兩必殘破地方必毒痛赤子功虧一簣坐失事機陛下將奚化哉臣雖未嘗手操弓刃地方變故區處事宜則習聞知矣倘得專任其事馳驅兵革之間俾黎土

盡爲治地黎岐變動盡爲良民臣亦能之事如不效請甘服上刑以謝欺罔虛費兵糧之罪第臣平昔濡染翰墨之人一旦言及軍旅似可駭聽夫瓊固有兵備副使之設矣於此不爲是謂虛位伏乞陛下明敕羣臣中知識事機力可大任不貪富貴志在立功者以之充兵備副使以專治黎之任瓊去京師萬里當事請裁或致遲悞設縣立所限其大槩乘機審勢聽其便宜凡一切招民置軍設里建學遷創縣所屯田巡司驛遞諸事宜許撫按臣等從中節制年年借用許其調廣西土兵廣東漢達官軍打手約四千人值變故許其調用約萬人量撥一次大征銀糧之半以充其費陛下三年考其成立之功七年稽其變化之效必得專任之柄寬其行事而又功少不完不遷其官事少不效必重其罪欲不盡心力而爲之不可得也永絕禍根遺安萬代省國家無已之費紓陛下拊髀之憂可計日見矣經畧瓊州計無有過於此者諸臣無有一爲陛下言之一爲陛下任之臣每痛焉伏惟皇上採納臣言勅兵部咨行兩廣撫鎮衙門會同巡按守巡各官從長計處則地方幸甚生靈幸甚

阮通志

海瑞上兵部條議七事一黎岐所居之地雖有高山峻嶺其中多平衍峒場膏腴田地可

關之以立縣所者甚多今據大征剿後皆人所常行共見者則崖州羅活掬出村感恩古鎮州陵水耶溫崙瓊山大坡頭營儋州七坊崗凡立縣遷縣必先置所移屯其不必立所者亦宜撥軍兵數百名防守俟黎平後議撤其凡揚磨贊二村之間乃東西南北之中可立一大縣遷海南衛並兵備道參府將於中使東西南北皆可以控制黎岐且與新立縣所爲虎豹在山之勢

賈志

一感恩土瘠民苦耕作亦非要害可遷於古鎮州會同澄邁二縣亦非要害似可遷於附近黎峒

一各州縣巡檢司非要害者皆遷於新立所近地或衝要里社以爲關防

一海南衛十一所屯田正以防禦寇也今其地附近之黎登版籍爲良民久矣屯軍一無所爲可撥其田爲民田遷軍餘別營屯田於黎峒中一峒州昌化二所在州縣中其旁州縣居民熟弓矢常時皆能自禦海寇無俟於本所官軍今若遷崖州所於羅活峒則去崖州止一百里遷昌化所於古鎮州則去縣止七十里內可以制黎岐外亦可以禦海寇

一黎人犷悍不肯歸化者爲距州縣遠向化無由并爲奸人所阻隔者亦多今若區處群黎當先其易而後其難既得其易輒立縣所則難者欲爲亂而無羽翼我勢既壯則彼當向化矣

一黎岐歸化當編其峒首村首爲里長所屬之黎爲甲首出入不許仍持弓矢原耕田地聽從其便其山林可開墾者并絕黎田地宜招方外爲業民耕作結爲里社與黎岐

錯居

俱同上

○海忠介平黎圖說圖佚云黎獠之性不常今雖帖然無事而動卽生難者去州縣遠而不霑

治化也東西南北之路不通州縣不立則嵐瘴終於鬱結雖名山大川與生人均歸淪棄彼舍幽戴髮何由見天日乎故今日莫急於開道路蓋十字之道昔人籌之審矣未有能設誠致行者如欲行之則必按圖而計其道之遠近問其間已闢未闢之多寡與夫人力之何以用與夫費用之簡與繁與夫工力之何以起何以成夫借力於客兵借費於異郡將動衆數千經費數萬積數十年爲之不可得也黎人不善抗而善猜未發端而令之猜疑或因以生亂亦數十年爲之不可得也計莫若善馭土舍酌用黎兵夫

生黎渾沌未剖刀耕火種原無他覲而動之靜之者惟熟黎所謂彼其言語相習技力相當性情相合用能致其死命爲所得爲而不之疑是故謀不可不先定也爵賞不可不懸也法令不可不必也請擇於四方酋中有智能爲村峒所信服者招之以爵賞示之以信義寄之以心腹而後責之以成功故熟黎與生黎輔車相倚原無利於關道立縣要以爵賞懸於前利害迫於後堂堂三尺敢有擅違且必令開說誠信使生岐知官原無他意一有歡諾若雖分外魚鹽爲不可捐每四面開來東西橫之南北橫之要於中央相接自南吉而南徙新招之草提等岐以達磨羊磨贊直抵崖之凡陽以斷五指左臂崎嶇之處不過二百里由儋之青寧營以達峨茶等崗以合草提磨菜直抵萬倉以過萬之長沙營以斷五指右臂中間攻苦之處亦不過三百里然據林兵憲圖記稱十字已丁則東西北之路旣已無梗而南之一道可無慮也湏令各處土酋各編本處土兵輪兵出力每人口不過數日日各有糧各依畧指授每日一道可用五十人險夷相準日可關二里每道用官兵一百五十人分大小營開進五十里卽下一子營兵五十名防守進至百里置一總營兵一百名防守又進五十里下一子營而移前子營之

兵以守又進一百里置一總營而移前總營之兵以守謂之連珠營又湏令四方營道相通可使倉卒援應黎兵出衆力以開先官兵養全力以守後總計四面日用二百人日支給二分總計四面日費四兩一年可費一千數百兩而已成績矣不愈於師行數萬日費千金耶然後於四方之中立一大縣并移參將府於中間其撥補錢糧可隨時暫從區處仍急立寨學延師訓導各營及各處村崗皆立社學訓誨其客兵外民有願徙居使雜處之久當漸染言語文字責以換黎服而衣冠每峒各立保長里甲編入戶口各食本田使供賦當差不數年間皆良民矣山澤通氣文明自現行之而效又安見太平之福不坐享於朝廷哉

忠介文集

忠介自識云此區處黎岐大畧也若審勢相地潤澤在人則又不能盡一一如圖說者中間用參將俞虛江處黎圖說話蓋虛江守備瓊崖日久熟於黎事其語不可易也虛江謂誌書元人平黎之後割瓊山之南樂會之北添絕黎田土增立會同定安二縣今之抱顯獨不可以立縣乎此尤足以破庸人謂不可惹禍之謬又圖說中里數此就廣東鋪遞言之也近行北方多次屢問北人大約北方每三十里止可有廣東二十里若如

北方則瓊州府又不止三千里矣同上

參將黎國耀條議二事一議撫剿夫瓊崖環海悉爲編民惟黎岐獨屹然中處蠢茲醜虜非有堅甲利兵可與中國抗衡顧往往激於讐怨勾以流徒潛伏山林時出剽掠且種類繁多此服彼叛兵至竄匿無踪帥旋糾衆如故誠如禽獸安知信義不重擊之其禍難厭第當分別淑慝毋令相煽而起又其地羊腸鳥道未易遽入瘴氣毒水觸之輒病惟當於稔惡不悛者擇一二峒簡率師徒堂堂而進除道緩行安營休養創置火器以爲前鋒彼必不敢逆自當引避逃匿我師旣入傾其巢穴焚其積聚結營爲久屯計彼進不敢退無所掠將見斃於荒谷之間仍遣土舍遍諭諸峒不得以窩容取罪務使醜類殄滅殆盡則各峒且望風震栗受事恐後謂非戮一峒以爲千萬峒懼耶肅志

一編保甲瓊州等縣原設有牌門鄉盟兵擇其豪者爲鄉勇哨官或保長以領之村落大至百餘人小亦不下數十人聞警息即聽有司調集協同營兵防禦以故寇多不敢犯近因宦家買置庄田名曰宦庄一切佃丁鄉盟人等概獲優免既有警叫調不應甚者又有豪奴悍佃窩匿逃亡奸盜莫可究詰而各宦庄亦瓜分勢寡不能自衛遂至東

手無措頌者定安光螺嶺上下之事可鑒已夫前事不忘後事之師也今督撫令撫黎官親履各地方核其戶口稽其生業無論勢宦一概佃丁廝役鄉鄰盡籍其壯者爲兵其中有行能者僉爲鄉勇哨官次爲保長分領其衆除農隙講武外無事不許輒行差遣遇有黎岐出沒集衆防守悉聽有司營官調發敢有仍前抗違閃避者究治庶家自爲守人自爲戰而地方可保無虞矣同上

參將俞大猷圖說黎岐居三州十縣之中與吾治地百姓魚鹽米貨相通鷄鳴犬吠相聞出劫鄉村最爲便易我兵旣集千谿萬徑皆可以適其巢穴無一次不收其成功卽今經戮村分其遺類不甚多以其遺地移吾兵民雜居之則其子孫耳濡目染乎吾民之言語習尙皆可化爲百姓矣惜乎自古以來皆上首功於賊勢方張之時而不能駕馭於摧敗之後能捐大征之財數十萬於賊未平之先而靳經畧之財數萬於善後之際彼其長養積聚之久復如前日之盛一有所激復聚爲亂仍動大兵以剿費用之多殺戮之慘元氣之傷亦其勢之所必至耳本職歷遍各崗備覽形勢撫諭各黎熟察其情果見近今經剿地方於羅活峒宜立參將府遷崖州千戶所於其內抱顯村宜增設一

縣古鎮州宜立屯所各有絕黎田地可酬勦平之功仍各築城穿池以垂永久之規又各不經剿黎崗合先區處以杜後日之患如儋州之摧抱村宜遷鎮南巡檢司又撥儋州千戶所官一員軍一百名陵水之嶺脚崗宜遷籐橋之巡檢司又撥南山千戶所官一員軍一百名瓊山之沙灣宜新設一巡檢司及撥海南衛官一員軍一百名各協鎮之以弭其將來之變仍各築城穿池以爲他日立州縣之基又各城池之中俱蓋參將衙門以便周流巡視若夫道路宜通者則南北取直徑過遷設驛遞以便官民往來又羅活城宜暫圍打手五百名推抱嶺脚沙灣城宜暫圍打手二百名各於鎮壓之中寓招徠變化之術間有梗化不馴之徒相機設計去一二村以警其餘五年之後事宜已定漸次制其土舍行令更爲里長該管黎人就編屬之以爲甲首納糧之外不得再加差役其各州縣印官務將管下黎人嚴禁童女不得如前湟面紋身男人務着衣衫不得如前赤身露腿其首各要加帽不得如前簪髻倒顛各村黎童之幼小者設社學以教之使其能言識字每一年之間守巡官查考各州縣官變化各熟黎幾村招撫過生黎爲熟者幾村具呈撫按衙門以爲殿最如此經畧漸次舉行熟黎既不得倚生黎以

○ 爲禍土舍亦不得假熟黎以生奸不數年間登州縣之版籍矣

賈志

○ 楊理上盧兵備書畧曰蠢黎分有二種土舍峒首所管半生不熟常川出沒者爲黎五指之中歷代不化者爲岐然黎所懼者岐也其五指生岐疆界由瓊至峴不過三百餘里自僧達萬不過二日餘程中間可立衛門候彼三八月饑荒之時或五十月禾熟之際分兵四面開示信義若彼聽從乘此開路有一二村峒不服撫者據其收或妨其耕種彼獠之性最怕火器乘虛遣人抵峒放火四面礮響彼必喪膽黎岐見腹背受敵敢不望風歸降破竹之勢迎刃而解矣但在慎機弗泄蓋彼皆藉土舍爲之探聽事情消息有事官司未舉而黎尙先知而土舍峒首探報尤切更當嚴制舍此之外惟錢糧軍馬二事在加之意而已

蕭志

✓ 楊理上歐陽郡守四事略曰一申明奸弊事各峒首土舍竊欲據黎爲利本峒首乘盛飽饜其慾受害者積恨異己者互相侵伐讐殺而禍害相尋於地方惟是清察奸黨不許藪穴爲奸借黎爲亂勾黎激變斯得之矣

一嚴禁仇殺事黎性之忍當問其由其間有父兄繼世結怨報仇者有受害被陷未伸者

有恃強凌弱有父兄有隙因而弟姪侵奪者有土人軟弱反致欺凌者有土人剝削而激其仇害者今合無行查土舍峒首伊父祖所招黎人村峒至今有服管者若干背拗不服者若干某人地方抵於何處交界某村峒原係服管無役生黎某村峒原係歷代歸化黎岐各令時常帶領出官如有冤枉即爲伸理如有混包霸占他人村峒詭避差役者改正無令群奸欺誑又多乘州縣守令交代之際賄囑民圖影射者又有一種新村爲狡猾所住村峒已爲都圖却報良民庄佃作黎爲害官司不知其意准給符帖以中其奸二者皆老奸巨猾削奪州縣不可之大者尤宜查明痛革造冊在官永爲定規則仇殺之禍銷而抑屈之患永絕矣

一開通道路事自洪武庚戌永嘉侯朱亮祖壬子指揮張庸乙卯百戶李貴相繼興舉或方計定而他事掣肘或已加工而失處壞事故至戊午指揮蔡玉建暫停之議後各上司雖傳述不忘而終不能舉者蓋因既不深知地利又被奸讒蒙蔽有云山勢險阻嵐瘴可畏有云黎人梗化有云地高難耕有云動衆勞民出此言者不過避勞取逸且思以山勢隨阻則元帥曾抵其處什物輜裝通行無礙近年太守浮梁張公亦深通陽春

峒其峒在五指山下東南爲郡之中黎居以千計自不至惡南有浦他香根竹茂竹擁皆係反黎西南有萬家羅活磨岸磨魁等村東有思河等峒東南有縱橫斬充等峒北去定安東南出萬州陵水西北至儋州程計六日惟西至昌化中阻大溪湏浮筏乃濟聞之始通之人入自思河僅六日前半路頗崎嶇後愈入愈衍岐黎欽奉情極卑謹其旁呼爲百姓峒者乃天順間郡賊餘黨潛住生息甚繁話皆東語比岐猶勤耕作由此觀之則無險阻可知矣以爲嵐瘴可畏則久逃軍民老引客商在內娶妻生子舉皆無恙以爲獠性梗化則何宋元生黎累見歎降而陽春主崗今何輸服以爲其地不毛則所耕何皆膏腴以爲勤勞是雖不免然勞於一時而實利於永久所謂一勞永逸是也

一 增添國制事孟子稱明君制民之產必使仰事俯畜皆足然後驅而之善至哉言也今見本府文昌等縣失業良民實難度日是有入而無可耕之田又見本衛十一所屯軍多懶惰不務農爲強竊禍害鄉村是有田而無肯耕之人俱爲失處合無從今凡遇征剿之後黎旣死散即招前項文昌等民列村居住分耕其田十一所之屯隨近撥還州縣給民耕種照民苗起科而移軍入屯於此凡有一征必此一舉且隨其所近處之數

征之後則通郡皆有處矣如此則窮民無流離之苦強軍無侵盜之害併軍民叢聚之勢可以禦侵內之黎陶衣服倫理之久可以變化外之俗所謂立州立縣置學置師皆不勞而定矣

○參將何斌臣征黎善後條議畧曰由間道而出奇兵審地利以據險要用熟黎以行閒諜易器械以便攻勦禁魚鹽以困諸黎備飲食以防瘴毒慎偵探以行誘敵招亡命以絕敵資輸接濟以足軍精慰順黎以寓招撫秘機謀以明暗號相機宜以乘時勢懸賞格以倡勇敢調狼兵以衝險阻

郡守賈棠議云查瓊州素無山賊出沒止有黎人爲患細閱瓊志平黎議黎諸論議雖云黎性難馴實皆奸徒唆煽勾引有以致之前代王璉之亂因兵備道龔錫爵誤聽招撫以致受欺近歲王振邦作亂撫黎同知何斌復往招撫受其愚弄皆彰明較著者蓋黎人蠢爾無知其爲亂也皆由奸徒煽惑彼利於黎人爲亂得以從中攫利方其蠢動之時赴官力任招撫圖騙委牌公然出入黎峒無復顧忌反將官兵情勢進勦機宜告之黎人更教以拒敵之策導以搶掠之方官府倚爲心腹賞給銀錢黎人恃爲細作酬贈

財物甚且捏寫黎人冤狀開列某官騷擾某役需索有實跡者得賄而削名有讐隙者羅織而入欺官府恐黎人之擾亂奸徒利黎人之狂逞及至亂萌又惟恐就撫之速無以取利多方設法阻隔迨日久猖獗終必剿戮而後得平此輩之陰陽反覆煽惑長奸真有不可名狀者從來安黎無善策惟有平日無事則嚴其盤詰禁其騷擾一旦有變則朝發夕勦無使滋蔓隨剿隨撫誅彼元兇宥其餘黨恩威並施平定易如反掌若誤信招撫遲疑不決遷延日久諸崗響應勢難解散斯時言剿所傷實多康熙廿八年已設有樂安寶停薄沙太平水尾五營防守要路若撫循得宜亦可免蠢動之虞矣

俱同上